

# *PONO YA PATIMO*

 ...Bjalo ka ge Ngwanešu Neville a be a dira ditsebišo tšela, gore Ngwanešu Moore o boletše letšatši le lengwe, a bolela ka Moya wa Morena, o tlide ka gare... o etla ka moagong. O rile, "O bile wo mogolo kudu ka kua go fihla ke naganne Tlhatlogo e be e tlide go fihla ke lebeletše go dikologa, ke bone ba bangwe ba dutše mo," ka re, "aowa, ga se ya tla gabjale, gobane ge—ge ba sa le mo gona ke a tseba ke sa le mo." Kafao dinako tše dingwe Moya wa Morena o ba go loka go rena.

<sup>2</sup> Re thaba go ba le bagwera ba bantši ba re ba bonago ka moagong. Ba bantši kudu go leka go ba bolela. Ke nno direga go lemoga go tleng mojako, Ngwanešu Carpenter, monna yo a nyadišitšego mosadimogatša le nna mmogo. Ngwanešu Carpenter, o bile tšhegofatšo ye kgolo go renamo kerekeng, gomme o bile tšhegofatšo go renat seleng ya bodiredi, le go rera e ka ba, gagologolo e ka ba mogohle. Gomme re thaba go ba le yena ka gare le renao, oo, ba bantši ba bangwe.

<sup>3</sup> Bjale go na le potšišo ye nngwe mo ye ke e filwego mantšiboa a go feta:

**Ngwanešu Branham, a dikgarebe tše hlano tša ditlaela tša Mateo 25 di balwa bjalo ka mašalela a Bantle? Ke a kwešisa gore dikgarebe tše hlano tša ditlaela di be di pholosítšwe eupša di swanetše go ya go kgabola lebaka la tlaišego ye kgolo. A ke nepagalo? Ge go le bjalo, bofihlo bja bona bja mafelelo e tla ba eng? A ba ka ba dinku tše di hlaolwago go tšwa go dipudi ka go Mateo 25:33 le 34?**

<sup>4</sup> Moithuthamodimo yo mokoane botse go ya ka mo ke... [Ga go selo lefelong la theipi—Mor.]...ke e naganago le nna, gore ke mašalela, kgarebe ye e robetšego ke mašalela ao a bolelwago ka go Kutollo; a peu ya mosadi ao a bolokago melao ya Modimo le go ba le bopaki bja Jesu Kriste. Mosadi o tla tše se—se seripa sa lešela gomme a se ala fase; gabotse, bjale, seo ke se a se segago yena...goba o tše phethene ya gagwe a e ala kae kapa kae a nyakago, ka tsela ye a yago go sega yeo. Gomme gona ge a bile le se a se šiilego se bitšwa mašalela, eupša o kgetha go le sega go tšwa lefelong le le itšege ka monagano wa go lokologa wa gagwe mong. Eupša se se šetšego se bitšwa mašalela.

<sup>5</sup> Bjale, ge le ka hlokomela, go bile dikgarebe tše hlano tša ditlaela le tše hlano tše bohlale; bona bohle e be e le dikgarebe, ba dirilwe ka dikago tša go swana. Eupša, ka kgetho, Modimo o kgethile Monyalwa wa Gagwe ka kgetho pele ga motheo wa lefase, a bea maina a bona godimo ga Puku ya Kwana ya Bophelo ye e hhabilwego pele ga motheo wa lefase; pele lefase le ka

tsoge la thoma, Modimo ka monaganong wa Gagwe, go beng mohlokamagomo.

<sup>6</sup> Gomme re šomiša lentšu nako ye nngwe, ke “kgethelopele,” eupša ke mphegelo wa nnete ka go lebaka le la kereke le re phelago ka go lona. Ka nnete e bile selo se segolo se šomišitšwego ka matšatšing a bahwelatumelo, gobane ka nnete ba e dumetše. Eupša le ile kgole go tloga go Lona bjale, go ya go kgopolu ya semolao, thuto ya semolao ka kerekeng yeo e tlago . . . Yeo e bego e le selo se sekaone, gobane gohole ga yona e bile Bocalvinistic ka Engelane go fihla ebile ba se sa na le tsošeletšo gape, gomme John Wesley o tlie go bapa a rera thuto ya Arminian yeo e e thekgeletšago. Modimo ka mehla o tla e thekgeletša.

<sup>7</sup> Kafao ka gona kgarebe ya setlaela ke yeo ya go se be le oli ka maboneng a bona, yeo ke dumela gore ba lahletšwe ntle ka leswiswing la ntentle moo go tla bago go lla, go golola, le ditsikitlano tša meno. Gomme ge o ka bapetša yeo, goba dinoutso tša gago tša fase, e tla e bušetša morago go tlaišego ye kgolo. Gomme ke a nagana ke ba ba šalago morago le go ya ka tlaišegong ye kgolo. Gomme thuto ye kgolo fao, ge re be re ne nako go ya ka go yona. Ge le . . .

<sup>8</sup> Bjale, elelwang, ke boletše pele, moo ge le ekwa ditheipi, “Dilo tše di no ba go ya ka tsela ye ke di dumelago go ba nnete.” Le a bona? Bjale, ge di fošagetše, ga ke—ga ke tsebe di fošagetše. Ke . . . Gomme ke kgona feela go bolela se ke se dumelago. Gomme ga ke re go gobatša maikutlo e ka ba a mang. Re swanetše go a beela thoko ge re etla ka gare, gomme nako yeo re tsee selo se se boletšwego, gomme re se puruputše, gomme re bone ge ka kgonthe e le Mangwalo goba aowa. Yeo ke tsela ye kaonekaone go e dira. Ka gona . . . Gobane ka letšatšing boka re phelago ka go lona bjale, ka setšhabeng moo se bududitšwego ka maatlamaatla gape le gape le gape le gape ke mehuta yohle ya se sengwe le se sengwe, gabotse, go bothata go dira batho ka kgonthe go no se kwešiša, boka go le ka go lefelo la kgarebe. O a ba botša, ba a le dumela, ke ka tsela ye e yago pele.

<sup>9</sup> Eupša, bjale, yo mongwe o tla tla go bapa le kgopolu *ye*, gomme yo mongwe o tla tla go bapa le kgopolu *ye*, gomme re na le e ka ba makgolo senyane le metšo dikereke tša maina tša go fapano, gomme ye nngwe le ye nngwe go fapano (thuto ya gagwe) le ye nngwe; gomme go swanetše go ba yo mongwe wa phošo, le yo mongwe wa go nepa. Kafao bjale netefatšo e nnoši ya yona ke, ke go e tliša morago go Beibe; le a bona, dumelela Beibe. Bjale, makga a mantši, batho ba bea tlathollo ya bona beng. Eupša re leka bokaonekaone bjo re kgonago, go se bee tlathollo e ka ba efe ya setho go yona. E no E bala boka E le bjalo, gomme o re, “Yeo ke tsela ye E lego.”

<sup>10</sup> Gomme ka gona ka mehla ke hlokometše, ge o ka no tšeа se A se boletšego, se tla dira se sengwe le se sengwe go sepelelana thwi

ka go Lengwalo. Go nyakile go swana le go bea mararankodi a saga mmogo, o swanetše go lebelela phethene pele o ka kgona mararankodi mmogo ka nepagalo. Ge o sa dire, ka mehla ke rile, “O tla swanela ke go ba le...Ka tiragalong ya gago, o tla ba le kgomo e fula bjang ntlhoreng ya mohlare.” Kafao go—go tla no se lebege gabotse.

<sup>11</sup> Gomme ge re no dumela Moya wo Mokgethwa... Ke mang a ngwadilego Beibe? Moya wo Mokgethwa o sepetshe godimo ga banna le go ngwala Beibe. Gona ntle le Moya wo Mokgethwa, ga go kgathale o rutegile gabotse bjang, o ka se tsoge wa E kwešiša. Gobane ebole le Jesu o lebogile Modimo gore O E utetshe mahlo a ba bohlale le tlhaologanyo, gomme o tla E utolla go masea ao a tlago go ithuta. Gomme yo mongwe le yo mongwe wa baratiwa ba be ba le bontši goba bonnyane batho ba go se ruta ge le go se ruta ge eupša yo motee, gomme yoo e be e le Paulo. Gomme Paulo o rile o ile a swanela go lebala tšohle a kilego a di tseba gore a hwetshe Kriste. Kafao o boditshe kereke ya Bakorinthe, o “be a se a tla ka bohlale bja batho le polelo ye kgolo,” ka gobane gona tumelo ya bona—ya bona e tla ba ka go bohlale bja batho, eupša o tlide go bona ka maatla le tšhupetšo ya Moya wo Mokgethwa, gore tumelo ya bona e tla ithekga godimo ga mediro ya Moya wo Mokgethwa go ya ka Lentšu la Modimo. Gomme moo ke mo re ratago go dula kgauswi kudu le gona, gonabjale, gobane pele beke efela, goba nako ge beke e fela, le tla e bona, ke tlwa se se bego se le gona, tlhale ye nnyane yela e etla fase go kgabola lebaka gohle go bapa.

<sup>12</sup> Ke le leboga go beeng letlapa godimodimo gannyane. Leo le lebega bokaone.

<sup>13</sup> Bjale, oo, re... Ke duma ge nkabe re bile le yona feela marega ohle, gore re kgone go no tše Puku ya Kutollo go tlala le go no ya thwi go E kgabola. Ke thuto ye botse bjalo ka kua. Gomme ke a elelwa, ke a thankae bile mengwaga ye masomepedi ya go feta goba masomepedi tlhano, ge kereke e be e sa le ye mpsha, re thomile e tee... ka pelapela seruthwane se sengwe, gomme e bile tsela go nyaka go ba seruthwane sa go latela, go ya go kgabola Puku ya Kutollo.

<sup>14</sup> Bjale, ke elelwa re tše Puku ya Jobo. Oo, Ngwanešu Wright! Ke dutše go yona botelele kudu go fihla mosadi a nngwalela le go mpotsiša, o rile, “Ngwanešu Branham, a ga o ye go tsoge tloša Jobo sethobolong sela sa molora?” Gabotse, ke be ke leka go dira ntlha, gobane thwi fao ke moo se sengwe le se sengwe se tswalelelwago, go lefelo lela; godimo go lefelo go moo Moya wa Morena o tlide godimo ga gagwe, nako yeo ge legadima le thoma go pekenya le medumo e rora, Moya o tlide godimo ga moperfeta gomme o bone go tla ga Morena. Gomme ke be ke nyaka go gapela seo gae, ke lebaka leo ke mo swareletšego godimo ga sethobolo sa molora nako ye telele, kafao—kafao re kgona go dira ntlha. Gomme ke a tseba go ka lapiša gannyane,

ba bangwe. Ke a tšhoga, le nna, ge ke ekwa yo mongwe a bapala tikologong ka se sengwe, go lebega o ka re o tla ya pele le go se thula. Eupša mohlomongwe Modimo o etapele motho yola bakeng sa morero wa seo.

<sup>15</sup> Bjale morago ga mašalela a, pele re tlogela potšišo. Ke a holofela ke e hwetša go hlaka. A...Ke dumela ka therešo gore mašalela a kgethile ke Modimo. Ke—ke a e dumela, gore Modimo o kgethile mašalela pele ga motheo wa lefase; gomme o dirile ka ya Gagwe “tsebelopele.” E sego lentšu...Bjale šetšang *kgethelopele*, le a bona, gobane ke lentšu le lennyane la go kunana magareng ga batho. Le a bona? Eupša Modimo, pele ga motheo wa lefase, ka go monagano wo mogolo wa Gagwe wa go hloka magomo, o kgethile Kereke, o kgethile Jesu, o kgethile Kereke, gomme o kgonne go bolelelapele mo mathomong se se tla bago mo bofelong. Yena...Ge A le mohlokamagomo, ga go selo A bego a sa se tsebe. O tsebile letsetse le lengwe le le lengwe le tla tsogego la ba lefaseng, gomme le tla panya mahlo ga kae. Bjale, seo e no ba ga kae...gomme ke tšholo ye ntši gakaakang e tla e dirago, gomme ke bontši gakaakang tšona tšohle di tla go dirago mmogo. Seo ke gohlokamagomo, ke bohlokamagomo; o—o...go no se be tsela go E hlaloša. Gomme Modimo, seo ke se A lego sona, Modimo mohlokamagomo.

<sup>16</sup> Kafao, ge le ka hlokomela, Beibele e boletše gore ka matšatšing a mafelelo gore molwalekriste o tla tla godimo ga lefase...

<sup>17</sup> Bjale theetšang sekgauswi! Yeo ke phošo e nnoši...Ke thanka a ka kgona go hwetša dimilione ka go ya ka. Eupša go wa rena yo bohlokwa Ngwanešu Billy Graham, letšatsi le lengwe, theroyela ya go babatšega a e rerilego Lamorena la go feta, gomme ka nnete ke naganne e be e le molaetša wa go ba nakong. Gomme...eupša o boletše gore “Sathane ebile o fora le Bakgethiwa.”

<sup>18</sup> Aowa, Beibele e rile, “O be a tla fora Bakgethiwa *ge* go be go kgonega.” Eupša ga go kgonege, gobane Modimo o ba kgethile pele ga motheo wa lefase. Le a bona? Kwana...Jesu Kriste o bile Kwana ye e hlabilwego go tloga motheong wa lefase. Ge Modimo ebile a bea ka monaganong wa Gagwe, ge A bolela Lentšu lela, Le ka se tsoge la fetoga, Le ka se tsoge la fetoga. Le a bona, gobane Yena—Yena—Yena ke mohlokamagomo, gomme Mantšu a Gagwe a tla tla go phethega.

<sup>19</sup> E nong go nagana, lona...lefase le re dutšego godimo ga lona bošegong bjo ke Lentšu la Modimo le bonagatšwa. Lefase le foreimilwe mmogo ka dilo tše ebile di sa tšwelelego. O nno re, “Anke go be le,” gomme e bile gona. Go bonolo gakaakang go Modimo yoo go fodiša mmele wa go babja gona, ge A kgona go aga tlholo ka go no e bolela. Le a bona, Lentšu la Gagwe. Ge re ka no hwetša tumelo go bona se Lentšu la Gagwe le lego sona! Re

tlemeletšwe lefaseng le go hlakahlakana kudu ka monaganong wa rena go fihla re... Oo, ga ke tsebe. Re bile le go rutwa go gontši, tlhabelo go tšwa go yo motee yo, le tlhabelo go tšwa go yo motee yola, gomme—gomme go nno re fihliša go lefelo mo le phetlegilego lohle. Eupša ge o ka tsoge wa šikinya selo ka moka go tlemologa, go tla morago go tseba gore Yena ke Modimo, gomme Mantšu a Gagwe a ka se kgone go palelwa go feta Yena a ka se kgone go palelwa. Gomme ge Lentšu lela le palelwa, gona Modimo o a palelwa; gomme ge Modimo a palelwa fao... Yena ga se Modimo. Le a bona? Kafao... Gomme le a elelwa, A ka se kgone go bolela selo setee *mo* le se sengwe gape godimo *mo*; O swanetše go dula le sephetho sa Gagwe sa pele gore a be Modimo. Kafao, re no swa-...

<sup>20</sup> Gomme O no re kgopela selo se tee, go dumela se A rilego ke Therešo, gomme O tla e tliša go phethega. Oo, go botse bjang! O be a letetše selo sa go itiragalela go direga; dinako tše dingwe go no tsea nthathana ye nnyane ya tumelo. E ka se dire mohlololo, eupša ge o ka no swarelala go yona, e tla go tliša ntle; e no dula thwi le yona. Boka A rile, “Peu ya mosetata, ye nnyane kudu magareng ga dipeu tšohle.” Eupša a o kile wa hlokomela, mosetata o ka se tswakane le selo. O ka se tswakanye mosetata le e ka ba eng, o ka se hlakane. Gomme ge o na le tumelo, feela nthathana ye nnyane ya tumelo e ka se tswakane le gosedumele go go itšego goba bokerekibjo bo itšego goba dithutotaelo, e no dula thwi le Modimo, e no dula thwi le Yona, E tla go tliša pele thwi go kgabola kgudi, go go tseela thwi ntle. Ya! E no dula le tumelo yela.

<sup>21</sup> Bjale, mathomong, ge Modimo... Beibele e boletše, ka go Kutollo, gore “Molwalekriste, ka matšatšing a mafelelo...” Bjale lebelelang dikereke tše tšohle di tla mmogo. “Molwalekriste, ka matšatšing a mafelelo, o tla fora bohole ba bego ba le lefaseng bao maina a bona a bego a se a ngwalwa ka Pukung ya Kwana ya Bophelo go tloga motheong wa lefase.” Leina la gago le beilwe neng ka Pukung ya Bophelo? Pele re be re ka tsoge ra ba le lefase, o ile wa kgethiwa go amogela Moya wo Mokgethwa ka go lebaka le.

<sup>22</sup> Ke tšoenne Eddie Perronet:

Ke kgwapereditše soulo ya ka go lefelo la go khutša,  
Go se hlwe ke sesa mawatle a pelaelo ya bobelete gape;  
Ledimo le ka no swiela godimo ga bja bobelete,  
botebo bja madimo,  
Eupša ka go Jesu re bolokegile go ya go ile.

<sup>23</sup> Ga go selo se ka kgonago go re aroganya (Modimo a ka se kgone... go se ye morago go Lentšu la Gagwe. Gomme ge A le mohlokamagomo, gomme a go fa Moya wo Mokgethwa *mo*,

a tseba gore O ya go go loba tlase *mo*, ke mohuta mang wa kgwebo A e sepedišago?), ge o se wa forwa ka boitemogelong bja gago, ge o na le Moya wo Mokgethwa. Eupša šetšang se Beibele e se boletšego, Baefeso 4:30, “Le se ke la nyamiša Moya wo Mokgethwa wa Modimo, wo le tswaleletšwego ka wona go fihla . . .” Tsošeletšo ya go latela? A yeo e kwagala gabotse? “O tswaleletšwe go fihla letšatši la topollo ya gago!” Botelele bjo bokae? Go fihla topollo ya gago.

<sup>24</sup> O tsea lepokisi la koloi, o le laiša godimo ga serwala, gomme ge le laištšwe ka go phethagala . . . Bjale, ba ka se kgone go tswalela koloi ga bjale, mohlahlifi o swanetše go tla kgauswi. Gomme o a hlahlofa, le go bona ge eba e ka ba eng e hlephile ye e ka šišinyago. Lepokisi le ka no be . . . Lepokisi la koloi le ka no be le laištšwe ka botlalo, eupša ge le na le mafelo a go hlepha ka go lona, o swanetše go le paka godimo gape. Gomme bjoo ke bjo e lego bothata, bontsi bja rena ga bo hwetše Moya wo Mokgethwa; ge mohlahlifi a etla kgauswi, O hwetša mafelo a go hlepha a mantši, le a bona, kafao A ka se o tswalele nako yeo.

<sup>25</sup> Moithutamodimo yo mogolo o tlie go nna letšatši le lengwe, goba e sego letšatši le lengwe, ebile mengwaga ye meraro goba ye mene ya go feta, gomme o rile, “Ke nyaka go go botšiša selo se sengwe.” O rile, “Abraham o dumetše Modimo, gomme e baletšwe yena go ba toko.”

Ke rile, “Yeo ke therešo, nnete.”

O rile, “Ke eng go fetiša motho a ka se dirago eupša go dumela?”

Ke rile, “Seo ke sohle o ka kgonago go se dira.”

<sup>26</sup> O rile, “Gona o ya kae le dilo tše tša Moya wo Mokgethwa ntle le seo?” Bjale, le a tseba o be a le Mobaptist. Gomme o rile—o rile, “O ya kae le Moya wo Mokgethwa wo?” O rile, “Ge motho a dumela! Motsotswo o dumelago, o amogetše Moya wo Mokgethwa.”

Ke rile, “Aowa, aowa. Bjale, o—o dira thulano ka Mangwalong, Mangwalo ga a thulane Wonabeng. O a bona? Paulo o ba botšišitše, ‘A le amogetše Moya wo Mokgethwa *ge e sa le le dumetse?*’”

Gomme o rile, “Gabotse . . .”

<sup>27</sup> Ke rile, “Ke therešo gore Abraham tatago tumelo o file . . . o bile le tshepišo ya Modimo gomme o dumetše Modimo, gomme e baletšwe yena bakeng sa toko, eupša O mo file leswao la lebollo bjalo ka leswao gore O amogetše tumelo ya gagwe.”

<sup>28</sup> Bjale, ge A se a tsoge a go tswalela ka Moya wo Mokgethwa le bjale, Yena ga se a tsoge a amogela tumelo ya gago ka go Yena le bjale, o na le mafelo a a hlephilego. Le a bona? O ka no dumela, ya, eupša go na le mafelo a mantši a go hlepha. Gomme ge o bile le mafelo ao a go hlepha a tišitšwe gabotse, gona O go tswalelela

ka Moya wo Mokgethwa go fihla letšatši la topollo ya gago. Yeo ke tiišetšo ya Modimo gore O amogetše tumelo yeo o e bolelago ka go Yena.

<sup>29</sup> Abraham o boletše tumelo, gomme Modimo o rile, “Ke tla go fa leswao bjale gore o . . . gore Ke go amogetše.” Gomme O mo fa leswao la lebollo.

<sup>30</sup> Bjale, ge o amogela Kriste bjalo ka Mophološi wa gago wa sebele le go dumela go Yena le go Mo kgopela go hlwekiša bophelo bja gago, gomme ka gona ge A etla morago ka Moya wo Mokgethwa gomme a go fa leswao la Moya wo Mokgethwa, gona o a tseba o tswaleletšwe go fihla topollo ya gago.

<sup>31</sup> Lepokisi le la koloi mo, ge le hlephile . . . Morago ga ge le pakilwe lohle mmogo gomme ba tswalela lebati lela le go bea leswao godimo ga lona, gomme le—le tswaleletšwe go fihla bofihlo bja lona, dikhamphani tša tsela ya ralawene di tla go ahlolela nako ya bophelo ge o ka thuba setswalelo sela. Di ka se kgone go thubja. Le tswaleletšwe go fihla bofihlo bja lona; ga go mang kapa mang go bapa le thereke a ka kgonago go le goga go le bula le go lebelela ka go lona, le go le hlahlofa le go le lekola, le go lahlela dilo di se kae ntle, go bea dilo tše dingwe gape ka gare. Aowa, aowa!

<sup>32</sup> Ye kereke e tla re, gabotse, thutotaelo yela, “Ye ga se ya loka, yela ga se ya loka.” Ge Modimo a go fa Moya wo Mokgethwa, e rarologile! O tseba mo o emego, o tseba se se diregilego, gomme o tswaleletšwe tsela yohle go fihla letšatši la topollo ya gago, bofihlo bja leeto la gago la lefase le. Oo, nna! Seo se swanetše go dira e ka ba mang go no ba le tumelo le go dumela Modimo, go no phagama ka maatleng ka go Moya wo Mokgethwa.

<sup>33</sup> Bjale, dikgarebe tše di sego tša hwetša Moya wo Mokgethwa, (Le a elelwā?) selo se nnoši ba bego ba se hloka e be e le oli ka maboneng a bona. A ke nnete? Beibele e rile *oli* e swantšha “Moya wo Mokgethwa,” ke ka baka leo re tlotšago balwetši ka oli, le go ya pele, gobane ke sekā sa Moya wo Mokgethwa. Bjale, gomme ka gona ge—ge Moya wo Mokgethwa o be o se wa tla godimo ga bona, ba be ba se na le Wona. Gomme nako yeo ge A etla, ba rile . . . Bjale, go dikgarebe tše di bego di ne oli, ba rile . . .

<sup>34</sup> Le a bona, ba be ba le morago ka go lebaka la kereke; go be go le ba bangwe ba bona ka kua ba bego ba le batho ba go loka eupša ba be ba se ka go Seetša sa naledi, se ke se rago, ka pete e karabeditšwe ka go oli. Le a bona, gomme e be e le ka ntle. E be e ile ka ntle, ba ikarogantše bonabeng. Paulo o rile, ka letšatšing la gagwe, “Ba ikarogantše bonabeng go tloga go rena, ka ponagalo ka go se be le tumelo.” Le a bona, gomme ba tlogile go bona, “Ba tlogile go rena gobane ba be ba se ba rena.” Bjale, e thomile morago ka go lebaka lela la pelepele la Efeso le go tla pele go theogela ka go lebaka le la lehono. Selo sa go swana, le lengwe le le lengwe la mabaka ao, se se diregilego ka go wona se lepeletše

godimo ka go mabaka a fase mo. Re ya go tsena ka go seo ka go teba ka go lebakana le lennyane.

<sup>35</sup> Bjale, hlokamelang gore kgarebe ye, go le bjalo, o ile ka mo go bego go le go lla, go golola, le ditsikitlano tša meno.

<sup>36</sup> Anke ke bolele se mogwera moratwa yo bohlokwa wa ka; gobane ka mehla kerekeng mo, ge ke etla mo, ke no tla mo le go ba le tirelo ya phodišo le go rapelela balwetši, le go ya ntle go kgabaganya naga felotsoko. Eupša ye ke nako, ke le boditše nako ye telele, bea letsvalo la gago ka potleng ya gago. Bjale re nyaka—re nyaka go tla gomme re botegē le go ba therešo le seng sa rena, gobane re mo letšatsing la mafelelo. Ya!

<sup>37</sup> Bjale, moo ke mo lena Manazarene le Mapilgrim Holiness a bohlokwa ka fase ga tlwekišo le paletšwego. Le a bona? Bjale, a le be le tseba Judase Iskariote o phetše thwi godimo go lefelo leo la go swana? Judase o dumetše go Morena Jesu bjalo ka Mophološi, o Mo amogetše bjalo ka Mophološi. Gomme gape o be a hlwekišitšwe. O be a hlwekišitšwe, ka go Johane 17:17, ge Jesu a rile, “Tate, ba hlwekiše ka Therešo, Lentšu la Gago ke Therešo.” Gomme O be a le Lentšu. Go lokile!

<sup>38</sup> Ka go Mateo 10, ba filwe maatla go fodiša balwetši, go tsoša bahu, go lelekela bodiabolo ntle. Gomme ba ile ka go dikarolo tšohle tša na—tša naga le go lelekela bodiabolo ntle, le go boa morago ba thakgetše le go goelela le go tumiša Modimo. Gomme Jesu o ba boditše, “Le se ke la thakgala ka gobane bodiabolo ba le obamela, eupša thakgalang gobane maina a lena a godimo ga Puku ya Bophelo.” A yeo ke nnete? Gomme Judase o be a na le bona, Judase o be a na le bona, eupša e be e le ngwaga le dikgwedi tše tshela pele Jesu a be a ka tsoge a bapolwa.

<sup>39</sup> Bjale, nako yeo ge go etla go Pentecost, bakeng sa Judase go amogela Moya wo Mokgethwa le go ya pele, o laeditše mmala wa gagwe. O—o ganne Jesu, gomme a ba moeki go Yena. Gomme e no ba tlwa moo moya woo o tšwago; thwi godimo ka Luther, Wesley, o tlišitše kereke yela godimo go tlhwekišo ka bophelo bja kgarebe (ba go sekä, ba go hlweka, ba bakgethwa, ba babose, batho ba bakaonekaone o ka tsogego wa kopana le bona), eupša ge go etla go . . . ge ba eya go go boleleng ka maleme le go amogeleng Moya wo Mokgethwa, Nazarene, Pilgrim Holiness, Free Methodist, nako yeo ba re, “Yoo ke diabolo.” Gomme thwi nako ye ke gona ge le roga Moya wo Mokgethwa le go itswalelela kgole lenabeng go ya go ile; “Gobane mang kapa mang a bolelago lentšu le tee kgahlanong le Morwa wa motho o tla lebalelwā, eupša mang kapa mang a bolelago kgahlanong le Moya wo Mokgethwa a ka se tsoge a lebalelwā.”

<sup>40</sup> Elelwang, barutiwa bohole ba boletše ka maleme. Jesu Kriste o hwile sefapanong, a bolela ka maleme. Uh-hum. Kafao ge o sa kgone go dirišana le bona mo, go ba lokela mo, go tla reng ka kua? Go bona . . . Ge ba e le bodiabolo, kafao le bona ba be ba le

bona. Kafao le bona fao e bontšitšego mmala wa gagwe? Fao go tla kgarebe yela, e hlwekile bjalo ka ka moka ga bona, bophelo bja go seka. Ke tla tsea tša fešene ya kgale Nazarene, dikereke tša Pilgrim Holiness, bao ka kgonthe ba dumetšego ka go tlhwekišo, o ka se kgone go bea monwana go maphelo a bona; a hlwekile ka mo a kgonago go ba. Ke selo se sebotse gore bohle re tla phela ka mokgwa woo. Yeo ke nnete, o swanetše.

<sup>41</sup> Bjale, re a tseba re na le bontši godimo ka go Mapentecostal bjalo ka baekiši. Yeo ke therešo. Eupša feela ge o bona tolara ya bofora, o a tseba yeo e dirilwe go tšwa go ya gabotse, ya kgontha. Yeo ke nnete. Gomme go na le—go na le Moya wo Mokgethwa wa kgontha, Wona wa kgontha wo o bolelago ka maleme le go bontšha maswao le matete, gomme o bile gona ge e sa le go tloga Pentecost go theoga. Kafao re swanetše go ba le baekiši. Re swanetše go ba le mosadi yo mobe yo a sego a loka, go dira mosadi wa kgontha go phadima ntle. Re swanetše go ba le nako ya bošego, leswiswi le leso, go bontšha seetša sa letšatši se ne letago. Yeo ke nnete. Gomme o swanetše go babja, go ipshina ka go phelega go gobotse. Gomme ke molao wa thekgo le kganetšo; gomme go—gomme go bile ka mehla, gomme go tla ba ka mehla, ge feela nako e le gona.

Bjale, kafao, moo ke mo kereke e ikišitšego godimo yona mong.

<sup>42</sup> Bjale, a Jesu ga se a bolela gore “Ka letšatšing la mafelelo,” ka go Mateo 24, “gore meoya ye mebedi e tla swana go batamelana kudu go fihla e tla fora le bona Bakgethiwa ge go be go kgonega”? Uh-hum. Eupša yo a kgethilwego go tloga motheong wa lefase o na le Bophelo bjo Bosafelego. Bophelo bjo Bosafelego, o ka se kgone go Bo fediša. Bo ka Gosafelego bjalo ka ge Modimo a le bjalo, o ka se sa kgaotša go ba gona go feta Modimo a ka se kgaotše go ba gona. Yeo ke nnete. Gobane o karolo ya Modimo, o morwa le morwedi wa Modimo, bophelo bja gago bo fetotšwe gomme o karolo ya Modimo, o na le Bophelo bjo Bosafelego. Oo, ke a Mo rata. A ga le?

<sup>43</sup> Bjale, yo mongwe o mphile noute mo, feela potšišo ye nnyane. Re ka se tšee nako ye ntši kudu bjale go e araba. Gomme elelwang, nako le nako ge o bea potšišo ye nnyane godimo, ke tla leka bokaonekaone bja ka go fihla go yona ge nka kgona. Eupša ye e be e le potšišo ye bohlokwa:

**Yo mongwe o be a nyaka go tseba ge eba e be e le phošo bakeng sa mosadi go paka, goba go opela, goba go fa melaetša ka leleme, go hlatholla melaetša, goba seprofeto, ka kerekeng.**

<sup>44</sup> Aowa, ga se phošo, ke... ge feela e etla ka lefelong ka tshepedišo. Le a bona? Kereke e tshepedišong, gomme ge feela.... Ya kgontha, tsela ya therešo go e dira ke go bao ba bolelago ka maleme le dilo, melaetša ya bona e fiwa pele ga molaetša go tšwa phuluphithing, e sego lebakeng la nako yeo; gobane Moya wo

Mokgethwa o sepela go no tloga lefelong le tee ka nako, bjalo ka ge Paulo a boletše ka yona fao. Eupša basadi ba filwe seprofeto, gomme ba filwe maleme le ditlhathollo, le se sengwe le se sengwe eupša go beng bareri. Bona ga ba be bareri. Ba iletšwa go rera ka dikerekeng, yeo ke nnete, go tsea lefelo, goba go ba morutiši goba e ka ba eng ka kerekeng. Eupša ge go etla go dimpho, mosadi o na le tseo tšohle, a ka kgona go ba le e tee, goba e ka ba efe ya dimpho tše senyane tseo tsa semoya go ya ka Bakorinthe ba Pele 12, gomme ga a ka tlase ga tlemo gore molaetša wa gagwe ga wa swanelo go tla pele ka lefelong la wona. Le a bona, molaetša wo mongwe le wo mongwe o leta nako ya wona.

<sup>45</sup> Ge go le yo a bolelago ka maleme, ge go se mohlatholli, a a sware khutšo ya gagwe go go e ba mohlatholli. Le a bona? Gomme melaetša e fiwa ka mehla feela pele ga kopano. Morago mopropeta . . . goba moreri, e lego mopropeta wa Testamente ye Mpsha, moreri, ge a etla pele, Modimo o thoma go sepela ka yena, le a bona. Morago ge a feditše, nako yeo melaetša e a thoma, wo mongwe; morago, feela pele. Ka mehla o ka tshepedišong, ka mehla. Eupša mosadi o na le tokelo.

<sup>46</sup> Sehlogo, ke tla no rata, go tsea nako ye nnyane go araba ye, ke ya go bala hlogo ya taba:

DITUMELO TŠE THARO DI FETOLETŠWEGO TŠA  
BEIBELE E TEE DI A THOMA. Washington, Oktobere la  
15. Katolike, Protestant le baithuti ba Sejuda ba ba šomago  
mmogo bjalo ka sehlopha ba thomile phetolelo ye mpsha  
ya mohlakanelwa ya Mangwalo yeo e ka netefatšago go ba  
Beibele ya kgoboketšo ye e lego kgale e letetšwe.

<sup>47</sup> Dilo tsoko tše dingwe ka mo ke tla rata go ithuta tšona nthathana gannyane pele ke dira tsebišo ya yona. Ka mantšu a mangwe, le bona feela tlwa se re bego re bolela ka sona, feela tlwa se Lengwalo le rego se tla direga ka matšatšing a a mafelelo, gore dilo tše di tla hlakana mmogo le go bopa seswantšho sa sebata. Tlwa. Ba se lekile, le go se šoma, gomme bjale ba ne sebakabotse se sekaonekaone ba kilego ba ba le sona go se hlagiša, gobane se no ba thwi ka diatleng tša bona. Gomme leo ke lona lebaka ke tlišago melaetša ye ya seprofeto, gobane ke nagana ke nako.

<sup>48</sup> Gomme ge go ka ba mang kapa mang yo a ka kgonago go tla morago bošego bjo bongwe le bjo bongwe, re tla leka go thoma ka pelapela le go tšwa ka pelapela. Gomme ge ke sa fetše thuto, gona ke tla tsebiša mosong wa go latela. Ge re sa fihle go kgabola peakanyo ya 19, temana ya 9 go ya go 20 bošegong bjo, re tla e thoma mosong ka iri ya lesome. Re tla le dira le tsebe go tswaleleng ga tirelo, ka mo re yago go bapa.

<sup>49</sup> Gomme ka gona gosasa bošego go kereke ya Efeso, go thoma, go kitima go kgabola mašego a šupago: Efeso, Lebaka la Kereke ya Efeso; le Simirina; le Peregamo; le Thiathira; le Saredé; le Filadelifia; le Laodikia, Lamorena la go latela.

<sup>50</sup> Gomme go tsebeng mabjebohlokwa a magolo a a letšego fase tseleng, go bothata go tloša diatla tša ka go wona go fihla nako. Go no a bona tlase kua, le go kwa Moya o fepa magareng ga batho, go ntira go no nyaka go tabogela ka gare kgontha ka pela le—le go bolela se sengwe ka wona; eupša feela go swara morago le go ba bea ka go lebaka la bona le nako ya bona. Kafao ge o šitwa ke go tla bošego, eba le nnete go hwetša theipi goba tsela ye nngwe o ka kgonago go Le swara, gobane ke le nyaka le eya mogohle. Gomme ke dirile se gobane ke ikwetše ke išwa ke Moya wo Mokgethwa go dira bjalo; le ke lebaka le nnoši ke e dirago. Gomme ke, ge ke be ke sa nagane le tla thuša kereke . . . Gomme ka letšatšing le, elelwang, iri e tla fihla ka pejana mo re ka se kgonego go ba le dikopano tše, gomme o swanetše go e dira bjale ge re sa ne nako go e dira. Le a bona, ga re tsebe ke nako efe ba tla emišago ye, bjale.

<sup>51</sup> Gomme kafao go tla ba le go kgatlofatša magareng ga dikereke gomme di tla ikopanya tšonabeng mmogo, go bopa hlogo ya mohlakanelwa wa dikereke, woo le šetšego le na le moago wo mogolo wa U.N. gomme kereke ya leina ye nngwe le ye nngwe e ka go wona. Gomme e tla ba gore o ba wa tše dingwe tša dikereke tšeō tša maina goba o rakwe. Gomme yeo ke nako mo re swanetšeego go laetša mebala ya rena le go ba le nnete gore re a tseba, e sego mošomo wa go thanka, eupša go tseba GO RIALO MORENA mo o emego. Kereke ye nnyane ka mehla e bile ka bonnyaneng, ke sehlopha se sennyane nthathana seo . . . hlale ye nnyane, boka le—le lenti le lehubedu le le selaganyago go kgabola Beibele, eupša ke Kereke ka mehla. Gomme re nyaka go e gopola.

<sup>52</sup> Bjale nakwana ye nnyane feela pele re bala gape. Mosong wo re tšere Bomodimo bja Godimo bja Kutollo ya Jesu Kriste, yo Modimo a Mo utolotšego go rena mosong wo bjalo ka Bomodimo bja Godimo: KE NNA yo Mogolo (e sego Ke be goba ke tla ba), KE NNA, ka mehla. Gomme re a hlokomela ka go tema ye ya 1 ya Kutollo, ya Kutollo . . . Ke kutollo ya eng? Jesu Kriste. Ke eng selo sa pele A ikutollago Yenamong mo bjalo ka sona? Modimo wa Legodimo. E sego modimo yo boraro, eupša Modimo yo motee. Modimo yo Motee, gomme O ikutolla Yenamong ka tsela yeo ka go ya pele ga Kutollo. Gomme O e bolela makga a mane ka go tema ya 1 gore go se be phošo. Selo sa pele o swanetšeego go se tseba, gore: Yena ga se moprefeta, Yena ga se mo—mo modimo yo monnyane, Yena ga se modimo wa bobedi, Yena ke Modimo! Yena ke Modimo. Gomme kafao ka gona Kutollo e tlile pele, gomme re tla tšwelapele ka Yona bošegong bjo pele go theoga ge re hwetša bomotho bomengwagašupa bja Gagwe bja boyena bja Gagwe.

<sup>53</sup> Gomme, oo, anke Modimo a re thuše ge re ruta Mantšu a. Ke—ke—ke ithutile lona bjalo ka go tšwa go ntlhakemo ya histori, eupša ema go fihla ke tsena ka phuluphithing mo bakeng sa tšhušumetšo. Gobane ke a ikwela gore re dutše mmogo ka

mafelong a magodimong ka go Kriste Jesu, le gore Moya wa gago, karolo ya gago, lelakabe la Mollo (Moya wo Mokgethwa) wo o lego go Wena o tla go yo mongwe, le go yo mongwe go ya go yo mongwe, O gotetša Mmele wa Modimo wo mogolo le go O tukiša, gomme mo ke mo dikutollo . . .

<sup>54</sup> Bjale, selo se re bolelago ka sona, potšišo e botšišitšwe nna, “A basadi ba swanetše . . . le go ya pele?” Seo ke tlwa se se thomilego kereke ka go tlhakahlakano ya yona mo mathomong, ba ile ba tsea potego yohle go batheeletši gomme ba e bea ka phuluphithing. Eupša Modimo ke Modimo wa batheeletši. O šoma ka go motho yo mongwe le yo mongwe, O phela ka pelong ye nngwe le ye nngwe A ka kgonago go tsena ka go yona. O hwetša batho bao ba filwego gomme o šoma ka bona. Bjale, ge diabolo a sa kgone go ba swara ka selo setee, morago o tla godimo gomme o no dira tlhakantswiki ya lefeela gomme o rakela batho kgole. Boka Paulo o rile, “Ge le etla mmogo, ge bohole le bolela ka maleme, gomme moserutege a tla ka gare, a a ka se re, ‘Le a hlanya! Bošilo!’? Yo mongwe o bolela ka maleme, gomme *yo* le *yo* ba tšwele taolong, le se sengwe le se sengwe, seo se ka se šome. Eupša,” o rile, “kagona ge yo mongwe a profeta le go utolla sephiri sa pelo, gona ba tla re, ‘Ka therešo Modimo o na le lena.’” Eupša ge yo mongwe a bolela ka maleme ka kutollo le go fa tlhathollo ya yona, se sengwe go godiša kereke, gona kereke ka moka e godišwa ke yona. Sengwe seo se tla bolelago gomme Modimo a bolela dipolelo tše re sa tsebego selo ka tšona gomme o tla e neela yo mongwe go e hlatholla ka yo mongwe, gomme a bolela selo se se itšego se se diregago feela tlwa ka tsela ye se boletšwego, gona le na le Moya wa Morena magareng ga lena. Gomme, oo, a re phegeleleng seo, bagwera; a re—a re bolokeng mollo o tuka.

<sup>55</sup> Bjale, feela pele re bula kgo . . . kgoboketšo ye kgolo ye ya Lengwalo, ke a makala ge eba e ka ba bontši kudu ge re ka no emelela le go fetola leemo feela lebaka la metsotso e se mekae ge re rapela.

<sup>56</sup> Ramaatlakamoka Modimo yo a tlišitšego gape Morena Jesu go tšwa bahung gomme a re neetšego Yena (morago ga mengwaga ye makgolo a lesomesenyane) bjalo ka Modimo wa Legodimo wa go se palelwe, re Go leboga bakeng sa se le bakeng sa Bogona bja Gagwe le rena letšatši ka letšatši ka go mosepelo wa rena wa tšatši ka tšatši. Gomme re thabile kudu go tseba gore ka go iri ye ya kgakanego ge lefase le sa tsebe le dire eng, ba epa melete ka mobung, gomme ba itšireletša bonabeng ka go khonkhoriti, eupša, O Modimo, ba ka se kgone go utagalela bogale bja Modimo. Go na le kalafi e tee—e tee feela, Morena, gomme re thabile kudu re E amogetše: “Ge Ke bona Madi Ke tla feta godimo ga lena.” Oo, re thabile bjang bakeng sa tšhireletšo yela ya go lekanelamoka bošegong bjo ya Madi a Kwana ya Modimo, Moprista yo Mogolo, a emego ka Letagong bošegong

bjo a dirago dipuelano bakeng bja rena. Re thabile kudu go ba le Yena le rena bosegong bjo, Seboledi se segolo, Moya wo Mokgethwa wo mogolo, momaatlafatši yo mogolo, mofa Bophelo yo mogolo.

<sup>57</sup> Gomme bjale, Morena Modimo, bjalo ka ge ke bileditše batho ba mmogo ka tlase ga hlaka ye bosegong bjo, gomme re kgobokane mo bjalo ka kereke goba karolo ya yona, ga ra kopana ka leina la tabarenekele ye goba ka leina la motho ka motho yo a itšego, eupša Leineng la Jesu Kriste. Anke Moya wo o bušitšego mmele wa Gagwe le monagano wa Gagwe, le go Mo laola, o tle ka go rena bosegong bjo gomme o hlatholle Lentšu le go rera Lentšu, le go Le fa go dipelo tša rena tša go swarwa ke tlala ge re Mo letetše. Gobane re e kgopela Leineng la Gagwe le bakeng sa letago la Gagwe. Amene. (Dulang.)

<sup>58</sup> Bjale go lena ba le nago Dibeibele, phetlang go tema ya 1 ya Kutollo gomme thoma go temana ya 9; diphensele le dipampiri tša lena, gomme ke tla leka go le fa matšatšikgwedi a mannyane le go ya pele ge ke eya pele.

<sup>59</sup> Bjale, ye gabotse ke... Mosong wo e bile kudu mohuta wa ther, go bea motheo godimo ga Bomodimo, ga Kutollo; Modimo a utollwa ka go Kriste. Ke ba bakae ba ba E dumelago? Modimo o be a utolotšwe ka go Kriste, Jehofa o utolotšwe ka go Kriste. Bjale Modimo o ya go utollwa kae? Ka go Kereke ya Gagwe, le batho ba Gagwe, ka go rena. Moya wa go swana, mediro ya go swana, ponagalo ya go swana, lerato la go swana, tebalelo ya go swana, bopelotelele bja go swana, boleta, kgotlelelo, khutšo, kgaogelo, tšohle tše di bego di le ka go Kriste di ka Kerekeng. Elelwang, bolokang se ka monaganong: tšohle tše Modimo a bego a le tšona O di tšolletše ka go Kriste (O be a le bottalo bja Modimohlogo mmeleng), gomme tšohle tše Kriste a bego a le tšona O di tšolletše ka Kerekeng. Modimo ka godimo ga rena, Modimo le rena, Modimo ka go rena. Boboraro bja Modimo, Modimo o bonagetše ka mekgwa ye meraro ya go fapan: Tate, Morwa, Moya wo Mokgethwa.

<sup>60</sup> Kutollo e laeditše gore Yena ga se badimo ba bararo, ebile ga A ripaganywe ka diripa tše tharo. Eupša Yena ke Modimo yo motee a bego a le Modimo ka matšatšing a Botate, Yena o be a le Modimo ka matšatšing a Bomorwa, Yena ke Modimo ka matšatšing a lebaka la Moya wo Mokgethwa, Modimo wa go swana. E sego ba bararo ba go fapan, e sego batho ba bararo, e sego dimelo tše tharo. Yena ke Motho yo motee, semelo se setee. O ka se kgone go ba semelo ntle le go ba motho. Batho ba bangwe ba rile, "Yena ga se batho ba bararo, eupša Yena ke dimelo tše tharo." O ka se kgone go arola seo; gobane ge Yena a le semelo, Yena ke motho; e swanetše go ba motho go dira semelo. Kafao Yena ke Motho yo motee, semelo se setee; wa go swana maabane, lehono, le go ya go ile; Alefa, Omega; Yena a bego a le gona, a lego gona, gomme a tla tlago. Oo, O no ba Tšohle. Ke rata seo.

<sup>61</sup> Šetšang tlhago ya Gagwe, bophelo bja Gagwe, mediro ya Gagwe. E swanetše go bonagatšwa thwi mo ka tabarenekeleng ye, feela boka e bile ka go letšatši la Gagwe. (E sego go bolela se ka kgethollo; Modimo o tseba seo.) E sego feela mo, eupša go kgabaganya lefase. Ke a thaba gore ke bjona. Ka gona re tseba mo re emego gobane re na le Moya wa go swana ka go rena, o sepelago le rena gomme o bontšha gore O mo. Ga se rena, ke Yena; re ka se kgone go dira dilo tše, ke Modimo. Ka ntle ga fao, ka lefaseng la saense, O dumelletše seswantšho sa Gagwe go tšewa. Le rena, ka go rena, go re dikologa, ka godimo ga rena, ka rena, o šoma ka gare le ka ntle ga rena. Oo, go makatša bjang!

<sup>62</sup> Ba be ba tlwaetše go opela pina ye nnyane:

KE NNA yo a boletšego le Moshe, ka  
sethoggweng sa go tuka mollo,

KE NNA Modimo wa Abraham, Naledi ya go  
Kganya le Meso.

KE NNA Rosa ya Sarona; oo, le ile la re Ke tšwa  
kae?

A le tseba Tate wa ka, goba a le ka kgona go  
bolela Leina la Gagwe?

Oo, le re Ke nna mang, goba le rile Ke tšwa kae?  
A le tseba Tate wa ka, goba a le ka kgona go  
bolela Leina la Gagwe?

KE NNA Alefa, Omega, mathomo le bofelo,

KE NNA tlholo ka moka, gomme Jesu ke Leina.

<sup>63</sup> Oo, bothakga bjang, Kutollo! Bjale, elelwang, o ka se kgone go E hwetša ka baihitamodimo, Ga e tle ka tsela yeo. E tla tla feela bjalo ka kutollo. Kolobetšo ya meetse, go šomiša Leina la Jesu Kriste, e ka kgona feela go fiwa bjalo ka kutollo. Jesu le Modimo go beng Motho wa go swana e kgona feela go tla bjalo ka kutollo. Beibele ka moka e agilwe godimo ga kutollo. Kereke ka moka e agilwe godimo ga kutollo. Mateo 17 e re, “Gobane Ke rile, ‘Godimo ga leswika le (kutollo ya semoya) Ke tla aga Kereke ya ka, gomme dikgoro tša hele di ka se kgone go fenza kgahlanong le Yona.’” Re hlohlile mang kapa mang go re laetša, kae kapa kae, histori goba Lengwalo, moo go bilego e ka batho ba kilego ba kolobetšwa leineng la “Tate, Morwa, Moya wo Mokgethwa” ka ntle ga kereke ya Katoliki go fihla letšatšing la Martin Luther. Morago kereke ya Protestant, e bile . . .

<sup>64</sup> Gomme bobo bjo bongwe le bjo bongwe . . . Theetšang ge re eya ka go mabaka a a kereke. Bobo bjo bongwe le bjo bongwe bo bego bo le ka go kereke yela ya pele, bo kgapheditše godimo ka go ya go latela. Bo nno tšwelapele bo eya go theoga go fihla mafelelong bo felelela godimo ka go bokgelogi mo letšatšing la mafelelo. Bobo bjo bongwe le bjo bongwe bo tšwelapele bo kgapetša ka go kereke ye nngwe le ye nngwe, ism ye nngwe le ye nngwe ye nnyane e thomile ntle. Boka ka go Genesi, morara, o

thomile go gola, o ohlile tsela ya wona go kgabola kereke le go tla ntle ka matšatšing a mafelelo. Ga go makatše Beibele e rile, "Ba lehlogenolo ke ba ba phonyokgago se ka letšatšing la mafelelo." Ee, mohlomphegi, ba ba phonyokgago dilo tšohle tše.

<sup>65</sup> Bjale kgopelang Modimo go . . . ge re sa bolela ka Kutollo, Mo kgopele a go fe kutollo ya Le. Gobane Le kgona feela go tsebjia ka kutollo, gomme o ka kgona go phološwa feela ka kutollo. O na le tsebo ya Lona, ka bohlale, eupša o ka se kgone go phološwa go fihla Le utollwa go wena. "Ga go motho yo a ka bitšago Jesu Kriste, ke feela ka Moya wo Mokgethwa." Seo ke se Beibele e se bolelago. Ga go motho yo a ka rego Jesu ke Kriste go fihla a amogetše Moya wo Mokgethwa. A ka no re, "Modiša o bolela bjalo, Beibele e bolela bjalo." Tšona ke ditherešo. "Kereke e bolela bjalo." Yeo ke thereso. Eupša ga o tsebe wenamong go fihla Moya wo Mokgethwa o Le utolla go *wena*, gomme O ba ka go *wena*. "Ga go motho a ka bitšago Jesu Kriste, ke feela ka Moya wo Mokgethwa." E sego ka tsebo, e sego ka bohlale.

<sup>66</sup> Ka mo ba yago go dira Beibele gore . . . Go leka go E pitlaganya, go E dira e swanele Bajuda, Makatoliki, le Maprotestant, mola ba fapano bokgole bjalo ka mosegare le bošego. Ke naganne Bajuda ba tsebile bokaone go feta fao; ke a thanka mohlomongwe e no ba iri ya bjona go tla, moo yohle e swanetšego go ya ka go bokgelogi bjo bogolo bjo. Kafao, gomme dilo tšohle nnong go elelwa, re ka se kgone go bo thibela, eupša selo se nnoši re ka kgonago go se dira ke go lahlela Seetša ntle kua, mohlomongwe go ineela renamong bjalo ka mohwelatumelo le go tloga, kafao yeo ke tsela e nnoši re ka kgonago go e dira. Eupša ba bantsi ba tla swanelo go dira seo. Gomme yeo ke tsela ye Beibele e beakantswego le dilo tše re tsenago ka go tšona. Ge ke sa šetše, ke tla tsena ka go yona.

<sup>67</sup> Bjale, selo sa pele go Puku ya Kutollo, e thoma ka gore Ke Kutollo ya Jesu Kriste, yo a lego Yena. Bjale, Jesu Kriste ke Modimo Ramaatlakamoka. Re tseba seo. Ke ba bakae ba ba o dumelago? e reng, "Amene." [Phuthego e re, "Amene!"—Mor.] Yena ke Modimo Ramaatlakamoka, gomme O na le Leina le letee. Leina leo ke leina le nnoši le filwego ka tlase ga Legodimo leo le swanetšego go phološwa ka lona, Jesu Kriste. "Gobaneng ba Le boifa mo mogobeng?" ke se ke sa kgonego go makala. Uh-huh. Le a bona? Ke ka gobane moya wola o khukhuneditše ka gare moragorago kua ka go Lebaka la Simirina; le go itogaganya wonamong thwi go theoga go kgabola go ya ka go lebaka le legolo lela la leswiswi, le go o dira thuto, le go tla ntle le yona ka go letšatši la mafelelo. Bjale, e nong go šetša histori le Beibele ge re eya go kgabola beke ye, kafao e—kafao e tlišago tšona dilo ntle.

<sup>68</sup> Bjale selo sa go latela. E filwe ke Kriste go Johane, ka morongwa, go fiwa go tša Gagwe (eng?) dikereke, go E utolla go dikereke tša Gagwe. Gomme dinaledi tše di šupago ka seatleng sa Gagwe e be e le batseta ba dikereke tše di šupago. Gomme

monna yo mongwe le yo mongwe yo a ka tsogego a ba le Molaetša, o tla ba le wona, Molaetša wa go swana wa therešo wo o thomago mathomong.

<sup>69</sup> Gomme go feta, ge re tsena ka go wona mafelo a go teba kua, go bona ka fao Modimo a tlišitšego dilo tše ka gare, ke bothakga. Go tla no go dira o goeletše. Ke be ke, ke e bala, gomme morago ke sepele go dikologa lebakana le lennyane gomme ke lle, ke sepelele morago le go dula fase gape, morago ke sepele go dikologa lebakana. Ke nno thaba go tseba gore: Kafao Modimo o bile kgaogelo go rena bjang go re dumelela go bona selo ka go iri ye re phelago ka go yona? Gobaneng, ke boka Jesu a rile, "Motho o rekišitše tšohle a bilego le tšona go reka taamane ye e itšego." O rekišitše lefase, dilo tša lefase, le se sengwe le se sengwe se amanago le e ke ba eng gape, go ba le Ye. Yeo ke nnete, wa bea kgwaparetšo ka moka thwi go Leo. Ke kgwaparetšo ya soulo go bona kutollo ya Gagwe ya Lentšu la Gagwe.

<sup>70</sup> Bjale, mang kapa mang a Le balago o šegofaditšwe. A ke nnete? Gomme re boletše mosong wo, ge o sa kgone go bala, e ka ba mang a Le kwago le balwa, o šegofaditšwe. Bjale, Le thoma ka tšhegofatšo go bao ebile ba tla dulago le go Le theetša le balwa, gomme ke thogako godimo ga mang kapa mang yo a ka lekago go oketša e ka ba eng go Lona goba go tloša e ka be eng go Lona. Ka gona Beibele ge e utolla pepeneneng gore Jesu e be e le Ramaatlakamoka Modimo, gona madimabe go yena yo a tla e tlošago go tšwa fao. Ya. Ke kutollo. Mang kapa mang a ka oketšago e ka ba eng... Ke kgoboketšo ya go felela ya—ya Kutollo; ke Puku ya Modimo ya mafelelo, Mantšu a Gagwe a mafelelo, a Gagwe a mafe-... Gomme kutollo efe kapa efe yeo e tlago kgahlanong le Leo, ke ya seprofeto sa maaka; ga se ya Modimo, gobane ye ke Therešo.

<sup>71</sup> Gomme, elelwang, ye ke puku e nnoši ka Beibeleng yeo Kriste a e saenetšego, Yenamong. Naganang ka seo! Puku e nnoši, ke kutollo ya Yenamong. Puku e nnoši A beilego leswao la Gagwe godimo ga yona, gomme O beile ditšhegofatšo tša Gagwe le dithogako tša Gagwe. Ditšhegofatšo go bao ba tla E amogelago, dithogako go bao ba ka se E amogelego.

<sup>72</sup> Bjale—bjale re ya go sehlakahlaka sa Patimo bjale go thoma, temana ya 9. Lefelo la pele, re nyakago go re ke... Thaetlele ya wo ke: *Pono Ya Patimo*. E diregile ka A.D., gare ga A.D. 95 le 96. Lefelo e be ele sehlakahlaka sa Patimo. Lefelo la sona ke dimaele tše masometharo go tloga lebopong la Asia Minor, bodikela, go lebana le kereke ye Efeso, ka Lewatleng la Aegean le fanago mellwane le Mediterranean. Le ke lefelo mo se lego.

<sup>73</sup> Naganang! Bjale, sehlakahlaka se sennyane se dutše dimaele tše masometharo go tloga lebopong la Asia Minor, ka Lewatleng la Aegean. Feela go lebana le kereke ya Filadel-... goba kereke ya Efeso, moo Molaetša wa mathomo o filwego, moo Johane e

bego e le modiša ka nako yeo. Ka mantšu a mangwe, go lebelela thwi morago go ya bohlabela gomme o be a lebeletše thwi go otologa go kereke ya gagwe, go tloga mo a bego a le gona. Gomme Molaetša wa mathomo o be o le go kereke ye, ye e bego e emela lebaka la kereke. Go lokile, pono e filwe Mokgethwa Johane yo mokgethwa, yo e bego e le modiša wa kereke ke Efeso ka nako yeo.

<sup>74</sup> Sehlakahlaka se se be se le leemong lefe nako yeo? Se be se le kae, gomme leemo e be e le lefe? Go lokile, se tsebega ka historing bjalo ka sehlakahlaka sa maswika sa go tlala disephente, mašikišiki, mekgaditswane, le go ya pele. Ke dimaele tše masometharo tikologong ya sona, gomme se tletše maswika. Se be se šomišwa, ka matsatšing a Johane, bjalo ka Alcatraz. Lefelo moo mmušiši wa mmušo wa Roma a bego a romela disenyi, disenyi tše mpe ka kgontha, tšebo ba bego ba sa kgone go di boloka ka kgolegong le go ya pele, ba be ba di bea ka ntla kua godimo ga sehlakahlaka sela gore di hwe; ba dira di dule kua go fihla di hwile.

<sup>75</sup> Potšišo: Lebaka gobaneng Johane a be a le kua? Monna wa bomodimo, monna wa go loka, monna wa tumo ye botse, semelo se sebotse, wa go se tsoge a ba bothateng, gobaneng monna yo a be a le kua? Beibele e rile, “Bakeng sa Lentšu la Modimo le bopaki bja Jesu Kriste.”

<sup>76</sup> Bjale re na le tikologo. Sehlakahlaka sa Patimo, ka Lewatleng la Aegean, dimaele tše masometharo go tloga lebopong, e ka ba dimaele tše masometharo go se dikologa, sa maswika, sa go tlala mekgaditswane le mašikišiki le go ya pele, gomme se šomišitše bakeng sa ntlo ya kgolego (boka Alcatraz e lego). Ba hwetša mogolegwya yo ba ka se kgonego go mmoloka ka kgolegong mo, ba... kafao sesenyi seo sa go šiša, ba mmea ntla go Alcatraz.

<sup>77</sup> Gomme bjale ba tšere mokgethwafatšwa Johane yo yo mokgethwa... wa mafelelo wa barutiwa, gomme yena a nnoši yo a hwilego lehu la tlhago. Johane, pele a eya sehlakahlakeng, o pharilwe molato wa go ba “moloi,” gomme a apewa ka makhura a krisi lebaka la diiri tše masomepedinne, ntla le go mmuduša. O ka se apee Moya wo Mokgethwa go tšwa go motho...?... Ba mo apeile lebaka la diiri tše masomepedinne ka go makhura a krisi, ntla le kgobalo. Gomme ba rile, lebaka ba—ba Baroma ba neelago, gore, “O be a le moloi, gomme o loile krisi.” Se monagano wa nama o kgonago go se gopola! Bjale, le a bona, ge ba re bitša “babalamonagano, le babolelelamahlatse, le Beletsebubu,” a le bona moo moyo woo wa kgale o tšwago? Eupsa le bona mo Moya wa kgontha o tšwago? Ke mabaka a kereke. Le a bona? Diiri tše masomepedinne, a apeilwe ka go ya go fiša, krisi ya go kgabakgaba, gomme ya se tsoge ebile le go mo kgwatha. Oo, ka fao Modimo a mo phuthetšego ka go Yena ka Moya wo Mokgethwa wa Gagwe. Mošomo wa gagwe o be o se wa fela.

<sup>78</sup> Ba mmeile sehlakahlakng lebaka la mengwaga ye mebedi. Gomme ge Modimo a bile le yena ntle kua a nnoši go yenamong, o ngwadile Puku ya Kutollo bjalo ka ge Morongwa wa Morena a e utollotše go yena. Gomme ka pejana ge yeo e fedile, o tlide morago nagalegaa gomme a diša kereke ka Efeso. Gomme o hwile gomme a bolokwa ka Efeso, Johane yo mokgethwa.

<sup>79</sup> Oo, a tikologo bjale! Go lokile, kereke nako yeo ka fase ga Johane, gona ka fase ga tlaišego ye kgolo, Johane o ngwala temana ya 9:

*Nna Johane, yo gape ke lego ngwanabolena . . . ka tlaiš . . . le mogwera ka ditlaišego, le ka mmušong le ka kgotlelelong ya Jesu Kriste, ke be ke le sehlakahlakeng se se bitšwago Patimo, bakeng sa lentšu la Modimo, le bakeng sa bopaki bja Jesu Kriste.*

<sup>80</sup> Ka mantšu a mangwe, o tseré Lentšu la Modimo gomme o be a Le netefatša, gore E be e le Lentšu la Modimo, gomme Kriste o tlide morago ka yena gomme a paka gore o be a nepile. Ke lena fao. Lentšu la Modimo le dirwa go bonagala ka go yena, go netefatša gore o be a le mohlanka wa Modimo. Nako yeo ga se ba kgona go gana Leo, kafao ba ile ba swanelo go mmotša gore o be a le “moloi.” “O loile krisi gomme ga se ya mo gobatša, gomme o loile batho gomme ba be ba se ba fola, gomme o be a le mmolelelamahlatse yo a bego a sa kgone . . . Mohuta tsoko wa motho yo mobe, wa go babja moy- . . . moya wa ditšila.” Gomme ke lebaka le ba mmeilego ntle kua, ba naganne o be a le kotsi go ba magareng ga setšhaba. Eupša o be a rwele feela thato ya Modimo, gomme Modimo o bile le morero ka fase ga bjona boemo bjoo bjohle.

<sup>81</sup> O be a ka se kgone go mo šomiša, gomme ditlhomoaro tšohle le dilo, gobane bakgethwa ba be ba etla, “Oo, Ngwanešu Johane, re tla dira eng ka se? Gomme re tla dira eng?”

<sup>82</sup> Johane o be a le moprofeta, re tseba seo. Gomme kafao ba be ba botšiša dipotšišo tše, kafao Modimo o nno ba le Mmušo wa Roma go mo kuka le go mmeia ntle kua sehlakahlakeng. Gomme go re, “Bjale, etla pele, Johane, ke nyaka go go bontšha se sengwe se se yago go direga.” Wa mafelelo wa baapostola, go be go se sa na le mongwe go E ngwala eupša Johane. Kafao ba mmeile ntle godimo ga sehlakahlaka sa Patimo go tloga A.D. 95 go fihla A.D. 96. Gomme o E ngwadile, gomme o rile:

*Ke . . . nna ngwana wa bolena, le mogwera ka tlaišegong, . . .*

<sup>83</sup> Bjale, ga se a bolela ka Tlaišego ye Kgolo. Yeo e be e se Tlaišego ye Kgolo, gomme ga e tle go Kereke. Tlaišego ye Kgolo e tla go Bajuda, e sego Kereke. Kafao e be e se Tlaišego, Tlaišego ye Kgolo.

<sup>84</sup> Bjale temana ya 10:

*Ke be ke le ka Moyeng ka letšatši la Morena, gomme ka  
kwa ka morago ga ka se . . . segalontšu, . . . sa phalafala,*

*Ke be ke le ka Moyeng ka letšatši la Morena, . . .*

<sup>85</sup> Bjale, o ka se kgone go dira e ka ba eng gabotse go fihla pele o tsena ka Moyeng; Modimo a ka se kgone go go šomiša. Wena o—wena o—wena o—wena o . . . Matsapa ohle a gago ke—ke lefeela go fihla pele o a dira ka Moyeng. “Ge ke tla opela, ke tla opela ka Moyeng. Ge ke tla rapela,” go boletše Paulo, “Ke tla rapela ka Moyeng.” Gomme ka gona ge go le e ka ba eng ye e tlago go nna ye e lego botse e ka ba bofe, e swanetše go utollwa go nna ke Moya le go tiišetšwa ke Lentšu (go dirwa go bonagala ka dipoelo tše e di enywago).

<sup>86</sup> Bjale boka, mantšu a mangwe, ge ke re, Jesu Kriste o tshepišitše ka Lentšung la Gagwe gore ge nka sokologa, ka kolobetšwa Leineng la Jesu Kriste, ke tla amogela neo ya Moya wo Mokgethwa. Selo sa pele go nna ke go sokologa. E utollošwe go nna gore yeo ke therešo. Morago ka kolobetšwa Leineng la Jesu Kriste, morago dipoelo ke: ke tla amogela Moya wo Mokgethwa.

<sup>87</sup> Ge ke babja, gomme O ntshepišitše ge nka dumela le go ba le bagolo ba kereke ba ntlotša ka oli, ba rapela godimo ga ka, thapelo ya tumelo e tla phološa molwetši. “Morena, ke a dumela. Ke latela ditaelo tša Gago, go dumela mogolo go nthapelela, go ntlotša ka oli.” Seo se a e rumá, e no ya pele, gohle go—gohle go fedile.

<sup>88</sup> “Oo,” o re, ga “o kwe phapano e ka ba efe, go le bjalo.” Jesu o be a se a tswalwa, ge Modimo a be a Mmolaya pele ga motheo wa lefase, ge A be a le—A be a le Kwana ya Modimo, e hlabilwego pele ga motheo wa lefase. Eupša ka monaganong wa Modimo Mong, O be a šetše a dirilwe. Ke be ke se mo nako yeo le nna, le wena o be o se gona; eupša ka go puku ya Modimo, ge maina a rena a tsogile a le fao, le beilwe godimo pele ga motheo wa lefase.

<sup>89</sup> Modimo ge a bolela e ka ba eng, Se swanetše go direga. Kafao ge o kgotsofatša maswanedi a Modimo, e no elelwa, Modimo o tla iponagatša Yenamong le go hlokomela ka moka ga yona, e no ya pele, ke mošomo wo o feditšwego. Oo, a seo ga se makatše? Oo, nna, nagana! E no botša Modimo . . . Gomme Modimo o rile, “Wena dira *se*, gomme Ke tla dira *se*.” Gabotse, ge ke eya go dira *se*, O swanetše go dira *seo*.

<sup>90</sup> Bjale, diabolo o re, “O a bona, O a diega.”

Seo ga se dire phapano e ka ba efe. Daniele o rapetše nako ye nngwe gomme e bile matšatši a masomepeditee pele Morongwa a ka tsoge a fihla go yena, eupša o be a se a nolega moko, o tsebile O be a tla tla go le bjalo, kafao o ile a no leta go fihla A fihla kua. Yeo ke kgopololo. Oo, moo ke ge o hwetša tumelo. Bjale re swanetše go tloga go yeo, re ya go ba le tirelo ya phodišo ka pelapela, a re ka se ke? Yeo ke nnete. Ya, ya tumelo. Eupša re

nyaka tirelo ya go fodiša soulo, go fodiša bokagare, gobane bjo ke bjo bo yago go tsea botelele, o hwetša Bophelo bjo Bosafelego. Bophelo bjo Bosafelego ga bo timelele goba go tšofala, bo a dula, bo dula bo swana.

<sup>91</sup> Bjale, o tsene ka Moyeng pele e ka ba eng e be e ka direga. Selo sa pele a se dirilego, o be a le sehlakahlakeng se se bitšwago Patimo (dilo tšohle tše a di dirilego), gomme o rile, “Ke kwele segalontšu,” le dilo tše dingwe tšohle tše. Eupša pele e ka ba eng e be e ka direga, o be a le ka Moyeng. Gomme ge o hlokomela seo ka Beibeleng ya gago, Moya wa leletere le legolo, Moya wo Mokgethwa. Amene! O tsene ka Moyeng. Oo, ke no nagana seo se a makatša:

*Ke be ke le ka Moyeng ka letšatši la Morena, . . .*

<sup>92</sup> Ka letšatši lefe? Letšatši la Morena. Bjale, go na le poledišano ye kgolo. A re nong go homotša yeo, motsotsotso feela.

<sup>93</sup> Bjale, bjalo ka ge re boletše mosong wo, bangwe ba boletše gore kutollo, ya Mokgethwa Mateo 17, e be e le “Petro.” Kereke ya Katoliki e rile, “O agile Kereke ya Gagwe godimo ga Petro; o bile mopapa wa mathomo.” O be a ka kgona bjang go ba mopapa gomme a be a nyetše? Le a bona? Gomme e rile, “Petro o ile Roma o bolokilwe godimo kua.” Ka gona mpotšeng lefelo le tee, histori goba kae kapa kae, moo Petro a kilego a ya Roma. Le a bona? Paulo o dirile, eupša e sego Petro. Go lokile.

<sup>94</sup> Kafao re hwetša gore isms tšohle tše le dilo, di nno gogobela godimo. Le a bona? Eupša, gomme batho lehono ba . . . kae kapa kae o yago, ba . . . Kereke tsoko ye kgolo e na le sepekere se se itšego, seo se bego se le ka seatleng sa Gagwe. A le a tseba ba na le dipekere tše kae, dipekere tše kgonthe, lehono tše di bego di le ka go . . . ? Lesomesenyane. Ba na le marapo, ba na le—ba na le diripa tše dithapo, le go kgwatha le go swara. Gomme ga re—ga re ne dilo tše, ga re hloke tše. Kriste o a phela! O ka go rena, e sego sepekere tsoko, goba seripa sa sefapano, goba seripa sa lerapo, goba se sengwe. Yena ke Modimo wa go phela, o phela ka go rena bjale, a iponagatsa Yenamong. Re na le athekele e tee feela ya segopotšo, yeo ke Selalelo sa Morena, segopotšo sa lehu la Gagwe. Eupša ge go etla go Kriste Yenamong, O na le rena le go ba ka go rena. Gomme seo ke selo se re nyakago go se šišinya (letago la Moya wo Mokgethwa) go lefase. Go Le šišinya go fihla Seetsa se eya ntle. Go lokile.

<sup>95</sup> Bjale, tše . . . Kafao, le a bona, re tšere lehlakore le lengwe lela la tsela. Le a tseba ka mehla ke lekile go ba se, gomme Morena wa rena ka mehla o utollotše go nna; go na le e tee e fetišago, le ye nngwe e fetišago, eupša thwi gare gare tsela go letše Therešo. A le hlokometše Jesaya, mo A boletše gore go tla ba tselalephefo? Jesaya 35. Gomme le elelwa ka fao baena ba rena ba Nazarene ba bego ba tlwaetše go opela pina yela, le a tseba, “Tselalephefo ya Bokgethwa. Tselalephefo ya Bokgethwa.” Bjale, ge o tla bala

Beibele ya gago gabotse, ga e re “tselalephefo ya bokgethwa.” E rile, “Fao go tla ba tselalephefo le *tsela*, gomme e tla bitšwa,” e sego tselalephefo ya bokgethwa, eupša “*tsela* ya bokgethwa.” *Gomme* ke lekopanyi le le fetšago lefoko la gago. Le a bona? “E tla ba tselalephefo *le* *tsela*, gomme e tla bitšwa *tsela* ya bokgethwa,” e sego tselalephefo ya bokgethwa.

<sup>96</sup> Le a bona, *tsela* e a agiwa, *tsela* . . . *Tsela* ye botse e a agiwa, karolo ya godimodimo e bogareng, gobane e dumelela thogorogo yohle go gogolegela ka mathoko a mabedi. Yeo ke yona. Ge motho ka kgonthe a etla go Kriste, o na le mahlo a gagwe a tsepeletše go Kriste. Ge a le maikutlo gannyane nthathana, o tla ba lehlanya. Ge a tonya gannyane nthathana, o tla ya ka lehlakoreng le lengwe le gomme a ba komokomere, godimo ka go lehlakore lela; le a bona, bohlale bja gagwe. Eupša selo se segolo se thwi bogareng bja *tsela*, ka Moya wa go lekanelka go wena, go go boloka o ruthetše le go sepela. Amene! Gomme go tsebeng go lekanelka go boloka wenamong ka tlase ga go obamela Moya, go sepela feela ge Moya o sepela; e sego go fihla goba ka morago, feela ge Moya o sepela.

<sup>97</sup> Kereke ya Katoliki e rile, “Kutollo e be e le Petro.”

Kereke ya Protestant e rile, “E be e le Kriste.”

Eupša Beibele e a ruta, “E be e le Kutollo ye A e filego (Modimo a mo filego) ya Kriste.”

“Wena o Kriste, Morwa wa Modimo wa go phela.”

“O šegofaditšwe wena Simone, morwa wa Jona, nama le madi ga se tša utolla se go wena, ga se motho, seminari, goba monastri, e ka ba eng, e E rutilego wena. Eupša Tate wa Ka yo a lego legodimong o utollotše se go wena. Wena o Petro, godimo ga leswika le Ke tla aga Kereke ya Ka, gomme dikgoro tša hele di ka se kgone go fenya kgahlanong le Yona.”

<sup>98</sup> Bjale re tla go lefelo le lengwe mo fao ba hwetšago dikgopolotše pedi tša go fapania. Bjale, nka no be ke le phošo; ge ke le, Modimo ntshwarele. Eupša ga ke ye go dumelelana le Maseventh-day Adventist ba ba bolelago gore, “E be e le letšatši la bošupa a bego a le ka go lona, letšatši la Morena.” Baena ba Maseventh-day Adventist, le ba bantši ba bona, ba tleleima gore e be e le letšatši la sabatha le a le biditšego letšatši la Morena. Kereke ya Bokriste ba le bitša, letšatši la Morena, “La-la Lamorena, letšatši la pele.” Gomme re a lemoga makga a mantši gore—gore kereke ya Bokriste gabjale, lehono, batho ba Protestant, ba le bitša bjalo ka “Letšatši la Morena, Lamorena.” Seo ga se lengwalo. Lamorena e bile letšatši la pele la beke ka Beibeleng, e sego letšatši la Morena. Gomme ebile e be e se letšatši la bošupa, sabatha. Go be go ka se kgonege go lona go ka ba le letee la matšatši ao gobane go tšere Johane mengwaga ye mebedi go ngwala Kutollo. E be e le letšatši lefe? Go be go tla ba a mantši a matšatši ao a bošupa le paseka ya matšatši a pele.

<sup>99</sup> Beibele, Kutollo e ngwadilwe go tloga A.D. 95 go ya 96, mengwaga ye mebedi. E be e le letšatši la Morena. Letšatši la Morena ke tlwa se e se boletšego, gomme leo e be e le se le bego le le sona. Johane o rwelwe ka Moyeng go ya ka mošola ka go letšatši la Morena. Le ke letšatši la motho, eupša letšatši la Morena le tla tla. Go ya pele go theoga go kgabola Mangwalo re tla hwetša gore o be a le ka go letšatši la Morena, a ubulelwa godimo ka Moyeng gomme a tšeelwa mošola go letšatši la Morena. Amene! Yeo ke therešo. Le a bona, o be a le ka go letšatši la Morena. Beibele e bolela ka letšatši la Morena. Re tla fihla go lona ka go nthathana ye nnyane, Mangwalo a mantši.

<sup>100</sup> Selo sa pele, letšatši la sabatha, bjalo ka ge re bolela ka lona, letšatši la sabatha ga se go boloka letšatši le le itšego. Ga re na le taelo go boloka Mokibelo bakeng sa sabatha. Ga re ne taelo go boloka letšatši la pele bakeng sa sabatha, ka go Testamente ye Mpsha. Beibele e rile, ka go Bahebere tema ya 4, “Ge nkabe Jesu a ba file khutšo, ka morago ga fa A ka be a se a bolela ka letšatši le lengwe” Yeo ke nnete. Eupša fao go sa šetše khutšo, goba go boloka sabatha, go batho ba Modimo. Gobane rena ba re dumetšego, le rena, re tsene ka khutšong ya Gagwe; re khutša go tloga go mediro ya rena boka Modimo a dirile go tloga go ya Gagwe.

<sup>101</sup> Šetšang! Oo! Tumišang Moreneng. Ke no hwetša go ikwa gabotse, ke ya pele ga ka mong.

<sup>102</sup> Hlokamelang, ka go letšatši la sabatha. Modimo o dirile lefase ka matsatši a tshela, gomme letšatši la bošupa A tsena khutšong le go se tsoge gape go aga mafase e ka ba afe gape. Ka gona O le file batho bjalo ka segopotšo. Gobane o ka se kgone go le boloka bjale, gobane ge o boloka sabatha mo, lehlakore le lengwe la lefase ke Lamorena morago gape. Le a bona? Kafao go laeditše e be e le bakeng sa batho, sekgala le nako bakeng sa Israele. Eupša bjale fao go šetše go boloka sabatha bakeng sa batho ba Modimo.

*Gobane rena ba re . . . dumetšego go tsena ka khutšong ya Gagwe, . . . le ge mediro . . . (Ke tsopola Bahebere, tema ya 4) . . . le ge mediro e be e feditšwe go tloga go theweng ga lefase.*

*Gobane o boletše ka go lefelo le le itšego . . . ka mokgwa wo, . . . letšatši la bošupa . . .*

*Gomme gape, o lekantše letšatši le le itšego, a bolela ka go Dafida, . . . (lena ba le e ngwalago fase, Bahebere 4)*

*Gape, o lekantše letšatši le le itšego, a bolela ka go Dafida, Lehono, morago ga nako ye telele kudu; go a kwewa, Ge le ekwa . . . goba o rile, Ge le ekwa segalontšu sa Gagwe, le se ke la retetša pelo ya lena.*

*Gobane ge Jesu a ka be a ba file khutšo, (letšatši) . . . a ka be e sego ka morago ga fao a boletše ka letšatši le lengwe.*

*Eupša fao go šetše . . . khutšo (goba go boloka sabatha) . . .*

<sup>103</sup> Lentšu “khutšo.” *Sabatha* ke lentšu la go se tlwaelege go rena, le rago go “khutša.” Ke lentšu la Sehebere le le rago letšatši la go “khutša,” letšatši la sabatha; se šome, khutša.

*Gobane ge Jesu a ka be a ba file khutšo, . . . a ka be a se a . . . bolela ka letšatši le lengwe.*

*Eupša fao go šetše . . . khutšo (goba go boloka sabatha) go batho ba Modimo.*

*Gobane rena ba re tsenago ka go khutšo ya gagwe, . . . re kgaoditše go tšwa go ya rena . . . mediro, boka Modimo a dirile go tšwa go ya gagwe.*

<sup>104</sup> Ga se ra tsoge ra boela morago go wona ka letšatši la go latela la beke le go o thoma gape, re tsene ka Khutšong. Jesu o bolela ka mahlogenolo, O rile, “Le ba kwele ba bogologolo ba re, ‘O se ke wa bolaya.’ Nna ke re go lena, mang kapa mang, a befelelagoo ngwanaboo ntle le lebaka, o šetše a bolaile. Le kwele ba bolela, bona ba bogologolo, ‘O se ke wa dira bootswa.’ Yeo ke taelo. Eupša Nna ke re go lena, mang kapa mang a lebelelagoo mosadi go mo kganyoga o šetše a otswitše le yena ka pelong ya gagwe.” A ke nnete?

<sup>105</sup> Kafao dilo tšohle tše e be e le digopotšo, e no ba maswao, matete, di letetše nako ya kgontho go tla. Bjale, ge Jesu a feditše bjoo, Mateo 11, (mahlogenolo), O rile:

*Etlang go Nna lena bohole ba le katanago, le lapilego, gomme le rwele boima, gomme Ke tla le fa khutšo go disoulo tša lena.*

*Tšeang joko ya ka godimo ga ka, gomme le ithute go nna; gobane Ke yo boleta le go kokobela . . . (a yeo ke nnete?)*

*Etlang go nna, lena bohole le katanago le . . . le rwele boima, gomme Ke tla le fa khutšo go soulo ya lena. (“Ge o katane letšatši le lengwe, matšatši a lesome, mengwaga ye mehlano, mengwaga ye masometharotlhano, mengwaga ye masometlhano, mengwaga ye masomesenyane, gomme o lapile le go tenwa, etla go Nna, Ke tla go fa Khutšo. Ke tla tšeaa morwalo ohle woo wa sebe go tloga go wena, le go tsena ka go wena, le go go fa khutšo ya go phethagala le kgotsofalo.”)*

<sup>106</sup> Bjale, khutšo ye eng? Anke—anke re no dudiša ye feela nthathana ye nnyane, re bone se e lego sona. Ba bangwe ba bona ba rile, “Gobaneng, eya go tšoena kereke.” Aowa! “Wena bea

leina la gago godimo ga puku.” Aowa! “Gabotse, mohuta wo o itšego wa kolobetšo ya meetse.” Aowa! Anke re no e dudiša gomme re bone se e lego sona. A le ka rata go dira seo thwi mo mola re sa letile? Re tla bona mo Johane a ilego. Mošola o ile ka go mohuta ofe wa letšatši a ilego go lona?

<sup>107</sup> Ge Jesu a hwile godimo ga lefase, gomme modiro wa Gagwe o fedile, O tsene felotsoko.

<sup>108</sup> Bjale a re yeng morago go Jesaya tema ya 28, gomme temana ya 8. Ke a dumela ke yona, bjale, Jesaya 28:8. Gomme a re baleng, Jesaya 28, moprofeta a bolela mengwaga ye makgološupa le lesomepedi pele e be e ka direga. Bjale, ke ba bakae ba ka ratago go tseba se *sabatha* ya therešo e lego sona, khutšo ya therešo e lego sona? Yona še. Bjale, fa ke mo moprofeta a e boletšego, gomme ke tla le bontša mo e tlago go phethega. Hlokomelang, Jesaya 28:8:

*Gobane tšohle . . . (moprofeta a profeta ka matšatši a)*

*Gobane ditafola tšohle di tletše mahlatša le tšhila,*  
(batho ba tšeа selalelo, bao ba kgogago le go nwa le  
go aketša le go utswa) . . . *kafao gore ga go lefelo la go*  
*hlweka.*

Ke mang a ka mo rutago tsebo? . . .

Ke mang o ka mo rutago tsebo lehono?

<sup>109</sup> Ke ba bakae ba kwelego Billy Graham lehono? E bile therešo ya go makatša a rerilego ka yona, kafao gore batho ba kgona go dumela maaka le go no tšwelapele ka go maaka ao gomme—gomme ebile le go itokafatša bonabeng le go nagana gore ba be ba dira se se bego se lokile. Setšhaba sa Amerika se tšeа, o rile, gomme o re, “Mohlotlo wa monna yo bohlale, le sekerete sa monna wa go kgoga,” ba tšeа a mangwe a maaka a diabolo, gomme go na le go mo dira setlaela, e ka ba eng a lego yona, go kgoga selo se sebjalo le go leka go mo dira monna yo bohlale. Ke setlaela ebile go se kgoga, ge se . . . ge se tletše lehu le kankere le se sengwe le se sengwe gape, gomme o no se maulela fase ka maswafong a gagwe. Ke setlaela. E sego mo—e sego mo—mo mohlotlo wa monna yo bohlale, gomme ga go selo se sebjalo. Monna yo bohlale ga a šomiše go maula.

<sup>110</sup> “Ga go bophelo ntle le ge bo le ka go ya Oertel 91,” goba se sengwe boka seo. Ga go Bophelo ka ntle ga Kriste, bjo ke Bophelo bja kgonthe bja therešo. Ke eng e dirago banna le basadi go nwa selo? Gobane ba leka go kgotsofatša lenyora lela ka kua leo Modimo a le beilego ka kua go nyorelwya Yena, gomme ba leka go le kgotsofatša ka dilo tša lefase. Gomme ke lebaka re nago le dilo tšeо. Ke ka baka leo batho ba itshwarago ka mokgwa woo, gobane ba leka go tima lenyora leo le lego ka go bona bakeng sa Modimo, gomme diabolo o ba fa lehu sebakeng sa Bophelo.

. . . *ditafola tšohle di tletše mahlatša . . .*

<sup>111</sup> Banna ba baruti, se sengwe le se sengwe gape, ba bolela ka bjona, “Go lokile go ba le boithabišo bjo bonnyane bja go hlweka.” Ga go selo se sebjalo!

*Ke mang a tla mo rutago tsebo? gomme ke go mang a tla dirago... kwešiša thuto? bona bao ba phušitšego go tšwa maswi, le go gogwa go tšwa matsweleng.* (Bjale ga re sa le masea.)

*Gobane molao o swanetše go ba godimo ga molao, molao godimo ga molao; mothalo godimo ga mothalo, mothalo godimo ga mothalo; gannyane mo, le gannyane mola:*

*Gobane ka dipounama tše di goloketšago le maleme a mangwe ke tla bolela le batho ba.*

*Go yena o rile, Ye ke... (eng? go boloka sabatha!)... khutšo ka mo o ka dirago yo a lapilego... (“Etlang go Nna lena bohle ba le lapilego le go rwala boima.”) ... go ka dira ba ba lapilego go khutša; gomme mo ke go lapološa: efela ga se ba kwa.*

<sup>112</sup> Seo se diregile neng? Mengwaga ye makgološupa le lesomepedi moragorago ge ka Letšatši la Pentecost dipounama tša go goloketša di dula godimo ga batho gomme bohle ba ile ba tlatswa ka Moya wo Mokgethwa le go thoma go bolela ka maleme a mangwe gomme, Moya wo Mokgethwa o tšere taolo ya maphelo a bona, gomme ba kgaotša go tloga go dilo tša selefase. Nako yeo ba tsene ka Khutšong le Kriste. Paulo o boletše, ka go Bahebere tema ya 4, “Rena ba re tsenego ka khutšong ya Gagwe re kgaoditše go tloga go ditiro tšohle tša selefase bjalo ka ge Modimo a dirile ka letšatšing la tlholo ya Gagwe, O tsene ka khutšong ya Gagwe, gomme re tsena ka go Yena morago ga ge mediro ya rena ya selefase e fedile.” Šeo ya gago ya kgonthé, Sabatha ya therešo.

<sup>113</sup> Kafao Paulo o ile a tšeelwa godimo gomme a tsena ka Moyeng woo wa Sabatha, gomme a fetišeditšwa ke Moya wo Mokgethwa tsela yohle go ya mošola ka go letšatši le Morena.

<sup>114</sup> Gobaneng re ne dintwa? Gobaneng re ne mathata? Gobaneng setšhaba se le kgahlanong le setšhaba? Jesu o tlide, Mokgoma wa Bophelo, gomme ba Mmolaila.

<sup>115</sup> Ka go dibeke di se kae, goba ebile gonabjale, go na le dinakadimaphakga le Santa Clause le—le dipele tše di llago le mehuta yohle ya dilo di lekeletše godimo, e lego tirelo ya bohetene. Ke athekele ya kereké ya Katoliki. Batho ba lefa diporeisi tše kgolo le go neelana dimpho le dilo boka tše, bohetene! Krisemose ke letšatši la go rapela.

<sup>116</sup> Gomme etse, Kriste ga se a tswalwa ka letšatši la masomepedithano la Desemere le yena. O be a ka se ke. Ge o ka tsoge wa ba ka Judea, dithaba di tletše lehlwa, go befa go

feta ka mo go lego mo. O tswetše ka Aporele ge tlhago yohle e etla pele.

<sup>117</sup> Bjale, eupša ke motlwae wa bona. Gomme gobaneng—gobaneng re dira dilo tše? Gobane re latela metlwae ya banna bakeng sa ditaelo tsa Modimo. Bona... Sengwe boka seo se be se ka se tshwenye, eupša ba no dira letšatši la kgwebo go tšwa go sona. Ke bogoboga, dihlong go bona go dira dilo tše bjalo ka tše. Tirelo ya bohetene! Ke neng mo Santa Claus a kilego a ba le e ka ba eng go dira le Jesu? Ke eng mo mmutla goba kgogo ya Paseka goba... e dirilwe mmala ka mohuta tsoko wa enke goba se sengwe, goba mohuta tsoko wa mmutla wo monnyane wo mošweu wa ba le e ka ba eng go dira le tsogo ya Jesu Kriste? A ga le bone ka mo lefase la kgwebo...?

<sup>118</sup> Ke ka baka leo ba rekišitšego dipuku tše tsa kgale tsa rokenerole, le diswantšho tsa ditšhila, le maroga, le dilo boka tše, ke ka gobane tlhago ya batho e na le kganyogokgolo go ditšiebadimo tše bjalo. Ke ka gobane go ne se sengwe sa phošo ka pelong, ga se ba ke ba tsoge ba tsena ka go Khutšo yela le Modimo gomme ba kgaotša go tšwa go dilo tše. Ge ba etla ka go yeo gomme ba amogela Moya wo Mokgethwa, gona ba feditše le lefase le dilo tsa lefase.

<sup>119</sup> Modimo o mo fetišeditše. Oo, ga ke kgolwe o tšeetšwe boka Paulo, bjale, godimo ka go magodimo a boraro le go bona dilo. Go lokile, Moya wo Mokgethwa wo bohlokwa o dirile dibeke di se kae tsa go feta, mo, anke ke bone... Ka mantšu a mangwe, ke be ke boifa lehu, gomme Moya wo Mokgethwa o ntšeetše ka mošola gomme wa ntaetša se e bego e le sona. Le kwele bopaki. Ka gona ge ke etla morago, "Gona, lehu, lebola la gago le kae?" Go fetišetšwa go bona seo se bego se no ba ka mošola ga garetene. O ntumeletše go bowa morago go le botša gore kua mošola ga re dipoko le meoya, re banna le basadi, baswa, ga re tsoge ra hwa, ga re tsoge ra babja, feela mošola wa seširo. Lehu ga le kgone go dira go fetiša go wena go feta go go gogela thwi ka go Lefelo lela.

<sup>120</sup> Bjale, Johane o fetišeditšwe go tloga sehlakahlakeng sa Patimo, ka Moyeng, go ya mošola ka go letšatši la Morena. Le ke letšatši la batho, batho ba a lwa, eupša letšatši la Morena le tla tla ge mebušo ye e tla ba mebušo ya Morena wa rena le Kriste wa Gagwe, nako ye go tla ba Miliniamo wo mogolo. Letšatši la Morena, letšatši la go tla ga Gagwe, kahlolo ya Gagwe, leo e tla ba letšatši la Morena.

<sup>121</sup> Le ke letšatši la batho, ke lebaka leo ba le tswalelela tikologong le go dira se ba se ratago ka lena, eupša go tla ba le nako... Ba le bitša... ba a le bitša bjale, "bapshikologibakgethwa le mahlanya," eupša go tla ba le nako ye e tloga, le a bona, mo ba ka se dirego seo. Ba tla goelela le go golola le go wela maotong a lena. Beibele e boletše, ka go Maleaki 4, ebile le tla sepela ntle godimo ga melora morago ga

ge ba tshumilwe; go se ba šiele modu le ge e le lekala. Seo ke tlwa se Beibebe e se bolelago, “Baloki ba tla sepela godimo ga melora ya ba babe.” Seo ke tlwa. Ba ka se šadišwe modu goba lekala, ga go selo go tla morago go sona. Gomme ba tla fela. Bjale le ke letšatši la motho (ditiro tša motho, mediro ya motho, kereke ya motho, megopolu ya motho), eupša letšatši la Morena le a tla.

<sup>122</sup> Bjale, o be a le ka Moyeng ka letšatši la Morena. Go lokile, gomme selo sa pele a se kwelego ge a be a le ka Moyeng ka letšatši la Morena... Bjale re fihlile go temana ya 10:

...ka Moyeng ka letšatši la Morena, gomme o  
kwele...se...segalontšu, bjalo ka...phalafala,

<sup>123</sup> Anke re se fete seswantšho se tee, bjale. Ge re swanetše go e tšea gosasa, re tla kgona go e tšea, le a bona. Yo mongwe e no lebelela nako, gore e se be thari go nna.

<sup>124</sup> Go lokile, bjale, "...o be a le ka Moyeng ka letšatši la Morena." Bjale elelwang, selo sa pele o swanetšego go se dira ke eng? Tsena ka Moyeng. Dikutollo tše di ya go tsoge tša tla bjang go wena? Tsena ka Moyeng. O ya go tsoge wa hwetša bjang Moya wo Mokgethwa? Tsena ka Moyeng. Tsena ka Moyeng!

<sup>125</sup> Ge o be o le modiradibe gomme o ile tansing, o tsene ka moyeng *wola*. Oo, nna, o ile wa thoma go phapha diatla tša gago le go tibatiba ka maoto a gago, gomme o di buša, le go fošetša kefa ya gago godimo ga lebato, le go ya go dikologa le go dikologa, o dira bosawana. O be o le ka moyeng wa yona. A o ka eleletša moisa, e be e le mogwera wa tansi, a eya tansing, a re, “Gabotse, gomme lena bohole le ne nako ye botse gabotse, ke tšea gore.”

“Oo!” ba be ba tla re. “Wena letšoba la lebotong, tšwela ka ntle ga mo!” Le a bona?

<sup>126</sup> Eya papading ya polo, ge yo mongwe a ratha go kitimela mo a thomilego, goba se sengwe sengwe, o nno dula le go lebelela, le go re, “Gabotse, ke a thankwa seo se botse gabotse.” Nnang, o ka se be mmamoratwa wa peisipolo, o ka se be wa kgonth... o ka se be wa moya wa peisibolo. Ge yo mongwe a ratha go kitimela gae, o a phagama le go phagamelu godimo le go goelela, “Fše! Nna! Go thopa!” O ratha kefa ya yo mongwe go tloga go hlogo ya gagwe, ka mokgwa *woo*, ga go yo a bolelago lentšu ka yona.

<sup>127</sup> Ka gona ka kerekeng ge o tsena ka Moyeng, o phagama le go goelela, “Letago! Haleluya! Tumišang Morena!”

Yo mongwe o a retologa, o re, “Mopshikologimokgethwa.” (Oo, Ngwanešu Wood...)

<sup>128</sup> Ke ya go le botšiša potšišo. Ge re le bapshikologibakgethwa gobane re dira seo, gona bona ke bapshikologi ba e *sego bakgethwa* ntle kua. Bokaone ke be mopshikologomokgethwa (A

o ka se ke?) go feta go ba yo e sego yo mokgethwa. Nna! Nnete! Bapshikologi ba e sego ba bakgethwa.

<sup>129</sup> Bjale, o be a le ka Moyeng. O tsene ka Moyeng, nako yeo dilo tša thoma go direga. Gomme ka gona ge a tsene ka kua, o kwele phalafala. Bjale, phalafala ka mehla e bega go batamela ga se sengwe. Boka ge o etla... Kgo—kgo kgoši e a batamela, ba tla galagatša phalafala. Ge Jesu a batamela, O tla galagatša phalafala. A yeo ke nnete? Ge Josefa a ile pele, ba galagaditše phalafala. Gomme bjale se sengwe se tla pele, Johane o tsene ka Moyeng gomme o kwele phalafala. O kwele phalafala, gomme o retologile go bona se se bego se le ka morago ga gagwe ge a kwele phalafala; morago ga ge a tsene ka Moyeng.

<sup>130</sup> Mohlomongwe o be a bina, a taboga, a kitima gohle go dikologa sehlakahlaka. O be a ne nako ye botse, o be a le ka Moyeng. Kafao, gomme o... Seo se ka no kwala go nyefola, eupša ga ke se re ka tsela yeo, le a bona. O kgonne! Yeo ke... gabotse, a ka no ba a be a dira seo. Ke a dumela o be a ne nako ye botse ka Moyeng, a no tumiša Modimo, gobane seo ke tlwa se se diregilego ge Moya o wetše godimo ga bona ka lefelong la pele. Ge Moya wo Mokgethwa o wetše godimo ga bona, ba be ba thekesela boka banna le basadi ba go tagwa, le go dira mo o ka rego ba be ba tagilwe, le go beberetša. Gomme ba bitš-...ba tšwelapele ka mokgwa woo go fihla batho ba rile, "Batho ba ba tletše ka beine ye mpsha." Yeo ke tsela ye ba dirilego lekga la pele, kafao Moya o tlie gape, mohlomongwe o dirile tsela ya go swana. Le a bona? Ga go selo se seswa ka selo se—se, bjo ke bodumedi bja *nako ya kgale*. Ya.

<sup>131</sup> "Ka Moyeng ka letšatši la Morena." Bjale, re a e kwa. Bjale eng? Bjale, o be a dira eng? O be a fetišeditšwe go tloga sehlakahlakeng bjale, ka Moyeng, mošola go ya ka go letšatši la Morena. Gomme ka pejana ge a fihlile ka go letšatši la Morena, o kwele phalafala. Ke eng? Ke yo Mongwe o a batamela. Yo mogolo Yena o a batamela. Phalafala e a galagala, Mongwe o etla! O lebeletše! Haleluya! Phalafala:

*A re, Ke nna Alefa le Omega, wa mathomo le mefelelo:... (e sego tsebišo ya phathi ya bobedi goba phathi ya boraro, eupša Phathi e nnoši)...Ke nna bobedi Alefa le Omega,... ("Pele Ke le laetsa e ka ba eng, Ke nyaka go le tsebiša Ke nna mang!")*

<sup>132</sup> Se segologolo go dikutollo tšohle ke Bomodimo, Bomodimo bja Godimo bja Morena wa rena Jesu Kriste. O ka se fihle go legato la pele go fihla o dumela seo, o sepelela ntle... Seo ke se Petro a se boletšego, "Sokologang, gomme ka gona le bone Bomodimo. Kolobetšwang Leineng la Jesu Kriste bakeng sa go tlošwa ga dibe tša lena, gomme ka gona le komana go ya ka Moyeng." Selo sa pele o swanetšego go se tseba ke Bomodimo bja Kriste. "Ke nna Alefa le Omega! Ke nna go tloga go A go fihla

go Z, ga go sa le feela Nna. Ke be ke le mathomong, Ke tla ba bofelong. Ke nna Yo a bego a le gona, yo a lego gona, gomme a tla tlago, Ramaatlakamoka.” Nagana ka Bjona! Seo ke se phalafala e se boletšego.

<sup>133</sup> Hlokanela Johane! O tsene ka Moyeng, se sengwe se ya go utollwa go wena. Ke eng? Segalo sa phalafala, selo sa pele, “Ke nna Alefa le Omega.” Sa pele go dikutollo tšohle. (Oo, modiradibe, inama, sokologa bjale pele nako e le thari kudu.) “Ke nna Alefa le Omega.” Seo ke selo sa pele se A mo dirilego a se tsebe, O be a le mang. (Ke mang yo a batamelago? A yo ke Kgoši Jesu? Kgoši Modimo? Kgoši Moya wo Mokgethwa?) O rile, “Ke nna yohle ya Yona! Ke nna go tloga go A go fihla go Z. Ke nna mathomo le bofelo. Ke nna Mosehwe, Yena wa Gosafelego!”

<sup>134</sup> Feela moragorago gannyane re Mo šetšeng ka go bomotho bja Gagwe bja go menwagašupa, re šetšeng se A lego sona nako yeo. “Ke nna mathomo le bofelo. Ke nna Alefa le Omega, wa mathomo le wa mafelelo. Ke be ke le pele go be go le mathomo; le morago ga ge go se sa le mafelelo, ke tla no be Ke sa le fao,” ka mantšu a mangwe. “Mathomo le mafelelo!”

...gomme, Tše o di bonago, di ngwale ka pukung,  
gomme romela...go dikereke tše šupago tše di lego  
ka Asia; ka go Efeso...Semirina,...Pergamo,...  
Thiathira,...Saredese,...Filadelefia, le go Laodikia.

<sup>135</sup> Go lokile, sa pele sa dikutollo tšohle ke Bomodimo bja Godimo bja Jesu Kriste. Le swanetše go tseba ke Yena mang ge le ekwa Segalontšu. Go lokile, Segalontšu sa go swana sa go galagala Thabeng ya Sinai, Segalontšu sa go swana sa go galagala Thabeng ya Phetogelo, Yena wa go swana, “Yena moka Morwa wa motho.”

<sup>136</sup> Bjale šetšang ka go temana ye ya go latela. Go lokile:

*Gomme ke retologile... (Temana ya 12 bjale.)*

<sup>137</sup> Re ya go tlogela dikereke tše di nnoši motsotso feela, gobane beke ye ka moka e tla go dikereke tše. Le a bona, kafao re ya go no feta godimo ga tšeо.

<sup>138</sup> Eupša O rile, “Tše...Ke ya go go laela go romela Molaetša wo Ke go bontšhago wona.” Ke mang? “Ke nna mathomo le mafelelo. Ke nna Yena wa Godimo. Ke nna Yena Ramaatlakamoka. Gomme Ke tlile go go botša gore Ke go fa Molaetša go ya go dikereke tše di šupago. Ke go nyaka o O ngwale, o O bee komana.” Le a bona? “Dikereke tše di šupago tšeо di lego ka Asia.” Bjale, e be e le dikereke kua nako yeo ka tlhago ka go tšona ye e bego e emela mabaka a a kereke a bego a etla.

<sup>139</sup> Bjale:

*Gomme ke retologile go bona segalontšu se se boletšego go nna. Gomme ge ke retologile, ke bone dihlomakerese tše di šupago tša gauta;*

<sup>140</sup> “Dihlomakerese tše di šupago tša gauta.” Bjale, ke... Phetolelo ya King James, yeo mo gongwe le nago le e ka ba Scofield goba—goba mohlomongwe Thompson Chain, goba dingwe tša tsona, ga ya nepagala fao. Ga e re dihlomakerese, e re diswarapone; dihlomapone, ke a dumela, ke la maleba, lentšu la go nepa e le boletšego ka go phetolelo ya setlogo. Le a bona, ka mantšu a mangwe, dihlomakerese tše šupago tše tša gauta e be e le dikereke tše šupago. O bolela moragorago gannyane ka, tše šu-...ka go temana ya 20 mo, “Dihlomakerese tše šupa tše o di bonego ke dikereke tše di šupago.” Kafao, le a bona, ge e be e le kerese, ka pejana e be e tla fela le go swa, feela nthathana gannyane. Eupša ga se dikerese ke, se—se sehlomapone. E efa bjalo ka sehlomapone. “Ge ke retologile ke bone yo mongwe boka Morwa wa motho a eme ka magareng ga...bogare bja dihlomapone.”

<sup>141</sup> Bjale—bjale lebelelang. Kerese e be e tla swa ka pejana, e be e tla tima, go be go ka se sa ba selo go yona, mo diiring di se kae e be e tla be e swele. Eupša sehlomapone, sehlomapone se ka mokgwa wo,...

<sup>142</sup> Mo, a re—a re hwetšeng Lengwalo mo, a re—a re hwetše Sakaria 4:1, ka gona mohlomongwe re tla kgona go hwetša se re se nyakago go tšwa go Sakaria. Sakaria 4:1, gomme ke a dumela gona mohlomongwe ka go ye re tla kgona go—go goga mmogo seo re se nyakago. Nka se kgone go hwetša Sakaria ka Tsefania, a nka kgona? Go lokile. Go lokile. Beibele ya ka ya kgale e tšofetše. Sakaria 4:1, theetšang sekgauswi bjale, le hwetša seswantšho se sebotse mo:

*Gomme morongwa...*

<sup>143</sup> Moprefeta, bjale, e no ba mengwaga ye makgoltlhano le lesomesenyane pele ga Kriste:

*Gomme morongwa yo a boletšego le nna o tlide gape, gomme a tsoša nna, bjalo ka motho yo a tsošwago go tšwa borokong, (Bjale moprefeta o ka ponong.)*

*Gomme a re go nna, O bona eng? Gomme ka re, ke lebeltese, le go bona sehlomakerese... (Bjale, yeo ke phetolelo ya lentšu sehlomapone.) ... sohle sa gauta, le sebjana godimo... godimo ga sona, (Leo e be e le lebone.) ... le mabone a gagwe a šupago godimo ga sona, le diphaephe tše di šupago go ya maboneng a a šupago, ao a lego godimo ga sona: (Le a bona, mabaka a šupago a go swana a etla godimo. Le a bona?)*

*Gomme mehlware ye mebedi kgauswi le sona,...* (Bjale, ke mohuta mang wa... Ba be ba tšhuma eng ka maboneng ao nakong ya Beibele? A e ka ba yo mongwe o

a tseba? Oli. Mohuta mang wa oli? Oli ya mohlware.) . . . *mehlare ye mebedi ya mohlware . . . (Ke eng? Testamente ye Mpsha le ya Kgale; ke ye mebedi eeme kgauswi le sona.) . . . wo motee ka lehlakoreng la go ja la sebjana, gomme wo mongwe ka lehlakoreng la nngele la sona.*

*Gomme ka araba le go bolela le morongwa yo a boletšego le nna, ka re, Ke eng ye, morena wa ka?*

*Gomme morongwa yo a boletšego le nna a araba le go re go nna, A ga o tsebe se tše—tše di lego? Gomme ka re, Aowa, morena wa ka.*

*Gomme a araba le go bolela go nna, a re, Le ke lentšu la MORENA go Serubabele, le re, E sego ka maatla, e sego ka thata, eupša ka moywa ka, go rialo MORENA wa mašaba. (O tla bušetša Jerusalema.)*

<sup>144</sup> Bjale, sehlomakerese ke eng? Ke sehlomapone. Gomme hlokamelang go botse bjang. Mo, ge a retologile, o bone yo Motee yo boka Morwa wa motho a emego ka magareng ga dihlomapone tše di šupago tša gauta, go rago mabaka a šupago a kerekere a bego a etla. Gomme phaephé ye nngwe le ye nngwe, goba—goba sehlomapone, se be se hlomilwe ka go sedibelo segolo se segolo sa oli. Gomme ka go oli ye go tla pele godimo go lebone le lennyane la sebopega se seše leo le dutšego le pete ka go lona gomme pete ye e lekeletšego fase go ya ka go oli. Gomme ge feela . . . Ba be ba tshela oli bokagodimo bja seemiši, ye e bego e tlatša kutu kgolo ye kgolo, lelekala le legolo, gomme e kitimela ntle ka go dikutu, ka mokgwa wo. Gomme lebone ka pete e lekeletše fase, ye—ye phaephé ka go . . . e tšwelapele e tuka, mosegare le bošego. O be o se wa tsoge wa swanela go e gotetša, e be e sa tsoge ya tima; ba be ba no tšwelapele go tshela oli ka go phaephé kgolo. Gomme dihlomapone tše tše di tlago ntle ka tsela ye, di be di ne mabone a dutše bokagodimo ga tšona. Pete go tšwa go lebone e theogela fase go ya ka mo, e be e ne bophelo bja yona go tšwa ntle mo. Oo, le fapania bjang go go tšwa go kerese. Go fapania bjang! Ke sehlomapone, gomme se goga oli.

<sup>145</sup> Bjale, dihlomapone tše, mollo wo o bego o le godimo ga dihlomapone tše ka go Testamente ya Kgale. Ge ba gotteditše lebone le tee, ba be ba sa kgone go gotetša lebone la go latela ka mollo wa go swana ba bilego le ona ka seatleng sa bona. Ba be ba gotetša lebone le tee, morago ba le tsea gomme ba gotetša lebone le lengwe, morago ba le bea fase. Gomme ba gotetša lebone le, gomme morago ba le tsera le go gotetša lebone le ka mollo wa go swana wo ba thomilego mathomong. Oo, ke a holofela ga e fete ka godimo ga hlogo ya lena. “Jesu Kriste wa go swana maabane, lehono, le go ya go ile,” mollo wa go swana (Moya wo Mokgethw) o gotteditše ye nngwe le ye nngwe ya dikereke tšela thwi go theoga go kgabola mabaka.

<sup>146</sup> A Jesu ga se a bolela ka go Mokgethwa Johane 15, "Ke nna morara, lena le makala"? Bjale, Yena ke Morara mogolo, rena re makala. Bjale, morara ga o enywe kenywa . . .

<sup>147</sup> [Ga go selo lefelong la theipi—Mor.] . . . gore o kgona go tšea mohlare wa siterase, bjalo ka namune, gomme o ka kgona go tšea le—le lekala go tloga go—go tloga go ona, gabotse, ke tla re, mohlare wa papalamone, gomme wa phatlola lefelo le lennyane ka go mohlare wa monamune gomme wa bea papalamone yeo ka go wona, e tla gola. O ye godimo mo gomme o tšeekala la moswiri gomme o le bee ka go mohlare wa monamune, o tla gola. Goba o tšeekala mogarenate, gomme o o tšeekala. Goba e ka ba kenywa efe ya siterase, tangerine goba tangelo, e ka ba efe ya dikenya tseo tša siterase, gomme o di bee ka go mohlare wo, gomme o tla phela ka bophelo bja mohlare wola wa monamune; eupša o ka se enywa dinamune. O tla enywa dipapalamone, o tla enywa ditangelo, o tla enywa diswiri, eupša o phela ka bophelo bja morara wa kgonthe, eupša ge morara wola o ka tsoge wa hloga le lengwe la morara . . . lekala le lengwe, le tla ba la bophelo bja go swana le lego ka go bjona, le tla enywa namune. Gobane, mathomong, ka modung wa wona ke bophelo bja monamune, eupša a mangwe a ka no kgona go phela go tšwa go wona ge feela e le tlhago ya kenywa ya siterase. Eupša le ka se kgone go enywa kenywa ya setlogo, gobane ga se ya setlogo.

<sup>148</sup> Ke ka tsela yeo kereke e lego. Ba phatlotše Morara le go hlomesetša Presbyterian, Methodist, Baptist, le bjalogjalo ka mokgwa woo. E enywa kenywa ya Baptist, kenywa ya Presbyterian, kenywa ya Methodist, eupša ge e ka tsoge. . . mohlare woo wa tsoge wa tšweletša morara wo mongwe, e tla ba mohuta wa go swana wa morara E o tšweleditšego ka Letšatši la Pentecost: Morara wa setlogo! O tla bolela ka maleme le go ba le maatla le maswao a Kriste yo a tsogilego ka go wona. Gobaneng? Gobane o phela ka mothopo wa tlhago wo o bjetšwego ka go wona. Gabotse, ga se wa bjalwa ka go wona, o tswetšwe ka go wona! Tumišang Morena! Oo, nna! Ga ka nagana ka yeo thwi nako yeo.

<sup>149</sup> Le a bona, a mangwe a a hlomeseditšwe ka gare; ba a hlomesetša ka go mohlare, kafao a enywa mohuta wa kenywa ya wona mong. Ga ba kgone go tšea *Bjo*. Ga ba dumele ka go *Bjoo*, gobane ga se ba tsoge ba tseba selo ka Bjona. Eupša ge ba tswetšwe ka go Bophelo bjola bja go swana bjo bo tšwago go mohlare wola, seo ke selo se nnoši ba se enywago, ke Bophelo bja kutu ya setlogo.

<sup>150</sup> Makala a a lebone ohle a lekanelka go sebjana segolo se tee se segolo, seswari segolo se setee se segolo, gomme tše senyane tša go fapan. . . . goba diswaramabone tše di šupago tša go fapan di tšwa go sona. Gomme ge di dirile, le lengwe le le lengwe la mabone a le be le goga go mothopomogolo wa bophelo bja lona. Gomme seetša sa lona e be e le ka gobane le be le ne kerese ya

lona e karabeditšwe fase ka go sedibelo segolo. Oo, a seswantšho se sebotse sa e tee ya dinaledi tšela (e di emetšego) ka bophelo bja gagwe bo tukišwa ke Moya wo Mokgethwa mo. Gomme le . . . Ka tumelo o tuka ka Moya wo Mokgethwa, gomme bophelo bja gagwe ke kerese, goba e sego kerese, eupša pete yeo e inetšwego ka go Moya wo Mokgethwa (ka go Kriste), gomme ka pete yeo o gogela Bophelo bja Modimo ntle go fa Seetša go kereke ya gagwe. Oo, a seswantšho se sebotse sa modumedi wa therešo! Ke mohuta mang wa Seetša a se fago? Mohuta wa Seetša se bego se le ge kerese ya pele e be e gotetšwa.

<sup>151</sup> Ge lebaka la pele la kereke le be le thoma, e be e le Efeso. Paulo, morongwa wa kereke yeo, ye nngwe ya dinaledi. Fao go ne dinaledi tše di šupago go rago barongwa ba ba šupago, batseta ba ba “šupago.” Beke ye ke tla kgona go tšeа Lengwalo le histori gomme ka netefatša go lena ye nngwe le ye nngwe ya tšeо ke therešo ka go morongwa yo mongwe le yo mongwe, gomme morongwa yo mongwe le yo mongwe o bile le Seetša sa go swana. Yeo ke nnete. Gomme ka gona thwi gare ga mabaka a, yo mogolo Yola go tla.

<sup>152</sup> Hlokamelang, bjale ba goga go tšwa go sedibelo segolo se sa Oli, Seetša . . . bophelo bo inetšwe ka go Kriste. O hwile, gomme bophelo bja gago bo utilwe ka go Kriste ka . . . goba bo utilwe ka go Modimo ka Kriste, le go tswalelewka Moya wo Mokgethwa. Ga go tsela le gatee go ka tsogego ya go tloša fao. O kgona bjang go e dira? Ga go yo a ka kgonago go ngakangakana le wena. Bofelo bja bophelo bja gago bo tuka ka Moya wo Mokgethwa; oo, go tuka, go fa Seetša. Bofelo bjo bongwe bja bophelo bja gago bo inetšwe kae? Ka go Kriste. O hwile le go utwa ka go Kriste, Moya wo Mokgethwa, o bo thibela gore o kgone . . . diabolo a se kgone go go kgwatha. Amene! A ka kgona go tsetsela le go dira lešata. Ebile le lehu lonamong le ka se kgone go go kgwatha, “Oo lehu, lebola la gago le kae? Phenyo ya gago e kae? Ditebogo a di be go Modimo yo a re fago phenyo ka Morena wa rena Jesu Kriste.”

<sup>153</sup> Mafelelo a temana ye, a re e baleng:

. . . Gomme ge ke retologile, ke bone dihlomakerese tša gauta tše di šupago;

Gomme makgatheng ga dihlomakerese tše di šupago tša gauta yo motee moka . . . Morwa wa motho, . . .

<sup>154</sup> Nna! A le lemogile? Dinaledi, dihlomakerese, mabone. Go ra go reng? Se se ra go reng? Gore lebaka le re phelago ka go lona ke nako ya bošego, dikerese le dietša le dinaledi di ra bošego. Gomme naledi e dira eng? E bonagatša seetša sa letšatši go fihla letšatši le boa. A go šegafatšwe Leina la Morena! Gomme modiredi wa therešo wa Modimo ga a bonagatše seetša tsoko sa thotše, lehlokwa tsoko la metšhese, legapi tsoko le eswa; o bonagatša mahlasedi a gauta a Kriste go Kereke, gore “O a swana, gomme O a phela, gomme O phadima godimo ga ka.”

Amene! Seo ke Seetša se a se bonagatšago. Naledi e bonagatša seetša sa letšatši, le a bona, kafao re bonagatša Seetša sa Morwa wa Modimo. Go dira selo sa go swana A se dirilego, go fa Seetša. Seetša sa mohuta mang? Seetša sa Ebangedi go bao.

<sup>155</sup> Bjale a re Mo šetšeng feela go ya pele gannyane, ge re tšeа temana ya 13 ka moka:

*Gomme ka magareng (bjoo ke bogare) ga dihlomakerese tša gauta yo motee boka... Morwa wa motho, a apere kobo go theoga go fihla leotong, gomme a gahlile go dikologa sefega ka moketwana wa gauta.*

<sup>156</sup> Bjale netefatšo ya go oketšega še gore thuto ye e nepile ka go beng letšatši la Morena. A le Mo hlokometše? O be a se moprista lebakeng la nako ye, eibile O be a se kgoši, O be a le moahlodi. Hlokamelang, moprista, moprista yo mogolo, ge a be a eya ka sekgethweng goba a eya ka gare go hlankela, go direla, o be a ipofa yenamong go dikologa letheka. Go tlema moketwana wa gagwe go dikologa letheka, go be go era gore o be a direla; ga se a tsoge a o bofa godimo ga legetla la gagwe. Eupša šo O tla ntle, o sepelela ntle ka moketwana o tlemilwe go dikologa godimo, ka setše godimo ga legetla la Gagwe; o gahlilwe go rarela sefega, sefega, ka moketwana wa gauta, o gahlilwe godimo. Ke eng? Moemedi, moahlodi. Moahlodi ka setše ya gagwe godimo ga legetla la gagwe, e gahlilwe godimo mo, e segó tlase bjalo ka moprista. Le a bona, seo se a laetša O be a se ka boprista bja Gagwe bjale, Johane o ile tsela yohle godimo ka go letšatši la Morena gomme o Mmone a etla bjalo ka moahlodi.

<sup>157</sup> Le a dumela Yena ke moahlodi? A re baleng Mokgethwa Johane 5:22, thwi ka pela, re tla bona ge eba Yena ke moahlodi goba aowa. Mokgethwa Johane 5:22:

*Gobane Tate ga a ahlole motho, eupša o neetše kahlolo yohle go Morwa:*

<sup>158</sup> A yeo ke nnete? Yena ke moahlodi, Moahlodi yo Mogolo. Gomme Johane o a laetša gore O be a se ka go letšatši la seprofeto sa Gagwe, bjalo ka moperfeta, eibile O be a se thwi ntle ka go matšatši a bogoši bja Gagwe, eupša O be a le ka go letšatši la Morena bjalo ka Moahlodi. Bjale, ke ba bakae bao ba tsebago gore moprista go beng le moketwana wa gagwe, lenti la gagwe go dikologa letheka la gagwe go be go era gore o be a le ka tirelong? Mang le mang a balago yo a Ditestamente, yo a tsebago Testamente ya Kgale, o tseba seo. Ge moprista a bofilwe mo, o mo tirelong, ke mohlanka. Eupša O be a bofile godimo mo, moahlodi.

<sup>159</sup> A re baleng go ya kgojana gannyane:

*...moketwana wa gauta... o be o le... go rarela sefega sa gagwe...*

<sup>160</sup> Yeo ke nnete, godimo go rarela mo, O be a le Moahlodi.

Bjale re ya go bala letago lemenwagašupa la Motho wa Gagwe. Oo, nna! Se se ntira ke goelele pele ke fihla go sona. [Ga go selo godimo ga theipi—Mor.] Hlokamelang! Oo, se ke selo sa go makatša kudu. E nong go theetša:

Gomme *hlogo ya Gagwe* . . .

<sup>161</sup> Bjale šetšang, O na le dilo tše di šupago, mo a bolela: *hlogo ya Gagwe*, moriri wa Gagwe, mahlo a Gagwe, maoto a Gagwe, segalontšu sa Gagwe, . . . O boletše dilo tše di šupago mo, letago lemenwagašupa la Jesu Kriste. Ake ke E bale:

*Hlogo ya Gagwe le moriri wa gagwe o be o le wo mošweu bjalo ka wulu, wo mošweu bjalo ka leswele; . . . mahlo a gagwe a be a le . . . di dikgabo tša mollo;*

*. . . maoto a gagwe boka . . . mphiri wo mokaone, bjalo ka ge o ka re o fišitšwe ka gare ga onto; gomme segalontšu sa gagwe . . . modumo wa meetse a mantši.*

*Gomme ka gare . . . Gomme ka seatleng sa gagwe se setona o be a swere dinaledi tše di šupago: gomme molomong wa gagwe go tšwa tšoša ye bogale ya magalemabedi: gomme sefahlego sa gagwe se be se le boka letšatši le phadima ka go maatla a lona.*

<sup>162</sup> A pono! O bone eng mo? Morwa wa Modimo yo a tagafaditšwego, le seka. Bjale, a re—a re nong go ba komana bjale.

<sup>163</sup> Oo, nna, ke naganne e be e le senyane, ke seswai feela. Ga se ka be ka thoma gabjale. Go lokile. Seo se gabotse. Bjale, maswabi banabešu ba ba emego, go ntira ke tšhoge go ba bona ba eme, le a bona, gobane ke a tseba maoto a bona a bohloko. Ge nkabe ke bile le tsela e ka ba efe baena, ya e ka ba eng nka kgonago go e dira, ka nnete ke be ke tla e dira. Bjale, ke le nyaka le hwetše se gampe. Gomme emang lebakana le lennyane gomme Modimo a le putse wa go le humiša, ke thapelo ya ka.

<sup>164</sup> Bjale—bjale hlokamelang, selo sa pele, bjale re a hlokamel, *hlogo ya Gagwe le moriri wa Gagwe e be le wo mošweu boka wulu*. *Hlogo ya Gagwe le moriri wa Gagwe e be e le ye tšhweu boka wulu*. Bjale, ga go re gore O be a tšofala, seo se dirile se. Leo e be e se lebaka. O be a se a tšofala go dira se. O be a . . . E be e le ka baka la boitemogelo bja Gagwe le maswanedi le bohlale bja Gagwe. Gobane Yena ke wa Gosafelego, gomme Gosafelego ga go kgone go tšofala. Le a kwešiša?

<sup>165</sup> A re phetleng pele, gomme re tla—re tla Mo swantšha ntle mo bjalo ka se, gomme re tla hwetša se A lego sona. Bjale, a re phetleng go Daniele 7:9, motsotso feela, le bona seswantšho sa go swana ka go Daniele moo A tlago bjalo ka . . . godimo ka go nako ya Bogologolo. Go nyakile go ba yo mongwe le yo mongwe, moithuti wa Beibele, o tseba tlwa moo re lebantšego gonabjale. Daniele 7, gomme temana ya 9; ke tla thoma go ya 8:

*Gomme ke šeditše lenaka, gomme, bonang, fao go tlie godimo . . . lenaka le lengwe le lennyane, pele—pele ga lona go bile a mararo a manaka a pele a tomotšwego ka medu: gomme, bonang, ka go lenaka le fao go be go le mahlo boka . . . a motho, le molomo wa go bolela dilo tše kgolo.*

*Gomme ke bone go fihla diterone di akgelwa fase, . . .*

<sup>166</sup> Bjale theetšang. Theetsang sekgauswi, bjale. A le kgona go nkwa gabotse ka morago? Ereng “Amene,” ge le kgona. Ke botšišitše mosadimogatša wa ka morago kua. Ke a nagana setšeamantšu se se . . . se phela kudu mo, a ga se? Bjale, ke hlahlawetša ka maatla kudu, ke a thanka, ka go wo.

<sup>167</sup> Go lokile, bjale Daniele 7:9:

*Gomme ke lebeletše go fihla diterone di akgelwa fase, gomme Motala wa matšatši a dula, yo dikobo tša gagwe di bego di le tše tšhweu bjalo ka leswele, gomme moriri wa hlogo ya gagwe o be o le boka . . . wulu ya go seká: (Motala wa matšatši.) . . . tereno ya gagwe e be le bjalo ka kgabo ya mollo, gomme mabili a gagwe a be a le mollo wo o tukago.*

*Gomme meela ya mollo—ya mollo e neelwa le go tla pele go tšwa pele ga gagwe: gomme dikete tše dikete ba be ba mo direla, le lesome . . . atiša ka dikete tše lesome ba be ba eme pele ga gagwe: gomme kahlolo ya bewa, gomme dipuku tša bulwa.*

<sup>168</sup> “Moriri wo mošweu!” Bohle . . . mang kapa mang o a tseba bao ke baahlodi ka matšatšing a kgale. Boka baahlodi ba Maisimane ba be ba apara wiki ye tšhweu leswele. Ke ba bakae ba elelwago seo? Baahlodi ba kgale ba bogologolo ba be ba apara wiki ye tšhweu gobane ba be ba le . . . Gomme šo Yena, go laetsa gape gore Johane o mošola ka go letšatši la Morena, o Mmone bjalo ka moahlodi. Amene! E sego bjalo ka moprista, e sego bjalo ka kgoši, e sego bjalo ka moprofeta, eupša bjalo ka moahlodi. Tate (Ke Mokgethwa Johane 5:22) o neetsa kahlolo yohle go Yena. Gomme Yena ke moahlodi bjale, o tla go ahlola ditšhaba. Oo bakeng sa letšatši leo ge o Mmona ka mokgwa woo! Moriri wa Gagwe e be e le wo mošweu bjalo ka leswele, Daniele o Mmone a etla go Motala wa matšatši. Mo šetšeng a hlakanya tše pedi tše mmogo. Go lokile:

*. . . gomme kahlolo ya bewa, gomme dipuku tša bulwa.*

*Gomme ka bona nako yeo gobane . . . Gomme ka bona nako yeo ka baka la segalontšu sa mantšu a magolo—mantšu a magolo ao lenaka . . . (Aowa, ke swere lefelo la go fošagala, a ga ke?)*

<sup>169</sup> Daniele 7:9, ya, ke rena ba:

*. . . gomme mabili a gagwe . . .*

*Gomme moela wa mollo o neelwa pele gomme o tlide...go tšwa...go yena: gomme masome a dikete batile gomme ba mo direla,...*

*Gomme ka bona nako yeo ka baka la segalontšu sa mantšu a magolo ao lenaka le a boletšego: gomme ka bona ebole go fihla sebata se bolawa, gomme mmele wa gagwe wa senywa, le go neelwa go di—di dikgabo tša go tuka. (Mmm!)*

*Ge go etla go dibata ka moka, tšona tšohle tša amogwa pušo ya tšona: (ke gore ohle maatla le mebušo ya Bantle e tla wa) efela maphelo a tšona a ile a telefatšwa sehla le nako.*

*Gomme ke bone pono ya bošego, gomme, bonang, yo mongwe moka Morwa wa motho a etla ka gare...maru a legodimo,...(Re Mmone bjang a etla ka gare mosong wo, ka go temana ya 3? A etla ka maru a legodimo, Morwa wa motho.) ...yo mongwe moka moswana le Morwa wa motho a etla ka maru a legodimo, gomme o tlide go Motala wa matšatši, gomme ba mo tlišitše kgauswi pele ga gagwe.*

*Gomme o ile a fiwa bo bogosi, le letago, le mmušo, gomme batho bohole, ditšhaba,...maleme, a swanetše go mo hlankela: bogosi bjo ke bogosi bja ka gosafelego, bjo bo sa fetego, gomme mmušo wa gagwe o tla...mmušo wa gagwe ke woo o ka se senywgo.*

<sup>170</sup> Go tla go Motala wa matšatši yo moriri wa gagwe o bego o le wo mošweu bjalo ka wulu. Gomme Johane o retologile gomme a bona yo mongwe moka Morwa wa motho a eme magareng ga dihlomakerese tše di šupago tša gauta, ka moriri wo mošweu leswele, Moahlodi! A se a gahla go rarela letheka, eupša a gahlide go rarela sefega, godimo mo, moahlodi! Ka setše ya moahlodi godimo ga legetla la Gagwe, O be a eme ka wa gauta, wa go seka, wo mokgethwa, wa go thakgwa, moketwana wo o bego o swere toko ya Gagwe. Seapešo sa Gagwe! O be a khupeditšwe tsela yohle go fihla maotong. Setšang ponagalo semenwagašupa ya motho wa Gagwe le letago.

<sup>171</sup> Bjale, ke a dumela, temana ya 14:

*Moriri wa Gagwe...hlogo ya Gagwe le moriri wa gagwe e be e le ye tšhweu bjalo ka boka wulu, ye tšhweu bjalo ka leswele; gomme mahlo a gagwe a be a le...di dikgabo tša mollo;*

<sup>172</sup> Hlogo, moriri; “mahlo a be a le boka dikgabo tša mollo.” Naganang ka yona! Mahlo a le gatee a kilego a tswalelwā ke megokgo ya setho, bjale a bile dikgabo tša mollo. Ka pefelo O eme kua bjalo ka moahlodi wa go befelwa. Gobaneng o Mo ganne? Oo, modiradibe, nagana ka yona! Nagana ka yona, moleloko yo bolelo wa kereke! Nagana ka yona, Katoliki,

Baptist, Presbyterian, Pentecostal! Nagana ka yona, Katoliki! Kgarebe ya lena Maria o ile a swanela go ya godimo go pentecost le go amogela Moya wo Mokgethwa, le go thekesela le go itshwara boka mosadi wa letagwa. Yena mme wa Kriste o ile a swanela go hwetša woo pele a be a ka dumelelwa go ya Legodimong. Lena basadi le ya go tsena bjang kua e ka ba eng go fetwa ke woo? Naganang ka yona, banna, yo mongwe le yo mongwe wa lena!

<sup>173</sup> Moriri wa Gagwe, le mahlo a gagwe gatee a kilego a tswalelwa ke megokgo ya setho, efela ke le nyaka le hlokomele se sengwe ka mahlo ao. Ge A be a sa le lefaseng nako yeo, a be a tswalelegile ka megokgo boka motho, gobane O llile mo lebitleng la Latsaro. Nnete! A tletše kwelobohloko; botho bja Gagwe. O be a apere, O be a le Modimo a apere botho, gore a tloše sebe. Eupša efela ka morago ga botho bjola, O be a ne se sengwe ka morago ga Gagwe se bego se kgona go lebelela thwi fase ka pelong ya motho le go tseba tšohle ka yena. Gobaneng? Go be go le se sengwe ka morago ga Gagwe, efela O be a aprere nama ya go hwa.

<sup>174</sup> Eupša ga se ba ke ba tseba e be a le mang. “Ge le sa dumele,” O rile, “gore Ke nna Yena, le tla hwela dibeng tša lena.” Yeo ke nnete. “Ge Ke sa dire mediro ya Tate wa Ka, gona le se ke la Ntumela; eupša ge Ke dira mediro ya Tate wa Ka, gona dumelang mediro ge le sa kgone go Ntumela.” Oo, ka fao A lekilego go fihliša Molaetša go bona, kutollo. O be a kgona go lebelela thwi tlase ka pelong ya monna, a tseba tšohle ka yena. Ka fao ke naganago ka ao: Mahlo ale a kilego a phuleletša godimo ga dithaba, a lebeletše ka sefahlegong sa mahloko, gomme a kgona go lla boka motho, eupša efela o kgona go tše Moya wa Modimo ka morago ga pono yela ya setho fale gomme a bona dilo tšohle; dilo tše di bego di le gona, dilo tše di bilego—di bilego, le dilo tše di tlogo tla. A bolelelapelle mafelelo go tloga mathomong, ke ka gobane Modimo o be a le ka morago ga wona mahlo a motho. Dumelela Modimo go tla ka bophelong bja gago le go go laola, gomme O tla go laetša dilo tše di tlago. Gobane ga e sa le wena gape, ke Moya wo Mokgethwa ka bophelong bja gago morago kua o lebeletše ka mahlo a go hwa go topa dilo.

<sup>175</sup> Oo, letago go Modimo! “Ke tla tšollela ntle Moya wa Ka godimo ga nama yohle, gomme barwa le barwedi ba lena ba tla profeta, masogana a lena a tla bona dipono, bakgalabje ba lena ba tla lora ditoro.” Haleluya! Dinako tše dingwe O swanetše go go robatša gore A kgone go go puruputša, eupša ka nnete O tla go bontšha makga a mantši. “Masogana a lena a tla bona dipono, bakgalabje ba lena ba tla lora ditoro; godimo ga methepanabathuši ba Ka le methepanabadiredi Ke tla tšollela Moya wa Ka.” E sego, “Godimo ga matikone le badiša ba Ka, le godimo ga ba Ka . . .” “Godimo ga mang kapa mang a ratago, godimo ga nama yohle, Ke tla tšollela Moya wa Ka.” Le makala

gobaneng ke goelela yeo ntle, eupša e tla ka go mabaka a a kereke.

<sup>176</sup> Oo, O be a le fao, mahlo ale. Gomme, elelwang, letšatši le lengwe, mahlo ale a bego a timilwe ke megokgo, mahlo ao a tla ema ka kahlolong. Bjale a bjalo ka dikgabo tša mollo a kitimela pele le morago go kgabola lefase ka moka, gomme ga go selo se diregago eupša se A se tsebago. Oo, nna, se gatišitšwe. A kitimela pele le morago go kgabola lefase a šeditše mosepelo wo mongwe le wo mongwe, a bona kgopolo ye nngwe le ye nngwe, o tseba se sengwe le se sengwe o se dirago, maikaelelo a pelo, se o ikaelegago go se dira. O tseba tšohle ka sona. O a tseba ge eba o a Mo rata. O a tseba ge eba maikaelelo a gago a lokile, go Mo direla. O tseba tšohle ka wona. Gomme e tla ba eng ge o eme ka letšatši lela ge sebe se sengwe le se sengwe se ponoka pele ga Gagwe, gomme A eme kua mo Teroneng ye Tšhweu ya Kahlolo?

<sup>177</sup> Modimo, ntlhakodiše go tšwa go lefelo lela! Ga ke nyake go bona leo. Ge Modimo yo a befedisitšwego a sepela go tšwa fao ka mollo o pekenya go tšwa mahlong a Gagwe, ka toko, wiki ye tšhweu godimo ga hlogo ya Gagwe ka mokgwa woo, gomme mahlo a Gagwe a pekenya ka mollo ao a tsebago dikgopolo tše dingwe le tše dingwe tša pelo ya gago, le se sengwe le se sengwe o kilego wa ikaelega go se dira. Nkute godimo ka go Leswika la Mehleng le fatoletšwego nna! Moisa wa go tšofala o be a tlwaetše go opela, “Ge lefase le lohle le eswa, ema hleng ga ka. Ema hleng ga ka, gomme o dire sefega sa Gago e be mosamelo wa ka. Mphihle godimo ka go Leswika la Mehleng.” Modimo, ga ke nyake kahlolo ya Gago. Ga ke nyake ya Gago . . . Se ke se nyakago ke kgaogelo ya Gago, Morena. Mphe kgaogelo ya Gago, e sego toka ya Toko ya Gago. E no mpha kgaogelo ya Gago. E sego melao ya Gago, e sego e ka ba eng . . . E no mpha kgaogelo, Morena, yeo ke yohle ke kgonago go e kgopela. Ga ke tliše selo ka matsogong a ka (Ga se ka loka, ga go lebaka), feela gabonolo ke kgomarela sefapanong sa Gago. Morena, seo ke sohle ke se tsebago: Mongwe o tla go tšea lefelo la ka.

<sup>178</sup> Šetšang bomotho bja Gagwe bomenwagašupa bjale bja motho wa Gagwe, gomme le tla bona se A se dirilego.

*Hlogo ya Gagwe . . . e be e le ye tšhweu bjalo ka leswele; boka wulu, moriri wo mošweu; gomme mahlo a gagwe a be a le bjalo ka . . . (a re boneng) . . . hlogo ya Gagwe . . . e be e le ye tšhweu boka . . . leswele; gomme mahlo a gagwe a be a le . . . dikgabo tša mollo;*

*Gomme maoto a gagwe a be a le boka . . . mphiri wo mokaone, bjalo ka ge e ke o fišitšwe ka ontong;*

<sup>179</sup> Šetšang bjale. Re sa tšo lemoga moo A khupeditšwego, le a tseba. Bjale šetšang. Hlogo ya Gagwe, mahlo a Gagwe, bjale O ya tlase go maoto a Gagwe boka mphiri. Šetšang phapano go

seswantšho sela kua seo Johane a se bonego sa Jesu, le se Daniele a se bonego sa mmušo wa lefase, hlogo ya gauta le go ya pele.

<sup>180</sup> Lebelelang se se bego se le mo, se eme kua, mphiri. Mphiri o bolela ka eng? Mphiri o bolela ka kahlolo, kahlolo Kgethwa. O laetša gore morero wa Gagwe wa go tlala o tla mo godimo ga lefase bjalo ka Modimo, go dirwa nama, gomme O re hwetše le go tsea dikahlolo tsa Modimo, kahlolo Kgethwa, gomme re amogetše Mmušo wo o lego mphiri, le go kgwahla, gomme o ka se kgone go šuthišwa. Ga go selo se sethatathata go feta mphiri, gomme go ka se tsoge gwa hwetšwa selo gabjale se ka o ngakangakago.

<sup>181</sup> Kahlolo! Mphiri o bolela ka kahlolo Kgethwa e fetišitšwego. Lebelelang sephente ya mphiri ka lešokeng. Sephente yela ya mphiri e be e emela eng? Sephente e be e emela sebe; eupša go beng mphiri, kahlolo e be šetše e fetišitšwe godimo ga sebe.

<sup>182</sup> Bjale, hlokamelang gape ka matšatšing a Eliya, ge ba ganne Eliya bjalo ka moprofeta, hlale ye nnnyane yela, lebaka la kereke la bogologolo. Le lengwe la matšatši a ke tla tliša godimo le go le laetša gore Israele e bile le mabaka a kereke ao a šupago, le yona, gomme a kailwe tlwa le a. Gomme ka lebaka la kereke la bona, ka matšatšing a Eliya, ba mo ganne gomme go ne mengwaga ye meraro le dikgwedi tše di selelago fao go be go se pula. Gomme moprofeta wa bogologolo o boletše gore “mafaufau a lebegile boka mphiri,” Kahlolo Kgethwa godimo ga ditšhaba bakeng sa go gana Modimo le go theetša Isebele.

<sup>183</sup> Mphiri gape o emela kahlolo Kgethwa mo aletareng moo sehlabelo se bego se bolawa, aletara ya go fiša. Bolawa... Yona metheo e be e le mphiri, kahlolo, O gataka bofohlelamorara bja kgalefo ya Modimo le go tseela kahlolo ya rena godimo ga Gagwe. Phetlang go Kutollo 19:15, motsotso feela, a re boneng se A se dirilego. Kutollo 19:15, a re baleng nakwana feela ge nka kgona go e hwetša. Ya, a re thomeng e ka ba... a re boneng, e ka ba temana ya 12:

*Mahlo a Gagwe a be a le... di dikgabo tsa mollo,  
gomme hlogong ya gagwe go be go le mphaphahlogo,  
mefaphahlogo ye mentši; gomme o bile le leina le  
ngwadilwe, leo go sego motho a bego a le tseba, eupša...  
yenamong.*

*Gomme o be a apere ko kobo ye e inetšwego ka mading:  
gomme leina la gagwe o be a bitšwa Lona Lentšu la  
Modimo. (Bjale, elelwang, Leina la Gagwe e be e se  
Lentšu la Modimo, Leina la Gagwe le be le bitšwa leo. Le  
a bona?)... leina la gagwe le be le bitšwa Lona Lentšu  
la Modimo.*

*Gomme madira... a legodimo... madira ao a bego a  
le legodimong a be a mo latela godimo ga dipere tše*

*ditšweu, a apere mašela a makaone, a mašweu le go hlweka.*

*Gomme molomong wa gagwe go tšwa tšoša ye bogale, gore ka yona o swanetše go otla ditšhaba: gomme o tla di buša ka molamo wa tshipi: gomme o tla gatakela . . . (Ke eng yeo?) . . . gatakela bofohlelamorara bja kgalefo ya bogale bja Ramaatlakamoka Modimo.*

<sup>184</sup> O dirile eng? Bogale bja Modimo bo be bo le godimo ga rena bakeng sa go ba badiradibe. A yeo ke nnete? Ga go yo a kgonnego go iphološa yenamong. Ga go selo re bego re ka kgonna go se dira, bohole re “Tswaletšwe sebeng, re kgoloketšwe bokgopong, ra tla lefaseng re bolela maaka.” Gomme O dirile eng? O tlie lefaseng, Haleluya, a gatakela bofohlelamorara! Bogale bjohle bja Ramaatlakamoka Modimo bo tšholletšwe ntle godimo ga Gagwe. “Wena o ne maswanedi, O Kwana ya Modimo, gobane O hlabilwe.” O tšeetše dibe tša rena godimo ga Gagwe, gomme O rwele sebe sa rena, gore Modimo o tšholletše ntle kgalefo ya bogale bja Gagwe godimo ga Gagwe. “Gomme O gobaditšwe bakeng sa dikarogo tša rena, o tlapirigantšwe ka baka la bokgopo bja rena, kotlo ya khutšo ya rena godimo ga Gagwe, gomme ka megogoma ya Gagwe re fodišitšwe.” Ga go monna a tsogilego a hwa boka Monna yola! O tlaišegile go fihla madi le meetse di arogana ka mmeleng wa Gagwe. Gomme marothi a madi a rothetše ntle go tšwa go dintšhi tša Gagwe pele ga lehu la Gagwe.

*. . . bofohlelamorara bja . . . bogale . . . bja kgalefo . . . ya Ramaatlakamoka Modimo.*

<sup>185</sup> Letšatšing lengwe maoto ale a mphiri a toka (Letago!), ge A etla bjalo ka moahlodi, O tla gatakela molwalekriste, le madira ohle a Gagwe. Haleluya! O tla sepela go kgabola lefase ka molamo wa tshipi ka seatleng sa Gagwe. Amene! Oo, sokologa, mogwera modiradibe, ge o sa na le sebaka go sokologa. Leka, go e tloša le go nagana e no ba kanegelo ye nnyane ye e ka se diregego. E tla direga! “E no ba gore ga se e kgone go direga go nna.” E tla direga go wena!

<sup>186</sup> Maoto a mphiri, a gatakela manaba a Gagwe fase. Gobane O tlaišegile le go gatakela ntle bofohlelo bja kgalefo ya Modimo go lefela dibe tša rena. Gomme ka gona rena, tša molato, tša go šokiša, diboko tša go nyamiša bjalo ka ge re le, re šonya nko ya rena ye nnyane le go bala mohuta tsoko wa puku ya boganamodimo le go leka go nagana “ga go Modimo,” le gore “ga go selo boka se, gomme kahlolo e ka se tle.” O tla tšeа maoto a le a mphiri gomme a šilaganya lenaba la Gagwe. O tla putla godimo ga molwalekriste. O tla tšeа dikereke tšela tša bokgelogi gomme a di fošetša ka go Bokagosafelego mošola, felotsoko ka go mollo wo o jago mo a tla lewago le go felela. Gomme O tla buša lefaseng, Yena le Kereke ya Gagwe go ya go ile. Letago!

<sup>187</sup> “Hlogo, ye bjalo ka wulu,” toko, boitemogelo, bothakga, go lekanelo, bohlale. Bogolo, bošweu, bo bolela ka bohlale, bokgale. O tseba se A se dirago. Yena ke—Yena ke Mothopo wa bohlale. Yena ke Mothopo wa boitemogelo. Yena ke Mothopo wa selo se sengwe le se sengwe sa go loka, kagona Yena o emelwa ka go yo motee yo moka Morwa wa motho, o be a apere moriri wo wo mošweu wo o lekeletšego fase. Daniele o Mmone mengwaga ye makgolo a mantši, mengwaga ye makgološupa, gomme o rile, “O be a le Motala wa matšatši. Gomme yo mongwe moka Morwa wa motho o tlie ka maatla gomme a kopana le Motala yo wa matšatši, gomme kahlolo ya bewa.”

<sup>188</sup> Bjale ke nyaka go no le botšiša se sengwe. Ke bolela le lena kereke ye bolelo. Dikgarebe di ile ntlo go gahlanetša Morena, tše tlhano tša tšona di be di le bohlale, tše tlhano ditlaela; bjalo ka ge re tšere mosong wo, mohlare wa go hlomesetšwa. Bjale, elelwang, ge ba ile ntlo go gahlanetša Modimo... Bjale šetšang, Beibele e rile, “Dipuku di ile tša bulwa.” Daniele 7:9, “Dipuku di ile tša bulwa.” Yeo ke puku ya modiradibe. “Gomme puku ye nngwe e ile ya bulwa.” Ke mang a tlidego le Yena? Kereke go tšwa Tlhatlogong. Oo! “Ba dikete tše lesome atiša ka dikete atiša ka dikete tše dikete ba tlie le Yena gomme ba Mo direla,” Mosadimogatša wa Gagwe, Monyalwa. Oo, letago! Mosadimogatša wa Gagwe o tlie le Yena, Kereke.

<sup>189</sup> Kahlolo e ile ya bewa, gomme dipuku tša bulwa. Gomme puku ye nngwe ya bulwa, e bego e le kgarebe ye e robetšego, gomme motho yo mongwe le yo mongwe a ahlolwa bjalo go tšwa pukung. O tla kgopelwa go fa lebaka gobaneng o se wa dira, gomme ka gona eng nako ye? O tseba bokaone bjale, o tseba bokaone. O ka no be o be o sa E tsebe pele, eupša o a dira bjale. Le a bona? Moo ge moloki yo a tla phologa ka mahlatse, modiradibe le motho mohlokamodimo ba tla tšwelela kae? Yo motee yo a ganago, o tseba bokaone gomme kagona a Le gana. Ba tla tšwelela kae? Maoto a Gagwe boka mphiri, kahlolo Kgethwa.

<sup>190</sup> Bjale, a re boneng, ka pejana re tla... tlase go mafelelo a letlakala bjale:

... moriri boka wulu, ... gomme mahlo a gagwe a be a  
le... dikgabo tša mollo;

Gomme maoto a gagwe boka—maoto boka...  
mphiri, ... o fišitšwe ka ontong; gomme segalontšu sa  
gagwe... modumo wa meetse a mantši.

<sup>191</sup> “Segalontšu sa meetse a mantši.” Meetse a emela eng? Ge le nyaka go e maraka fase, phetlang Kutollo 17:15, gomme le tla hwetša gore Beibele e rile, “Meetse ao o a bonego ke matshwetshwete, le mašabašaba, le batho, le maleme.” Go lokile, “Segalontšu.” A selo sa go šiiša go soulo ya go phaphamala godimo ga lewatle la bophelo! Go go mosesiši go mo hlahla, o hlephile, o phaphamala le diphulawatle, go kwa mororo wa

diphororokgolo tše kgolo, diphororo. A selo sa go šiiša se tla bago go soulo ya go phaphamala. "Segalontšu sa meetse a mantši." Segalontšu sa Gagwe ke eng? Ke kahlolo; segalontšu sa badiredi, ka Moya wo Mokgethwa, bao ba goeleditšego go batho ka go lebaka le lengwe le le lengwe, ba eme kua. Segalontšu sa meetse a mantši se goelela ntle, matshwetetshwete le mašabašaba. Segalontšu sa dinaledi tšela tše šupago ka seatleng sa Gagwe, go lebaka la kereke le lengwe le le lengwe, di rera kolobetšo ya Moya wo Mokgethwa, kolobetšo Leineng la Jesu, go bolela ka maleme, maatla a Modimo, tsogo ya Kriste, go Tla la Bobedi, kahlolo Kgethwa. Segalontšu sa meetse a mantši se tlide pele go tšwa go yena yo a bego a lebega boka Morwa wa motho, meetse a mantši.

<sup>192</sup> Go tla ba eng go tseba gore o dutše ka dikopanong le go kwa gore o swanetše go loka le Modimo le go amogela Moya wo Mokgethwa, gomme soulo ya go phaphamala go kwa segalontšu sela se bolela ntle ka go kopano yela o bego o dutše ka go yona, le go kwa dikahlolo tša Modimo di rerwa, gomme wa Le gana. Phororo ye kgolo e no ba ka fase ga gago, diphororokgolo tše kgolo tše di tla go išago go tshenyego ya gago ya Gosafelego.

<sup>193</sup> Segalontšu sa meetse a mantši, bomotho bja bone bja Gagwe. Segalontšu sa meetse a mantši. O ya go e dira bjang ge e gatišitšwe ka Letagong, ge segalontšu bosegong bjo se gatišwa? Segalontšu sa gago se a gatišwa. Dikgopolole tša gago di a gatišwa. "Bjalo ka ge motho a nagana ka pelong ya gagwe, o bjalo." Hlokomela, segalontšu sa gago se hlahlawetša thatathata Legodimong go feta ya gago... Ke ra gore, dikgopolole tša gago di hlahlawetša thatathata Legodimong go feta ka mo segalontšu sa gago se lego lefaseng. Nnete, ke sona. Modimo o tseba dikgopolole maikaelelo a pelo, O tseba tšohle ka yona.

<sup>194</sup> O rile go Mofarisei, "Lena baikaketši, le ka kgona bjang go bolela dilo tše dibotse, ge molomo o bolela botlalo bja go tšwa pelong? Le Mpitsa, 'Mong, wa go loka,' gomme Ke a tseba, Ke kgona go lebelela thwi go go phuleletša le go bona gore o moikaketši. Ga o re seo."

<sup>195</sup> Oo, seo e tla ba eng ka letšatši lela ge segalontšu sela se dumago tšwa go meetse a mantši, mabaka a kereke a mantši a bopa ntle?

<sup>196</sup> Bjale ke nyaka go le botšiša se sengwe gape. Anke ke bolele se sengwe go lena batho ba ba phološitšwego, anke ke bolele se go lena.

<sup>197</sup> Bjale, wena soulo ya go phaphamala, wena mophaphamadi wa go šokiša yo a phaphametšego godimo ga phororokgolo ye kgolo yela mošola, hlokomela. E tla ba selo sa go šiiša ge o tseba gore ga go ne go phologa bakeng sa gago nako yeo. O ka se kgone go phološwa nako yeo, o a tseba tshenyego ya gago e letše pele ga gago. Ge o tseba metsotsong e se mekae o tla kwa Segalontšu

sel a se bolela ntle, "Tlogang go Nna, lena badiri ba bokgopo, le yeng ka mollong wa gosafelego wo o lokišeditšwego diabolo le barongwa ba gagwe." Bohle le a tseba ge le ekwa diphororo tše kgolo tšela di rora ka digalontšu tša dikopano tšela, ge o feta go tšwa go le. Oo, a selo sa go šiiša, a sekatapowana! Le se e dumelele go direga go lena, batho. Sokologang, lokišang le Modimo bjale, ge le sa kgona go loka.

<sup>198</sup> Bjale ke nyaka go le botšiša se sengwe gape. Ke e ka ba eng se sebosebose go motho yo a kgwapareditšego, a robetše morago ka fase go mohlare wo motala phetelela, go kwa nokana ya go keleketla? Oo! Yeo ke Kereke e dutšego ka mafelong a magodimong le Segalontšu sa Modimo se keleketla gabosana le go bolela le bona nako yeo. Le bona se e lego sona? Ke kahlolo go modiradibe, le tšhegofatšo go mophološwa. Motho yo a kgwapareditšego seketswana sa gagwe ka polokego godimo ga Leswika Kriste Jesu, gomme o no robala le go theetša, o kgona go khutša bjang! O tsene ka khutšong yela.

<sup>199</sup> Ke rata bjang go ya mo meetse a kitimago. Ge re tsoge ra ya go thea dihlapi goba e ka ba eng, ka mehla ke leka go ikhweletša lefelo moo meetse a keleketlago, gobane a no go dira o khutše. O a kwa a no bolela bošego bjhole. Oo, nna!

<sup>200</sup> A ga go botse ge o kgona go kgwaparetša soulo ya gago ka go Kriste, ka go lefelo le lebjalo go fihla o kgona go homola pele ga Gagwe? Le go kwa Segalontšu sa Gagwe se bolela le wena, "Ke nna Morena yo a go fodišago. Ke nna Morena yo a go fago Bophelo bjo Bosafelego. Ke a go rata. Ke go tsebile pele ga motheo wa lefase. Ke beile leina la gago godimo ga Puku, wena o wa Ka. Se boife, ke Nna. O se ke wa boifa, Ke na le wena." Gona ke a opela:

Ke kgwapareditše soulo ya ka ka lefelong la go  
khutša,  
Nka se sa sesa mawatle a mabelete gape;  
Ledimo le ka no swiela godimo ga bja lebelete,  
botebo bja madimo;  
Eupša ka go Jesu ke bolokegile go ya go ile.

<sup>201</sup> Elelwang, sona Segalontšu se se bolelago bose go wena, se tla ahlola modiradibe. Wona mafula a a phološitšego Noage, a fedišitše modiradibe. Le bona se ke se rago? Segalontšu sa meetse a mantši.

<sup>202</sup> Šetšang bjale, "Moriri boka wulu, le mahlo boka dikgabo tša mollo, maoto boka mphiri, le segalontšu sa meetse a mantši."

*Gomme o be a swere dinaledi tše di šupago ka seatleng  
sa gagwe:...*

<sup>203</sup> "Dinaledi tše di šupago." Bjale a re tšeeng temana ya 20 thwi fa:

*Gomme sephiri sa dinaledi tše di šupago tše o di bonego ka seatleng sa ka se setona, le dihlomakerese tše di šupago tša gauta. Dinaledi tše di šupago ke barongwa ba ba šupago (goba batseta ba ba šupago, badiredi ba ba šupago) ba dikereke tše di šupago: gomme dihlomakerese tše di šupago tše o di bonego ke dikereke tše di šupago.*

<sup>204</sup> O mo hlatholletše yona gore go be nnete go se be phošo. Morongwa bakeng sa lebaka la kerekere le lengwe le le lengwe. Oo, seo e ya go ba se sebotse, beke ye, ge re eya morago mošola ka go histori le go topa bona barongwa le go bona bjona bodiredi ba bilego le bjona. Ba bile le bodiredi bja go swana. Go swana tlwa gohle go theoga go kgabola lebaka ka go Kerekere ye nnyane yela.

<sup>205</sup> Nako ye nngwe ya go feta, yo mongwe o rile, “O a tseba, kerekere ya Katoliki, go na le polelo ye botse, gore, ‘Ke kerekere ya kgonthe gobane e eme gohle go theoga go kgabola mabaka.’”

<sup>206</sup> Ke rile, “Seo ga se sephiri, ge e bile le mmušo ohle le se sengwe le se sengwe gape morago ga yona, le ka fao e emego le go phaya madimo. Eupša sephiri go nna ke ka fao ye nnyane yela ya nthathana go se be bontši e kilego ya phaya ledimo, bao ba segilwego go phaphologanywa, le go lahlelwa ka ditaung, le go bewa godimo ga maako, le go ja, le go fišwa, le ke ditau... le go bolawa le se sengwe le se sengwe gape, le ka fao ba e phonyokgilego.” Go laetša gore seatla sa Modimo se be se na le bona. Yeo ke phetho. Gomme le lehono Seetša sa gagwe se sa tuka. Amene! Ee, mohlomphegi!

<sup>207</sup> Bjale, “Dinaledi tše di šupago tše di bego di le ka seatleng sa Ka se setona.” O be a swere dinaledi tše di šupago ka seatleng sa Gagwe se setona, di rago badiredi ba ba šupago ba mabaka a a šupago. Oo, ke—ke mo gobotse. Ka fao re yago morago le go hwetša mo—mo modiredi yo a tlišitšego Molaetša go kerekere ya Efeso. Le modiredi yo a tlišitšego Molaetša le go O swara go fihla lehung, thwi go theogo go ya go kerekere ya Simirina, le go kerekere ya Peregamo, Thiathira, le go ya pele go theoga go kgabola lebaka, ebole go tla ka go lebaka le la bjale. Badiredi ba ba bolokilego le go tliša Seetša, le go Se swara morago boka sa setlogo mathomong, le go tliša Seetša ka yena.

<sup>208</sup> “O be a di swere ka seatleng se setona sa Gagwe.” Nagana! Seatla se setona ga se re tlwa boka Kriste a dutše ka seatleng se setona sa Modimo. Ga go re gore Modimo o na le seatla se setona, gobane Modimo ke Moya. Eupša Kriste o be a le maatla a seatla se setona. Monna wa seatlasetona sa gago, moisa—moisa o go ema nokeng, kgauswiuswi le wena.

<sup>209</sup> Gomme, elelwang, dinaledi tše di šupago di be di le ka seatleng sa Gagwe se setona. E no nagana, di be di goga kharente ya tšona, Seetša sa tšona go tšwa go Yena. Di be di le ka fase ga taolo ya Gagwe ka go felela, ka seatleng se setona sa Gagwe. Oo!

Modiredi yo mongwe le yo mongwe wa therešo wa Modimo o ka tsela ya go swana. Di swerwe ka go . . . Ke mang a ka di kwešago bohloko? Ke mang a ka di kwešago bohloko? Bjalo ka ge yo mongwe wa barongwa a gooleditše morago kua ka mathomong. Elelwang *morongwa* o ra “motseta.” Re tsena ka go dilo tšeotša teba moragorago mo bekeng. *Morongwa* o ra “motseta.” Gomme o rile, “Ke eng e ka kgona go re aroganya le lerato la Modimo le le lego ka go Kriste? A bolwetši bo ka kgona? A tlaišo e ka kgona? A tlhobolo e ka kgona? A tšhoša e ka kgona? A lehu le ka kgona? Nna ke kgodile” go boletše Paulo, “gore ga se gona se ka kgona go re aroganya le lerato la Modimo le le lego ka go Kriste,” gobane re ineetše ka gofelela go seatla se setona sa Gagwe.

<sup>210</sup> Yo mongwe o re, “Mopshikologimokgethwa! Mopshikologimokgethwa!” Seo ga se ba tshwenye nthathana. “O lehlanya la bodumedi!” Ebile ga ba e kwe. Ba ineetše ka gofelela le go goga Bophelo go tšwa go letsogo le letona la Gagwe la maatla, ba bonagatša Seetša sa Gagwe ka bonolo, le botho, le bolete, le kgotlelelo; maswao, le matete, le mehlolo. Anke lefase le Le bitše “boloi,” e ka ba eng ba nyakago go, ga e re dire phapano, gobane re a tseba re ineetše gomme ka go seatla se setona sa Gagwe. A seo ga se makatše? Nna!

<sup>211</sup> Bjale a re hlaganeleng, gobane ga re nyake go le lapiša. “Ka seatleng se setona sa Gagwe, dinaledi tše di šupago.”

<sup>212</sup> Bjale ya bošupa le ya mafelelo kemedi ya motho wa Gagwe:

. . . *gomme molomong wa gagwe go tšwa tšhoša ye bogale ya magalemabedi: . . .*

Ke be ke era, yeo ke ya boseleta.

. . . *molomong wa gagwe go tšwa tšhoša ye bogale ya magalemabedi: . . .*

<sup>213</sup> Bjale, Segalontšu sa meetse a mantši, gomme molomong wa Gagwe . . . Ka seatleng se setona sa Gagwe O be a swere dinaledi.

. . . *gomme molomong wa gagwe go tšwa tšhoša ye bogale ya magalemabedi: . . .*

<sup>214</sup> Bjale, a le a tseba gore tšhoša ye bogale ya magalemabedi ya Beibele ke eng? A re nong go e swara gore le tsebe. Tšeang Bahebère 4:2, feela thwi moragorago letlakala feela goba a mabedi gomme le tla e hwetša, le a bona. Bahebère e no ba ka morago ga Kutollo mo; Juda, gomme morago Bahebère. Bjale, e hwetšeng kgauswi bjale. Goba . . . Bahebère, tema ya 4 ya Bahebère, ke rena mo. Go lokile, Bahebère tema ya 4 gomme temana ya 12:

*Gobane lentšu la Modimo le a phela, gomme le maatla kudu, gomme le bogalegale go feta tšhoša e ka ba efe ya magelemabedi, le phuleletša ebile le go aroganya so*

*suolo le mo moyo, le malokollo le mo moko, gomme ke mohlathi wa dikgopololo le maikaelelo a pelo.*

- <sup>215</sup> Gomme ka gona ba go bitša “sebalamonagano.” Ke Lentšu la Modimo le dirilwe go bonagala ka Kerekeng ya Gagwe! Bogalegale go feta tšoša e ka be efe ya magalemabedi. Ere eba nno direga go naganaka sengwe se sengwe fao. Ga ke tsebe ge eba ke ngwadile Lengw... Hwetšang Kutollo 19, motsotsotso feela. A re hwetšeng ye gape, ke a nagana yeo ke nnete. Mohlomongwe ke... Kutollo 19, e ka ba 11:

*Gomme ka bona magodimo a bulegile, gomme bonang pere ye tšhweu; ... (Mo go tla pere ye tšhweu gape, kahlolo.) ... gomme yo a bego dutše godimo ga yona o be a bitšwa Mmotegi le Therešo, gomme ka toko o dira... kahlolo le go dira ntwa. (Le a tseba yoo e be e le mang, a ga le? Go lokile.)*

*Mahlo a Gagwe a be a le... di dikgabo tša mollo,... (E be e le mang Yena?) ... gomme godimo ga hlogo ya gagwe go be go le... mefaphahlogo; ... (Uh-oo. O šetše a tlide mošono ka mmušong bjale.) ... gomme o be a ne... gomme—gomme o be a ne leina le ngwadilwe, le go sego motho yo a bego a le tseba, eupša... yenamong.*

*Gomme o be a apere seaparo se se bego se inetšwe ka mading: gomme leina la gagwe a bitšwa Lentšu la Modimo.*

- <sup>216</sup> Molomong wa Gagwe go be go etšwa eng? Go be o etšwa eng? Monamedi wa pere ye tšhweu. Gomme Kutollo, gape, 7, ge... Ke a dumela 8. Ge pere ye tšhweu... aowa, ke 6. Ge monamedi wa pere ye tšhweu a ile pele, O ile a fiwa bo-bo bora, go fenya le go fenya.

- <sup>217</sup> Gomme tšoša e tšwele molomong wa Gagwe. O be a le eng? Monamedi wa pere ye tšhweu wa Kutollo. Hlokamelang tšoša. “Molomong wa Gagwe go tšwa tšoša ye bogale ya magalemabedi,” Lentšu. Gomme, mafelelong, ka Lentšu la Gagwe, ge Le dirwa go bonagala go barwa ba Modimo bohole, O tla gatakela setšhaba se sengwe le se sengwe ka Lentšu la Gagwe, ka tšoša ye bogale ye. Lebelelang mo se se diregilego, ge re e hwetša:

*Gomme... seatla se setona sa gagwe... gomme molomong wa gagwe go tšwele tšoša ye bogale ya magalemabedi: gomme sefahlego sa gagwe se be se le boka letšatši le le phadimago ka maatleng a lona.*

- <sup>218</sup> “Tšoša ye bogale ya magalemabedi.” Go be go etšwa eng molomong wa motho yo? Lentšu la Modimo. Ke tšoša ye bogale ya magalemabedi. E be e dira eng? E hlatha dikgopololo tša pelo, maikaelelo; e ya ebile botebotebo go feta nama, nama, dissele tša madi, go ya ka lerapong, fase ka mokong wa lerapo, go namelela

mošola ga woo, ebile go hlatha dikgopolole maikaelelo a pelo. Seo ke se Lentšu la Modimo le se dirago.

<sup>219</sup> “Gomme Lentšu la dirwa nama le go dula magareng ga rena.” Gomme bjale Lentšu le dirilwe nama ka Kerekeng ya Gagwe, le dula magareng ga rena. Barongwa ba Gagwe ka seatleng sa Gagwe, ba a direla. Modimo o botile Kereke ya Gagwe. Modimo o tshepetše go rena ba lebaka le go tlisa Seetša se sa Ebangedi go le le hwago, la go tlengwa ke bohetene, lefase la metlwae. Modimo o beile morwalo godimo ga ka le wena. Madimabe go rena ge bahetene ba ehwa ntle le go tseba. Oo, ba rwele go bala, go ngwala, le dipalo, le maphephana a se makae a bodumedi, gomme ba dirile go se fete seholopha sa basokologi. Ke ra Ebangedi! Ebangedi ga e ka Lentšu feela. Paulo o boletše bjalo. Paulo o rile, “Ebangedi ga se ya tla go rena ka Lentšu feela, eupša Lentšu leo le dirilwe go bonagala.” Ge Lentšu, ka Moya wo Mokgethwa, le... Lentšu le bjalwa ka pelong ye e nago le Moya wo Mokgethwa gomme le tšweletše se Lentšu le rego Le tla dira. Gomme Lentšu le kgonna go hlatha dikgopolole tša pelo! Letago! Oo, nna! Oo! Mohlathi wa dikgopolole maikaelelo a pelo, Lentšu le a dira.

<sup>220</sup> Go tšwa molomong wa Gagwe, tšhoša ye bogale ya magalemabedi, go tsoša bahetene. Sengwe se swanetše go direga le lengwe la matšatsi a. Ee! Lentšu la Modimo, Leina la Gagwe e be e le Lentšu la Modimo, Lentšu le dirilwe go bonagala. Lebelelang, Jesu o rile, “Eyang ka lefaseng lohle,” Mareka 16, Salute ya Gagwe ya mafelelo go kereke pele A bawa go ikutolla Yenamong ka kerekeng. O romile Kereke, “Eyang ka lefaseng lohle gomme le rere Ebangedi go sebopiwa se sengwe le se sengwe.” Eng? Rerang Ebangedi. Mareka 16, “Rerang Ebangedi go sebopiwa se sengwe le se sengwe.” Ke eng yeo? Ka mantšu a mangwe, “bonagatšang maatla a Moya wo Mokgethwa,” go swanetše go ba.

<sup>221</sup> Bjale šetšang, “go se sengwe le se sengwe...” E sego go no ruta Lentšu; ga se A tsoge a re, “Eyang le rute Lentšu.” O rile, “Eyang le rere Ebangedi.” E sego rutang Lentšu, rerang Ebangedi. “Gomme maswao a ohle a tla latela bona ba ba dumelago Ebangedi ye; Leineng la Ka ba tla lelekela bodiabolo ntle, ba tla bolela ka maleme, Ge ba ka swara sephente goba ba nwa selo sa go bolaya se ka se ba gobatše; Ge ba Bea diatla go balwetši, ba tla welwa ke maruru.”

<sup>222</sup> “Gomme ba ile pele,” go boletše Lengwalo, “ba rera mogohle; Morena a ſoma le bona, a tiiſetša Lentšu ka mehlolo e latela.” Yeo ke Ebangedi, Ebangedi pealatšong.

<sup>223</sup> Maswao a a tla latela ba bakae? Go ya magomong a lefase, go lebaka le lengwe le le lengwe. Go ne go se be nene go gonnyane gola go tlago fase go kgabola, ba swere Seetša sela. Ga go makatše Jesu o rile, “Se boife, mohlape wo monnyane, ke thato

botse ya Tate go le fa Mmušo.” Mohlape wo monnyane; go se be nene ka mehla, e sego bontši.

<sup>224</sup> Go lokile, setsopolwa se tee gape. Gomme re tšere ya 20, kafao bjale a re boneng mo go temana ye. Bjale ya 16:

*Gomme o be a swere dinaledi tše di šupago ka seatleng  
sa gagwe se setona: . . .*

<sup>225</sup> Bjale a re tšeeng . . . gomme se . . . sefahlego sa Gagwe:

*. . . molomong wa gagwe go tšwa tšoša ye bogale ya  
magalemabedi: gomme sefahlego sa gagwe se be se le  
boka letšatši le le padimago ka maatleng a lona.*

<sup>226</sup> Ge o bula go . . . a re boneng, Mateo 17. A re nong go e hwetša thwi mo ge re sa le go yona; kafao re no feta go e kgabola, gomme bontši bja batho bale ba e tšeа, a re . . . goba go e ngwala fase, re tla no ba dira ba e bale gore ba tle ba tsebe.

<sup>227</sup> Mateo 17, go lokile:

*. . . ka morago ga matšatši a a selelago Jesu a tšeela  
Petro, Jakobo le Johane . . . ka go thaba ya godimo thoko,*

*Gomme a fetoga pele ga bona: gomme sefahlego sa  
gagwe sa phadima bjalo ka letšatši, gomme seaparo sa  
gagwe se be se le se sešweu bjalo ka seetša.*

<sup>228</sup> O ile a fetoga. O dirile eng? O iphetošeditše Yenamong ka go photogelo, mošola ka go letšatši le le tlagi la Gagwe. Bjale šetšang, feela diiri di se kae pele ga se, Jesu o dirile setsopolwa se morago mo ka go temana ya go latela, “Ruri Ke re go lena, gore ba bangwe ba eme mo . . .” Ke ba bakae ba tsebago se ke yago go se bolela? “Ba bangwe ba eme mo ba ka se fete, e sego go hwa, go fihla ba bona Morwa wa motho a etla ka Letago.” A yeo ke nnete? Gomme O tšere Petro, Jakobo le Johane, dihlatsi tše tharo, gobane ka go Testamente ya Kgale se sengwe le se sengwe, lentšu le lengwe le le lengwe le lennyane, le be le tiišetšwe ke dihlatsi tše tharo, gomme o ba tšeetše godimo ga thaba.

<sup>229</sup> Hlokamelang se se tliego pele. Oo, ke no se kgone go ema thwi mo, ke no ya go tsea ye. Lebelelang! Ke eng selo sa pele ba se bonego? Ba tšeetše Jesu godimo ga thaba . . . goba O ba tšeetše godimo, gomme A fetoga pele ga bona, a fetolwa. Gomme seaparo sa Gagwe sa phadima boka letšatši magareng ga maatla a lona, gomme go tšweletše Moshe le Eliya go Yena. Morwa wa motho o tla ka sebopego sefe bjale? Gomme sa pele, go tla tšwelelago, e tla ba Moshe le Eliya.

<sup>230</sup> Bjale, hlokamelang, pele Jesu a bowa lefaseng . . . Bjale, se se pele ga nako gannyane, eupša Moya wa Eliya o tla bowa morago lefaseng le go retollela dipelo tša bana morago go botate. Beibele e boletše bjalo. Jesu o mmone mo, baapostola ba mmone mo, lenaneo la go tla ga Morwa wa motho a tagafaditšwe. O swanetše go tagafatšwa le go tleng morago. Selo sa pele, ga ge ba Mmona, e bile eng? Eliya. Morago eng? Moshe; Israele go boeleng

mošola, babolokamolao. Gomme morago Morwa wa motho wa go tagafala. Haleluya! A le bona lenaneo la go tla ga Gagwe? Moya wa Eliya, goba hlatse ya lebaka la kereke la mafelelo. Le a bona go tla ka maatla go Mmonagatša.

<sup>231</sup> Nako yeo Bajuda ba dikete tše lekgolo masomenne nne ba kgobokana Thabeng ya Sinai moo Israele e bago setšhaba yonamong; setšhaba sa kgalekgale ka lefaseng, folaga ya kgalekgale ka lefaseng; e na le setšhaba sa bona beng, folaga ya bona beng, sešole sa bona beng, tšelete ya bona beng, le se sengwe le se sengwe gape. Ke bona ba bangwe ba maloko a liki ya ditšhaba gobane ke bona setšhaba. Jesu o rile ba ka se tsoge ba lahlwa go fihla dilo tšohle di phethagaditšwe.

<sup>232</sup> Sephiri sa ka mo sehlopha sela sa Bajuda, se tlaišitšwego mogohle, le go ganwa, le go rakelwa ntle le go lahlelwa ntle, boka Kereke go theoga go kgabola mabaka a a go ganwa, gomme efela Jesu o rile, “Ge mogo o thoma go khukhuša, setšhaba sela se thoma go ba setšhaba gape, nako e batametše, ebole mo mojako. Ruri Ke re go lena, moloko Wo o ka se ke wa feta go fihla dilo tše tšohle di phethagaditšwe.” Ngangego ye... Batho ba ba ka se fete. Hitler o lekile go ba bolaya, Mussolini o lekile go ba bolaya, Stalin o lekile go ba bolaya, yo mongwe le yo mongwe gape, eupša ba ka se tsoge ba bewa sepatso goba go fedišwa go tloga lefaseng, ba tla ba batho le setšhaba se se emego mošola. Amene!

<sup>233</sup> Go tla tla Moshe le Eliya. Oo! Ke a holofela le a e hwetša.

<sup>234</sup> Go lokile, “Letšatši le phadima ka maatleng a lona,” sefahlego sa Gagwe, se fetotšwe, se fetogile. Bjale selo se sengwe, ka go Kutollo 21:23, ge le nyaka go e bea fase. Ka go Jerusalema ye Mpsha, 21:23, Yena ke Kwana ye e lego ka Toropongkgolo, yeo e lego Seetsa sa yona, e phadimago; gobane ga ba hloke seetša ka Toropongkgolo yela, letšatši le ka se hlabe ka go yona, gobane Kwana ye e lego bogareng bja Toropokgolo e tla ba Seetsa sa yona. Gomme ditšhaba tše di pholositšwego di tla sepela ka Seetšeng sa Kwana! Amene! Yena ke Seetsa sa Kwana. Oo, a ga la thaba ka seo?

<sup>235</sup> E sego seo feela, eupša Yena gape ke, ka go tleng (Johane o Mmone ka go letšatši la Morena), Letšatši la toko. A re yeng go Maleaki. Maleaki, moprofeta wa mafelelo wa Testamente ya Kgale. Maleaki, tema ya 4.

<sup>236</sup> Ke na le kanegelo ye nnyane ka mosadimogatša yo bohlokwa wa ka a dutšego morago kua. Ke mo file nako ya makgwakgwa pele re nyalana, ke lekile go e lokiša ka morago ga ge re nyalane. Gomme ke be ke sa tsebe ge eba ke be ke nyaka go nyala gape goba aowa, kafao o ile a swaba. Gomme ke naganne o be a le mosetsana wa go loka kudu go no mo tlogela a ikele, a dumelele monna tsoko wa go loka yo a tla mo hlokamelago go mo nyala. Gomme ke naganne ebole ke be ke sa mo swanele; gomme ga ke, botho bja gagwe, go le bjalo. Kafao o be a swabile gohle gomme a

sa tsebe se a ka se dirago. Se e bile mengwaga ya go feta, e ka ba mengwaga ye masomepedi ya go feta. O ile a swaba kudu, o ile a thoma go lla mosegare le bošego. Gomme ke be ke leka go tloga go yena, e sego ka gobane ke be ke sa mo rate, gobane ke be ke sa nyake go tsea nako ya gagwe; gobane, go mo tlogela a hwetše yo mongwe, motho tsoko wa go loka, gobane ke mosetsana wa go loka kudu go no mo tlogela a ye ka mokgwa woo, gomme nna ke tsea . . . go no ya le yena le dilo boka tseo. Gomme nna ke—ke naganne o be a nthata, gomme ke tsebile ke be ke mo rata. Kafao nako yeo ka nagana, “Gabotse, ke tla leka go . . . Ke tla hwetše peelano le mosetsana tsoko yo mongwe le go ya ntle, le go mo dira a ikwele gampe ka nna.” Ke nyakile ke mmolai, ke e hloile gampe kudu morago ga fao; o ile a swaba gohle. Ke mmoditše, ke rile, “O mosetsana wa go loka kudu, ga ke—ke nyake go tsea nako ya gago ka mokgwa woo.”

<sup>237</sup> Gomme o rile, “Eupša ke—ke no go rata, Bill, gomme ke yo motee feela ke kgonago go mo rata.” O rile, “Ke—ke be ke go rata ka mehla.”

Ke rile, “Ke—ke leboga seo. Eupša,” ke rile, “o a tseba,” ke rile, “Ke nna modulanoši.” Ke rile, “Ke—ke ya go no phela boka modulanoši. O a bona, ga ke—ke ye go nyala le gatee.”

<sup>238</sup> Gomme o be a dutše bjalo godimo ga yona, le a tseba, moisa yo monnyane wa go šokiša. Gomme o ile ntle mo—mo mokutwaneng. Gomme o fihlide ntle kua, gomme a khunama fase ka matolo a gagwe, gomme a re, “Morena, ga ke tsebe ke dire eng. Ga ke—ke nyake go se Go obamele, gomme efela ke rata Bill, gomme ga ke tsebe ke dire eng. Morena, a O ka mpha khomotšo ye nnyane nthathana? A O ka no nthuša gannyane nthathana? Ga se nke ka tsoge ka Go kgopela se pele ka bophelong bja ka, Morena, gomme ke a holofela ga ke tsoge ka swanela go Go kgopela gape,” o rile, “eupša ge O ka no nthuša, le go ntumelela go bula Beibele ye, gomme Wena wa mpha Lengwalo. Ke kwele batho ba re O dirile seo.” Gomme ge a e butše, e be e le Maleaki 4:

*Bonang, Ke fa go . . . goba go roma go lena Eliya  
mopropeta pele ga lela—lela la go šiiša letšatši la  
MORENA:*

<sup>239</sup> O rile, “Ke emeletše go tloga fao gabotse ke nno kgotsofala gore re be re eya go nyalana bjalo ka e ka ba eng.” Le a bona?

*Gobane, bonang, letšatši le a tla, le le tla fišago bjalo  
ka obene; gomme baikgantšhi bohole, ya, . . . bohole bona  
ba dirago bobe, ba tla ba makobe: gomme letšatši le a tla  
le le tla ba fišago, go rialo MORANA wa mašaba, gomme  
le ka se ba šiele lekala le ge e le modu.*

*Eupša lena ba le boifago leina la ka . . . Letšatši (L-e-  
t-š-a-t-š-i) Letšatši la toko le tla hlaba ka phodišo ka  
diphegong tša lona; . . .*

<sup>240</sup> “Letšatši le phadima ka maatleng a gagwe.” Oo! Maatla a Morwa wa Modimo a phadima ka bogareng bja rena bošegong bjo. O eme magareng ga dihlomakerese tše di šupago tša gauta ka go bomotho bomenwagašupa bja Gagwe mo bjalo ka moahlodi. Bjalo ka Yo a tlaišegilego le go re hwela, le go tseela kahlolo Kgethwa godimo ga Gagwemong, gomme o gatakile bofohlelamorara, kgalefo ya Modimo. Go modiradibe Yena ke phororokgolo ya go šiiša, go tlemollela soulo ya gago godimo ga lewatle la bophelo. Gomme go Kereke, Mophološi yo bose, go kgwaparetšwa ka go khutšo, le go kwa go keleketa ga nokana ge o robetše le go khutša o kgotsofetše ka go phethagala ka go Kriste. A nako! Go phadimeng godimo ga rena ka mahlasedi a Gagwe a borutho, “Se boifeng, Ke nna Yo a bego a le gona, a lego gona, gomme a tla tlago. Ke Ramaatlakamoka, ka ntle ga Ka ga go yo mongwe. Ke nna Alefa le Omega, gomme Ke tla yo a nyorilwego methopo ya meetse a Bophelo mahala.” Oo, a tshepišo gomme a taba ya lerato e lego yona! Gomme Kwana bogareng bja Toropokgolo ye e sa hlokego seetša, gomme Yena ke Letšatši la toko le phodišo ka diphegong tša Gagwe.

Yena ke Lili ya Moeding, ya go Kganya le  
Naledi ya Moso,  
Yena ke yo mobotsebotse go ba dikete tše  
lesome go soulo ya ka.

Ka manyaming Yena ke khomotšo ya ka, ka  
bothateng Yena ke go dula ga ka,  
O mpotša go pshikološetša matshwenyego a  
mangwe le a mangwe godimo ga Gagwe.  
Haleluya!

Yena ke Lili ya Moeding, ya go Kganya le  
Naledi ya Moso,  
Yena ke yo mobotsebotse go ba dikete tše  
lesome go soulo ya ka.

<sup>241</sup> Ee, mohlomphegi! Oo, Naledi ya Moso ye kgolo yela ge e etla ntle go phadima, e dumediša letšatši le le tlago pele, e le hlalalela, e re, “Letšatši le lokišetša go hlabo, Letšatši le tla kgauswi,” gomme O ikgogela Yenamong go tšwa ka morago ga dinaledi tšohle tše dingwe (Oo, nna.) le phodišo ka diphegong tša Gagwe.

<sup>242</sup> Bjale morago go molaetsa. Gomme re a tswalela bjale, go ba komana bakeng sa gosasa bošego, gobane nako ke kotara go fihla go senyane, ga re nyake go ka swarelela e ka ba mang botelele kudu, feelsa gore re kgone go ba mo.

<sup>243</sup> Go lokile, Letšatši la toko le phodišo ka diphegong tša Gagwe. Bjale sefahlego sa Gagwe. O be a le moahlodi, goba selo se sengwe go laetša gore o be a le mošola ka go letšatši la Morena. A le dumela seo? O ile mošola ka go letšatši la Morena gomme o bone Morena bjalo ka moahlodi; e sego bjalo ka moprista, e sego bjalo ka kgoši, eupša bjalo ka moahlodi. Yena ke Moahlodi. Aga

le dumele seo? Beibele e re O be a le Moahlodi. Gomme mo O be a apere gohle bjalo ka Moahlodi, a laetša se A se dirilego; se A bego a le sona: se A bego a le sona go modiradibe, se A bego a le sona go Mokriste. Gomme šo O eme bjale ka segalontšu sa meetse a mantši, gomme sefahlego sa Gagwe se boka letšatši le le phadimago ka maatleng a lona.

<sup>244</sup> Bjale dipuelo, temana ya 16. “Gomme . . .” Aowa, ke kgopela tshwarelo ya lena, ke temana ya 17:

*Gomme ge ke mmone, ka wela maotong a gagwe bjalo ka mohu . . .*

<sup>245</sup> Nna! Moprefeta ga se a hlwe a kgona go ema gape, go bona pono ye bjalo. O nno—O nno nolega moko, gomme a wela fase thwi maotong a Gagwe bjalo ka mohu. Bjale šetšang:

*. . . Gomme a bea seatla sa gagwe se setona godimo ga ka, a re go nna, Se boife; Ke nna wa mathomo le mafelelo:*

<sup>246</sup> Oo, nna! E sego moprefeta, Modimo! “Ke nna wa mathomo le mafelelo. Ke nna wa mathomo a Kutollo, wa mafelelo a Kutollo. Ke nna Yo a bego a le gona, Ke nna Yo a lego gona, Ke nna Yo a tla tlago.” A re boneng:

*Ke nna . . . Ke . . .*

*. . . Gomme a bea seatla sa gagwe se setona godimo ga ka, a re go nna, Se boife; Ke nna wa mathomo le mafelelo:*

*Ke nna yo a phelago, gomme a bego a hwile; gomme, bona, Ke phela gape go ya go ile, (Gonabjale. Gomme nako yeo a goleša ntle:) Amene; gomme ke swere dikgonyo tša hele le . . . lehu.*

<sup>247</sup> Bjale, le se ke la tšhoga. Gobaneng re boifa? Gobaneng Kereke e šitwa ke go boloka la Gagwe . . . go nagana ka Lentšu la Gagwe? A re emeng mo motsotsa feela, gobane re a tswalela. Gobaneng Kereke ye ka mehla e ka boifa? Ke eng A kilego a se tshepiša seo A sego a se bonagatša pele ga ren? Gobaneng le ka boifa kotlo goba ka morago ga mo? “Le se ke la boifa! Ke nna A bego a le gona, Yo a lego gona, gomme a tla tlago. Ke nna wa mathomo le mafelelo. Ke swere dikgonyo tša hele le lehu thwi mo.” Gobaneng? “Ke fentše le go fenza bobedi hele le lehu (Tšeо ke bobedi lebitla le bodulabahu yonamong; lehu lonamong, bodulabahu yonamong.) bakeng sa lena. Ke e fentše yohle. Ke fentše hele, lehu, lebitla.” Ge A be a le lefaseng, O be a le feela yo mogo- . . .

<sup>248</sup> Banna ba bantši ba beakantsé go fenza. A le be le tseba seo? Napoleon o beakantsé ntle go fenza lefase, gomme o dirile mo mengwageng ye masometharo tharo. Mo mengwageng ye lesomešupa go ya go masomapedi tlhano, Napoleon o be a le moiletši, o be a sa dumelele go nweng goba e ka eng. O ile Fora.

O be a se Mofora, o be a etšwa sehlakahlakeng, o ile mošola go dira gola re lekane le Fora gobane o be a sa e rate, o be a sa rate Fora. Eupša o ile a fenngwa. Gomme o ile pele gomme a fenza Fora, gomme a tsea wona Mafora gomme a fenza lefase. Gomme mengwageng ye masometharo tharo a dula fase gomme a lla gobane go be go se yo mongwe gape go mo fenza, gomme o hwile e le segatamorokwana. A fenngwa, o be a bile a sa kgone go iphenya yenamong. Le a bona? Gomme nako yeo o kopane le waterloo ya gagwe ka Waterloo, o kopane le bofelo bja gagwe ka Waterloo. Ke bile ntle kua gomme ke bone maswao a kgale a bogologolo a digopotšo le dilo ntle kua, ge re be re le ka nageng. Bjale, re tsea mofenyi yola, o thomile bjalo ka lesogana gomme o tsere lehlakore la go fošagala go fenza, gomme o ile, kgobogo.

<sup>249</sup> Eupša go bile Lesogana le lengwe la tla lefaseng nako ye nngwe. O hwile ka masometharo tharo gomme O fentše se sengwe le se sengwe se ka kgonago go fenngwa. Ge A be a le lefaseng o fentše dikgahlego, boikgantšho, O fentše bolwetši, O fentše bodiabolo. Ge A hwile, O fentše lehu. Ge A tsogile, O fentše hele. O ile godimo ka gare gomme a fenza se sengwe le se sengwe seo se bego se le kgahlanong le motho, se ile ka go bofohlelamorara bja Modimo le go se šilaganya fase le go fenza lehu, hele, lebitla, bolwetši, difomalithi, se sengwe le se sengwe gape, le go se fenza sohle, le go tsoga ka letšatši la boraro le go fenza mafaufau ohle godimo, le go kgaola mouwane wola gare ga Modimo le motho, le go kgomaganya Legodimo le lefase mmogo. Letago! Oo, nna! Fše!

<sup>250</sup> Šole O eme Mofenyi yo Maatla ge e sa le a kgeila seširo ka bobedi, šole Yena. O swere dikgonyo tša bobedi lehu le hele di lekeletše lehlakoreng la Ka, “Se boifeng.” O beile seatla se setona sa Gagwe (maatla a Gagwe) godimo ga gagwe, le go mo phagamišetša godimo ka maatla a seatla se setona sa Gagwe, a re, “Se boife, Ke nna Yo a bego a le gona, le Yo a lego gona, gomme a tla tlago. Ke nna wa mathomo le mafelelo. Ke nna Yo a bego a phela, gomme a hwilego, gomme o phela gape go ya go ile. Amene!” Oo!

Lebelelang! Bonang mofenyi yo mogolo yo  
maatla,  
Lebelelang! Mmone ponagalang ya  
pepeneneng,  
Šole O eme, mofenyi yo maatla,  
E sa le A kgeila seširo ka bobedi.

<sup>251</sup> Amene! O kgaotše sešitiši se sengwe le se sengwe go tloga go batho, gore ba ke ba kgone go kgokagana boka ka serapeng sa Edene. Bjale, motho . . . Ke be ke eya go e thibela, eupša ke ya go e bolela. Motho ke mokgonatšohle. Ga le dumele seo eupša ke yena. Motho yo a ineetšego ka botlalo go Modimo ke mokgonatšohle. A Yena ga se a re, ka go Mareka 11:22, “Dilo e ka ba dife o di

bolelago, gomme o sa belaele ka pelong ya gago, se tla tla go phethega. O ka kgona go ba le se o se boletšego”?

<sup>252</sup> Go direga eng ge bomakgonatšohle ba babedi ba kopana? Ge Modimo le motho ba etla mmogo, bomakgonatšohle ba babedi, se sengwe se swanetše go šikinyega. Sengwe- . . . Le ge e ka ba eng o tla se bolelago ka maatla ale a go hlola a mokgonatšohle Modimo, go tsebeng gore O se tshepišitše, gomme O se boletše ka Lentšung la Gagwe, le hlola maatla ao a yago ntle mošola le go tliša dilo go phethega, dilo tše di sego gona, le dira, tšona mo o ka rego di gona, gobane bomakgonatšohle ba babedi ba kopane. Šole O eme! Oo, a Yena ga a makatše!

<sup>253</sup> A re boneng ge eba re ne dilo tsoko tše dintši tše botse. Temana ya 18, bjale temana ya 19. Johane; go diregile eng ge a bone sefahlego sa Gagwe? Dipolo? O wetše maotong a Gagwe; o be a no se sa kgona go emelela, bophelo bja gagwe bja setho bo be bo nolegile moko, o be a no se kgone go e dira. O be a le mofenyi, O be a šetše a fentše.

<sup>254</sup> Bjale O fa taelo, gomme ka gona re thoma go fetša tema, temana ye ya 19:

*Ngwala dilo tše o di bonego, le dilo tše di lego gona,  
dilo tše di tlogo tla ka morago ga fa;*

<sup>255</sup> Re tšere temana ya 20:

*Sephiri sa dinaledi tše di šupago tše o di bonego ka go  
seatla se setona, . . . ke dihlomakerese tše di šupago tša  
gauta. Dinaledi tše di šupago ke barongwa ba ba šupago  
ba dikereke tše di šupago: gomme dihlomakerese tše di  
šupago tše o di bonego ke dikereke tše di šupago.*

<sup>256</sup> Oo! Go tšeа mohemo, mogwera. Go Mmona a eme kua ka bogolo . . . bogolo bja Bomodimo bja Gagwe. Yena ke Moahlodi, Moprista, Kgoši, Ntšhu, Kwana, Tau, Alefa, Omega, Tate, Morwa, Moya wo Mokgethwa; Yo a bego a le gona, a lego gona, gomme a tla tlago. O gatakela bofohlelamorara bja kgalefo ya Modimo, le go thabiša se sengwe le se sengwe, go fihla Modimo a boletše mo sefapanong . . . Ge A phagametše godimo, O rile, “Go fedile!” O thabišitše Modimo bjalo, go fihla Moya wo o Mo tlogetšego o etla morago mo mosong wa Paseka gomme o Mo tšeela godimo le go Mo tsoša bakeng sa tokafatšo ya rena.

<sup>257</sup> Fao Johane o lebeletše godimo gomme o Mmone a eme kua ka maoto a mphiri, mahlo boka dikgabo tša mollo a kitimela pele le morago go kgabolantle lefase. Daniele o Mmone mengwaga ye makgološupa pele ga fao, ka go leemo la go swana, mohuta wa go swana, monna wa go swana a eme kua, Motala wa matšatši, le yo mongwe moka Morwa wa motho yo a Mo tšoennego, gomme kahlolo yohle e neetswe go Yena, a eme mo Teroneng ye Tšhweu ya Kahlolo.

<sup>258</sup> Go boneng dilo tše, re swanetše go ba mohuta mang wa batho, bagwera? Modimo a le šegofatše ke thapelo ya ka. Le a bona? A le a Mo rata? A le a Mo dumela? A o kgwapareditše soulo ya gago ka go Yena?

<sup>259</sup> A re inamišeng dihlogo tša rena feela nakwana.

<sup>260</sup> Ka setu le boleta, bjalo ka ge re eya go opela ka setu, *Ke Kgwapareditše Soulo Ya Ka Ka Go Lefelo La Khutšo*, “Nka se tsoge ka kwa tšona diphororokgolo go lahla moyā wa ka, eupša Le tla bolela khutšo ye bose go soulo ya ka.” Ka setu bjale, ka tlhom pokgolo, yo mongwe le yo mongwe.

Ke kgwapareditše soulo ya ka ka lefelong la go khutša,

Nka se sa sesa lewatle la lebelete gape;  
Ledimo le ka no swiela godimo ga bja lebelete,  
botebo bja ledimo,  
Ka go Jesu ke bolokegile go ya go ile.

Ke kgwapareditše soulo ya ka ka go lefelo la go khutša,

Nka se sa sesa lewatle la lebelete gape;  
Ledimo le ka no swiela godimo ga bja lebelete,  
botebo bja ledimo,  
Ka go Jesu ke bolokegile go ya go ile.

Phadima godimo ga ka, (Dira mahlasedi a Letago, Morena,) Morena, a phadime godimo ga ka,

Anke Seetša go tšwa ntlongseetša se phadime godimo ga ka;

Oo, phadima godimo ga ka, Morena, phadima godimo ga ka, (A re phagamišetšeng diatla tša rena go Yena.)

Anke Seetša go tšwa ntlongseetša se phadime godimo ga ka.

Go swana le Jesu, (Ee, Morena.) go swana le Jesu,

Lefaseng ke hlologela go ba bjalo ka Yena;  
Gohle go kgabola leeto la bophelo go tloga lefaseng go ya Letagong,  
Ke kgopela feela go swana le Yena.

[Ngwanešu Branham o thoma go hama khorase—Mor.]

. . . O Mophološi wa go makatša,  
Lefaseng ke hlologela go ba bjalo ka Yena;  
Gohle go kgabola leeto la bophelo go tloga lefaseng go ya Letagong,

<sup>261</sup> A o ka rata go ba le Bophelo bja Gagwe bo phela ka go wena, bo bonagatše Bogona bja Gagwe? Ge o ka rata, gomme o se wa

be wa e dira gabjale, a o ka emeleta bakeng sa thapelo? bao ba tla ratago go gopolwa ka thapelang. Modimo a le šegofatše.

Go tšwa legopong la Bethlehema . . . (E nong go fele le eme bjale, enong go šala go bapa . . .) . . . go ttile pele Mosetsbje, (O tla ba mosetsebje go lefase.)

Lefaseng ke hlologela go ba bjalo ka Yena; Gohle go kgabola leeto la bophelo, go tloga lefaseng go ya Letagong, Ke kgopela feela go swana le Yena.

Go no swana le Jesu, go no swana le Je- . . . (Yeo ke tlhologelo ya ka.)

Mo lefaseng ke hlologela go no swana le Yena; Gohle go kgabola leeto la bophelo, go tloga lefaseng go ya Letagong, Ke kgopela feela go swana le Yena.

[Ngwanešu Branham o thoma go hama khorase—Mor.]  
. . . fasana, go kokobela le fasana.

<sup>262</sup> Bjale, Tate wa Magodimong, go emeng ka maoto a bona ke ba bantši ba ba nyakago go Go amogela. Ba lapišitšwe ke go phaphamala tikologong ye, ba sa tsebe mo ba yago, ntle ka go phulawatle ya bophelo; le go tseba mohlomongwe pele letšatši le hlabo pelo e tla ema go rethetha, nako yeo phororokgolo ye kgolo, diphororo, pele ga bona, soulo ya go phaphamala. Ba bile go swana le bonabeng, ba bile go swana le lefase, eupša ba nyaka go swana le Wena bjale, Morena. Ba amogele ka Mmušong wa Gago, ke ba Gago, Tate, gobane O tseba dipelo tša bona le maikaelelo a dipelo tša bona. Gomme O le ngwadile, le go le bolela ka dipounama tša Gago mong, “Yo a kwago Mantšu a Ka, gomme a tla dumelago Yo a Nthomilego, o na le Bophelo bjo Bosafelego.” Gape O boletše, Morena, “Wa lehlogenolo ke yo a balago le yo a kwago mantšu a seprofeto sa Puku ye, gobane nako e kgauswi.” Ba lemoga gore nako e kgauswi. Ba ka se kgone go phaphamala boteletšana, Morena. Lahlela ntle lešika la bophelo, ba gogele ka go Wenamong, Morena. Anke ba ye pele go tloga bošegong bjo, ba bonagatše Seetša sa Jesu Kriste. Ke ba neela go Wena, Tate Modimo, Leineng la Jesu Kriste. Anke ka go kokobela ba latele Morena ka kolobetšong mo ka kerekeng; ba apare Moya wo Mokgethwa ka bophelong bja bona gore ba kgone go swana le Jesu ka moka matšatši a bona. Re e kgopela Leineng la Gagwe.

Go no swana le Jesu, go swana le . . .

<sup>263</sup> Bangwe ba lena bohole le emego kgauswi goba le dutšego kgauswi le batho bao, bao le lego Bakriste, obeletšang mošola gomme le sware seatla sa bona le go šišinya seatla sa bona. Bea seatla sa gago godimo ga bona, “Tumiša Modimo bakeng sa soulo ya gago.” Dialetara tša rena tšohle di tletše mo ka bana le dilo, re ka se kgone go ba tliša godimo mo.

Go kgabola leeto la bophelo, go tloga lefaseng  
go ya Letagong,  
Ke kgopela feela go swana le Yena.

Phadima godimo ga ka, Oo, phadima godimo  
ga ka,  
Anke Seetša go tšwa ntlongseetša, se phadime  
godimo ga ka;  
Oo, phadima godimo ga ka, Morena, phadima  
godimo ga ka,  
Anke Seetša go tšwa ntlongseetša, se phadime  
godimo ga ka.

<sup>264</sup> A le ikwela gabotse ka kgonthe? A ga le ikwele gabotse? A ga  
se wa thaba gore o Mokriste? Šišinya diatla le yo mongwe yo a  
dutšego kgauswi le wena bjale, ge re sa ya go opela pina, *Re tla  
Sepela Ka Seetšeng*, Seetša se sebotse se, Seetša sa Morena Jesu  
Kriste se bonagatšwa ka nameng.

Re tla sepela ka Seetšeng, Seetša se sebotse  
bjalo,  
Go tšwa mo marothi a phoka a kgaogelo a  
kganyago;  
Phadima gohle go re dikologa, mosegare le  
bošego,  
Jesu, Seetša sa lefase.

E opeleng, yo mongwe le yo mongwe:

Re tla sepela ka go Seetša se, ke Seetša se  
sebotse,  
Go tšwa mo marothi a phoka ya kgaogela a  
kganyago;  
Phadima gohle go re dikologa, mosegare le  
bošego,  
Jesu, Seetša sa lefase.

Tlang, bohole lena bakgethwa ba Seetša  
kwagatšang,  
Jesu, Seetša sa lefase;  
Gona dipele tša Legodimo di tla lla,  
O Jesu, Seetša sa lefase.

Phagamišetša seatla sa gago godimo bjale:

Re tla sepela ka Seetšeng se, Seetša se sebotse,  
Go tšwa mo marothi a phoka a kgaogelo a  
kganyago;  
Phadima gohle go re dikologa, mosegare le  
bošego,  
Jesu, Seetša sa lefase.

Re tla tšwelapele go sepela ka Seetšeng se, Ke  
 Seetša se sebotse bjalo,  
 Se tšwa mo marothi a phoka ya kgaogelo a  
 phadimago go kganya;  
 E no phadima gohle go re dikologa, mosegare  
 le bošego,  
 Jesu, Yena ke Seetša sa lefase.  
 Re tla sepela ka Seetšeng se (Seetša sa  
 Ebangedi), Seetša se sebotse,  
 Go tšwa moo marothi a phoka ya kgaogelo a  
 kganyago;  
 Phadima gohle go re dikologa, mosegare le  
 bošego,  
 Jesu, Seetša sa lefase.

<sup>265</sup> Morago mathomong, ka Pentecost ge Moya wo Mokgethwa o wetše godimo ga Kereke. Molaetša o tlide pele go theoga go ya ka Simirina; fao go be go eme Irenaeus, mokgethwa yo mogolo wa Modimo, a bolela ka maleme, maatla a Modimo, a tsoša bahu, a fodiša balwetši, O be a sepela ka Seetšeng. Ka morago ga gagwe gwa tla Columba, mokgethwa yo mogolo wa maatla wa Modimo. Bontši bja ba bangwe bakgethwa ba bagolo ba rwele Molaetša go ya pele go theoga, ba sepela ka Seetšeng, Seetša sa Ebangedi, Seetša sa go swana se se phadimilego ka Letšatši la Pentecost; Kriste a eme ka bogareng bja batho ba Gagwe, gomme tšona dihlomakerese tše di šupago tša gauta di bonagatša phadimo ya Gagwe boka letšatši bogareng bja phišo ya lona.

<sup>266</sup> Re mo ka 1961:

Re sepela ka Seetšeng se, Ke Seetša se sebotse  
 bjalo,  
 Se tla go tšwa mo marothi a phoka ya kgaogelo  
 a kganyago;  
 Oo, phadima gohle go re dikologa mo  
 mosegareng le mo bošegong,  
 O Jesu, Seetša sa lefase.

A re emeleleng:

Re tla tšwelapele re sepela ka Seetšeng se, Ke  
 Seetša se sebotse bjalo,  
 Se tšwa fao marothodi a phoka ya mogau a  
 tagilego;  
 Phadima ka moka go re dikologa mosegare le  
 bošego,  
 Jesu, Seetša sa lefase.

A le a Mo rata?

Ke a Mo rata, ke a Mo rata,  
 Gobane (feela gobane) O nthatile pele,  
 Gomme a lefela phološo ya ka  
 Godimo ga mohlare wa Khalibari.

<sup>267</sup> Nka se tsoge gape ka boela go dilo tša lefase. Ke hwile go lefase le lefase le hwile go nna. Ke sepela feela ka go Kriste, ke išwa ke Moya wo Mokgethwa. Ke a Mo rata gobane O a nthata, gomme o phadimiša ditšhegogofatšo tša Gagwe godimo ga ka, go mpha seatla se setona sa kopanelo ka Mmušong wa Gagwe. Bjale re barwa le barwedi ba Modimo, gomme ga se gwa be gwa bonagala se re tla bago sona mafelelong; eupša re a tseba gore re tla ba le mmele boka mmele wa Gagwe mong wa letago, gobane re tla Mmona ka mo A lego.

Nako yeo re tla sepela ka Seetšeng, Seetša se  
sebotse,  
Seo se tšwa mo marothi a phoka ya kgaogelo a  
kganyago;  
Phadima ka moka go re dikologa mosegare le  
bošego,  
Jesu, Seetša sa lefase.

<sup>268</sup> A le a Mo rata? Le a tseba, morago ga molaetša wa go ripaganya le se sengwe le se sengwe, Ke rata go kwa batho ba tsena ka dipineng gomme ba eya go rapela le go opela ka Moya. Ga go selo se sebotsebotse kudu go feta moopelo wo mobotse wa kgale. Yeo ke nnete. Ke rata moopelo wa pentecostal wa fešene ya kgale; e sego tšona digalontšu tša go kwatlišwa go feta tekanyo tše di swarwago go fihla ba tswinya le go fetoga bolou ka sefahlegong, ga ke tsebe se ba se opelago. Ke rata yo mongwe yoo mohlomongwe a ka se kgonego go rwala tšhunu ka mmanking eupša efela o na le Tšhegofatšo ya Pentecostal, bjale o opela ntle ka yona. Oo, dipina tše tša melodi tša sefapano di letago bjang—bjang! Oo, nna!

Pina ya rena ya go phatlalala bjale:

Tšeа Leina la Jesu le wena,  
Ngwana wa mahloko le madimabe;  
Le tla go fa thabo le khomotšo,  
Le tšeе gohle mo o yago.

Gosasa bošego ka iri ya bošupa, iri ya bošupa tlwa, tirelo e a thoma.

Leineng la Jesu go a inangwa,  
Go wa go ikala maotong a Gagwe,  
Kgoši ya dikgoši Legodimong re tla Mo rweša  
korone,  
Ge leeto la rena le fedile.

Anke bohole re opele bjale:

Tšeа Leina la Jesu le wena,  
Ngwana wa mahloko le madimabe;  
Le tla go fa thabo le khomotšo,  
Oo, le tšeе gohle mo o yago.

Leina le bohlokwa, O bose bjang!  
 Kholofelo ya lefase le thabo ya Legodimo;  
 Leina le bohlokwa, Oo bose bjang! (Bose  
 bjang!)  
 Kholofelo ya lefase le thabo ya Legodimo.

<sup>269</sup> Bjale, re e feditše bošegong bjo. Ba...sa tšo mpotšiša bjale,  
 “Ge eba go ne tirelo e ka ba efe mosong?” Aowa, e sego gosasa,  
 ebang le go khutša go gobotse gosasa. Mohlomongwe gosasa  
 bošego, nka se kgone go tšeela molaetša ka kua, kafao ke tla  
 o tšea letšatši la go latela. Nako e ka ba efe ge ke šitwa go...  
 molaetša wo wa go felela, ke o rwalela letšatši la go latela. Re na  
 le sete ye, ke a dumela le šetše lena bakeng sa Mabaka a Kereke.  
 A ga le? Go lokile.

A re inamišeng dihlogo tša rena ge re sa opele ka setu bjale:

Mo Leineng la Jesu go a khunangwa, (Leleme  
 le lengwe le le lengwe le tla le bolela.)  
 Go wa go ikala maotong a Gagwe,  
 Kgoši ya dikgoši Legodimong re tla Mo rweša  
 korone,  
 Ge leeto la rena le fedile  
 Leina le bohlokwa, Oo bose bjang!  
 Kholofelo ya lefase le thabo ya Legodimo;  
 Leina le bohlokwa, Oo bose bjang! (Bose  
 bjang!)  
 Kholofelo ya lefase le thabo ya Legodimo.



*PONO YA PATIMO* NST60-1204E  
(The Patmos Vision)  
TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Desemere 4, 1960, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)